

E-149

1988

ISSN 0132-6097

ეროვნული
ბიბლიოთეკა



საქართველო





ბაკეულად გაღაწვიოს თქვენი პრობლემა

მიმდინარე წლის 16 მაისს მოსკოვში გაიმართა საკ. ალკა ცკ-ისა და ვ. ი. ლენინის სახელობის პიონერული ორგანიზაციის ცენტრალური საბჭოს III პლენუმი.

კარგა ხნით ადრე, პლენუმის გახსნამდე, ჩვენი ქვეყნის სხვადასხვა ქალაქსა და ოლქში შეიკრიბნენ IX საკავშირო პიონერული შეკრების დელეგატები. მათთან შეხვედრებზე მოდიოდნენ კომკავშირული ხელმძღვანელები, პიონერხელმძღვანელები, სასკოლო, შეფი ორგანიზაციების კომკავშირელები. ბავშვები ვამოთქვამდნენ თავიანთ მოსაზრებებს იმის თაობაზე, რომ გარდაქმნა პიონერულ ორგანიზაციაში ძალზე ძნელად მიმდინარეობს. „აქა-

მდე ყველას პიონერული მარში მივივიდლოდა, ახლა კი დავიბენით ჩვენც და, ჩვენთან ერთად, ჩვენი ხელმძღვანელებიც“, — ამბობდნენ ისინი. ახლა, როცა ყველა რაზმეულს, რაზმს უფლება აქვს, მოიფიქროს საქმე თავისი სურვილისა და შესაძლებლობების მიხედვით, ჩვენ საამისოდ მზად ვერ აღმოვჩნდით. მიუხედავად იმისა, რომ ირგვლივ ბევრი ნამდვილი საქმეა გასაკეთებელი, ჩვენ, უმეტესწილად ძველი ინერციით, გაუბედავად ვირჯებით, სულ „ზევიდან“ მითითებას (ველით, თვითმმართველობას თავს ვარიდებთ, თავს ვიზღვევთ. ამიტომ საჭირო და აუცილებელია, პიონერული ცხოვრების ყველა ეს მტკივ-

ნული საკითხი განხილული იქნას საკავშირო პლენუმზე.

აი, ასეთი იყო ამ შეკრებათა საერთო აზრი და მოთხოვნა.

სწორედ ამიტომ საკავშირო პიონერული ორგანიზაციის ცენტრალური საბჭოს ბიურომ მიზანშეწონილად ცნო, პლენუმზე განსახილველად გამოეტანა პიონერული ორგანიზაციის მუშაობის შინაარსის გარდაქმნის კონცეფცია, რომელიც შემუშავებულია სწავლულების, პიონერული მუშაკებისა და ფართო აქტივის მონაწილეობით.

ბიუროს აზრით, ამის საფუძველი უნდა იყოს შემდეგი:

პირველი: პიონერული ორგანიზაცია მუშაობს პარტიისა და კომკავ-

შირის ხელმძღვანელობით. იგი კომკავშირის ცვლა და რეზერვია, არის ბავშვთა (უფროსებთან ერთად) კომუნისტური თვითმოქმედო, დამოუკიდებელი ორგანიზაცია, რომელსაც აქვს საკუთარი ბიუჯეტი, კადრები და მატერიალური ბაზა.

მშობრ: პიონერული ორგანიზაცია, რომელიც აღიარებს კომუნისტური მიზნებისა და ამოცანების ერთიანობას, აღწევს მათს მრავალფეროვან განხორციელებას.

მისამ: პიონერული ორგანიზაცია თავის საქმიანობას აგებს ორგანიზაციაში შემავალი იმ ბავშვებისა და უფროსების ურთიერთთანამშრომლობის საფუძველზე, რომლებსაც თავიანთი უფლებები და მოვალეობები აქვთ.

ეს უნდა იყოს კომუნისტური სულიკვეთებით, საერთო სასარგებლო იდეებით გამსჭვალული კოლექტიური მოღვაწეობა, აუცილებლად ხელმისაწვდომი ბავშვთა ორგანიზაციისათვის.

პიონერული მუშაობის ცენტრი უნდა იყოს რაზმი, რომელიც პიონერებს ინტერესებისა და მისწრაფებების მიხედვით გააერთიანებს.

რაზმები შეიქმნება რამდენიმე კლასის ბაზაზე, სკოლისგარეშე დაწესებულებებში, საცხოვრებელი ადგილის მიხედვით, საბჭოთა მეურნეობების, საწარმოთა, კოლმეურნეობათა კომკავშირულ ორგანიზაციებთან.

პიონერულ ორგანიზაციას უნდა ჰქონდეს თავისი სახსრები, მატერიალური ბაზა, კადრების მომზადების სისტემა, პიონერული ვაგონების სისტემა, პიონერული ცემლობა, კინოსტუდიები.

ძირითადად ასეთია კონცეფცია, რომელიც პიონერული ორგანიზაციის ცენტრალური საბჭოს ბიურომ წარუდგინა პლენუმს. იგი, ცხადია, ითვალისწინებს კომკავშირისა და პიონერული ორგანიზაციის ახალ ურთიერთობებს; კომკავშირის XX ყრილობამ ხომ თითოეულ კომკავშირულ ორგანიზაციას საწესდებო მოვალეობად დაუწესა პიონერებთან მუშაობა.

სამწუხაროდ, პირველადი კომკავშირული ორგანიზაციები, კერძოდ, სასკოლო ორგანიზაციები ჯერ კიდევ არ შემობრუნებულან პიონერებისაკენ, არ ცხოვრობენ საერთო ინტერესებით და საზრუნავით. მართალია, კომკავშირის XX ყრილობის შემდეგ შეიმჩნევა პოზიტიური ტენდენციები, მაგრამ ახალგაზრდობისა და პიონერული ორგანიზაციების დიდი შემოქმედებითი პოტენციალი ჯერ კიდევ არ არის სრულად რეალიზებული. პიონერული და კომკავშირული კადრების ერთნაწილში მოკალათებულია კონსერვატიზმი, ინერცია და ძველი აზროვნების სტერეოტიპები.

გარდაქმნა კომკავშირში და პიონერულ ორგანიზაციაში ძნელად ხდება, შეიმჩნევა ცხოვრებიდან მოწყვეტა.

ყოველივე აქედან გამომდინარე, პლენუმში თვლის, რომ კომკავშირული და პიონერული ორგანიზაციები უნდა განდგნენ მომავალი თაობისათვის დემოკრატიის, თვითმმართველობისა და ნამდვილი კომკავშირული ამხანაგობის სკოლა.

უნდა ამაღლდეს პიონერული ორგანიზაციების როლი და პასუხისმგებლობა პიონერების კომკავშირში შესასვლელად მომზადებისა და რეკომენდაციის საქმეში.

დაინერგოს პიონერულ ცხოვრებაში დემოკრატიული საწყისები.

კომკავშირის კომიტეტები მტკიცედ უნდა დადგნენ პიონერიის ინტერესების დასაცავად. ნორმად უნდა იქცეს კომკავშირული და პიონერული ორგანიზაციების ერთობლივი საქმიანობა.

კომკავშირის კომიტეტებმა, პიონერული ორგანიზაციების საბჭოებმა უნდა დასახონ და განხორციელონ კონკრეტული საქმეები, რომლებიც ხელს შეუწყობენ მოზარდი თაობის აღზრდას პატრიოტული და ინტერნაციონალისტური სულისკვეთებით, ჩაუნერგავენ მათ საბჭოეთის ყველა ეროვნების კულტურის, ენისა და ტრადიციებისადმი ღრმა პატივისცემას, შეამჭიდროებენ ახალგაზრდობას სოციალიზმის განმტკიცებისათვის, გარდაქმნისათვის.

საკ. ალკ ცენტრალური კომიტე-

ტი, ვ. ი. ლენინის სახელობის საკავშირო პიონერული ორგანიზაციის ცენტრალური საბჭო მიმართავს კომკავშირელებს, პიონერებს, გამოჩინონ ინიციატივა და თვითმოქმედება, კონკრეტული საქმეებით უპასუხონ პარტიის გადაწყვეტილებებს, ღირსეულად შეხვდნენ XIX საკავშირო პარტიულ კონფერენციას, ლენინური კომკავშირის 70-ე წლისთავს.

მაშ ასე, საქმე თქვენზეა! ყოველი რაზმი, ყოველი პიონერი უნდა ეცადოს, რაც შეიძლება სწორად მოქმედოს თქვენთვის მნიშვნელოვანი შრომითი საქმეები, შეისწავლეთ და გაუფრთხილდით თქვენს მშობლიურ მხარეს, ბუნებას, მიდით იმათთან, ვისაც თქვენი სიბოძო, დახმარება სჭირდება. თქვენ მოგელიან თქვენი თანატოლები ბავშვთა სახლებსა და სკოლა-ინტერნატებში, შრომისა და ბრძოლის ვეტერანები და ინვალიდები. გაბედულად გადაწყვიტეთ თქვენი პრობლემები. საინტერესო იქნება თუ არა თქვენი რაზმის ცხოვრება, ეს მხოლოდ და მხოლოდ თქვენზე, თქვენს ინიციატივასა და გამომგონებლობაზეა დამოკიდებული. ნუ დაელოდებით ყველა საკითხზე გადაწყვეტილებებსა და მითითებებს „ზემოდან“, ხომ გახსოვთ, როგორ მიმართა IX საკავშირო პიონერული შეკრების დელეგატებს კომუნისტური პარტიის ცენტრალური კომიტეტის გენერალურმა მდივანმა მიხეილ გორბაჩოვმა: „გაბედულად მოკიდეთ ხელი ნამდვილ, სასარგებლო საქმეებს, იმას, რაც ჯერ არავის მოუსინჯავს, იმოქმედეთ ენერგიულად და დაბეჯითებით“.



საქართველოს ალკკ სკ-ის და ვ. ი. ლენინის სახელობის პიონერთა ორგანიზაციის რესპუბლიკური საბჭოს ყოველთვიური სააპრეზო ჟურნალი

პიონერი ათწლიანი 1926 წლიდან

საქ. კკ სკ-ის გამომცემლობა 7 ივლისი 1988

საქ. სსრ კ. მარქსის სახ. სსრ



ერთი ეიზანი და სეზნუნავი გვაქვს

ნანა
ფავლენიშვილი

ფოტო ვ. პასრაძისა

კლასი უცბად ახმაურდა: ორი ბიჭუნას კინკლაობა ჩხუბში გადაიზარდა, ბავშვებმა ხელიც კი წაჰკრეს ერთმანეთს. გოგონები ვერას გახდნენ. მხოლოდ თეა კვიციანიას გამოჩენამ დააშოშმინა პატარები. მან ბიჭები პიონერთა ოთახში შეიყვანა და მშვიდად გამოჰკითხა ჩხუბის მიზე-

ზი. გამოირკვა, რომ ბრალი ორივეს მიუძღოდა. თეა ტაქტიანად ესაუბრა ბიჭებს, გააცინა, გაახალისა. ისინი მალე შერიგდნენ და ერთად გაიქცნენ საკლასო ოთახისაკენ.


თბილისის 150-ე საშუალო სკოლის ოქტომბრელებთან მუშაობის ორგანიზატორმა **თეა კვიციანიამ**

● გულის ფანცხალით ელოდნენ ოქტომბრალები ამ დღეს... და აჰა, დღეიდან მათ მკაფადსაც დაამოწვენებს აღისფერი ყელსახვევი

კარგად იცის, რომ ბავშვის საჯაროდ დატუქსვა მხოლოდ უარყოფითად მოქმედებს მის მგრძობიარე სულზე. უფროსი მეგობარი უნდა ენდობოდეს მას, ობიექტურობას იჩენდეს და აღიარებდეს მის ღირსებას. ეს არის ბავშვებთან მუშაობის წარმატების საწინდარი.

— უცნაური და მოუსვენარი ხალხია ეს ოქტომბრელები, — ღიმილით მეუბნება თეა. — შეიძლება ითქვას, გუშინ მოვიდნენ საბავშვო ბაღიდან, სულ ახლახან დედიკოები და ბებიები მოაცილებდნენ სკოლაში. ზოგი ახლაც ატარებს ჩანთით საყვარელ სათამაშოს. ყოველი მათგანი განსაკუთრებული, განსხვავებული სამყაროა. ზოგი გულჩათხრობილი და უთქმელია, ჩრდილში ყოფნას ამჯობინებს, ზოგი კი, პირიქით, ენერგიული და შემტევია, ცდილობს, ყურადღება მიიქციოს. ამიტომ ყოველ მათგანთან ინდივიდუალური მუშაობაა საჭირო.

● ფიქარი, განსჯაში, კამათში იბადება ოქტომბრალებთან მუშაობის ახალი ფორმები, მზადდება მრავალფეროვანი საინტერესო ღონისძიებები



— ოქტომბრელებთან მუშაობა, მათი სწორი ზნეობრივი და იდეური აღზრდა პიონერული ორგანიზაციის უმთავრესი საქმეა, — საუბარს სკოლის უფროსი პიონერხელმძღვანელი **ეთერ წულაძე** განაგრძობს. — უკვე სამი წელია აქა ვარ და გულახდილად მინდა გითხრა, რომ კმაყოფილი ვარ პიონერთა მუშაობით. სწავლა და შრომა, სპორტი და თამაში, მხიარული დასვენება, უფროსების დახმარება, უმცროსებზე ზრუნვა — აი, მათი საქმეების არასრული სია.

პირველ ყოვლისა, პიონერებმა იზრუნეს იმაზე, რომ თავიანთი შეკრებების ადგილი — პიონერთა ოთახი — ლამაზად მოეწყოთ. რასაც აქ ზედავთ, სულ მათი ნახელავია. თვალს ხიბლავს ლამაზი ქსოვილით დაფარული კედლები, კომწიად ჩამწკრივებული წიგნები და ალბომები, ნახატები, ნაქსოვები, სურათები.

— სკოლაში 250-ზე მეტი პიონერია, ყველანი კარგად იცნობენ ერთმანეთს — ერთად საქმიანობენ, ერთი მიზანი და საზრუნავი აქვთ. ვცდილობ არ შევზღუდო მათი ინიციატივა, მინდა, რომ დამოუკიდებლად აზროვნებდნენ და მუშაობდნენ. გოგო-ბიჭები ხალისით გვიზიარებენ თავ-თავიანთ აზრებს, კამათობენ, მსჯელობენ, — განაგრძობს ეთერი.

შორენა ბოკორიშვილი — რაზმეულის საბჭოს თავმჯდომარე: — ჩვენი რაზმეულის პიონერებს გამორჩეულად უყვართ პატარებთან მუშაობა. ისინი ხომ მომავალი პიონერები არიან, ამიტომ კარგად უნდა იცნობდნენ პიონერთა კანონებს, ტრადიციებს. უნდა გახდნენ უფროსებივით გამრჩენი, პირდაპირნი, პატიოსანნი და შრომისმოყვარენი, ჩვენ სწორედ ამაში ვეზმარებით მათ.

საუბარში ისევ **თეა კვიციანი** ჩაერთო: — ბავშვებთან მუშაობა საჭიროა განუწყვეტლივ. თუ პატარები რაიმე საკითხით დაინტერესდნენ და მხარში დაუდგეჭი, სულითა და გულით გამოგყვებიან ბოლომდე. მათი მთავარი ამოცანა კარგი სწავლაა. ჩვენც ვუხსნით, რომ კარგი სწავლა მათი ცხოვრებისათვის, მათი მომავლისათვისაა აუცილებელი.

ვაყვარებთ სწავლის პროცესს, ვუხსნით გაუგებარ მასალას. ყოველ მათგანს შედგენილი აქვს დღის რეჟიმი. სახლშიც ვაკითხავთ ხოლმე, ვესაუბრებით სხვადასხვა საინტერესო საკითხებზე.

ნინო სოლოშვილი, კულტმასობრივი მუშაობის ხელმძღვანელი: — თავიდანვე მიყვარდა ბავშვები და მათთან მუშაობა. მიხარია მათი გაბრწყინებული თვალების შემონათება და ვცდილობ, მათთვის საინტერესო და სასარგებლო საუბრები თუ ღონისძიებები ჩავატარო. ისინი ყოველთვის დიდი აღტაცებითა და მონდომებით მონაწილეობენ ნაირგვარ ღონისძიებებში. ჩავატარეთ საახალწლო კარნავალი, აგრეთვე 8



კიდევ ერთი ოქტომბრელი „მონათლა“ პიონერად!



გააკულატურის გეგმა შესრულდება!

არც ჯარტის გეგმა „ჩაუშვარდება“!

მარტისადმი მიძღვნილი საღამო, რომელზედაც ბავშვებმა საყვარელ მასწავლებლებს, დედებსა და ბებიებს თავიანთი ნახელავი მიართვეს საჩუქრად, წაუკითხეს ლექსები და ზღაპრები, იცეკვეს, იმღერეს.

ნინო ხანანაშვილი, ინტერკლუბის ხელმძღვანელი: — ვცდილობთ, პატარებს ამხანაგობის, მეგობრობის, ურთიერთპატივისცემისა და გაგების გრძნობები გაუღვივოთ. ვესაუბრებით ჩვენს დიად სამშობლოზე, ინტერნაციონალურ მეგობრობაზე, პატრიოტიზმზე... პატრიოტიზმი კი მშობლიური კლასის, სკოლის სიყვარულით იწყება. ბავშვები ცდილობენ, მათი საკლასო ოთახები ყოველთვის სუფთა იყოს, წიგნები და რვე-



ულები — მოწესრიგებული, მერხე-ბი — დაუჯღაბნელი.

— როგორც ნინომ აღნიშნა, ბავშვებთან ყოველი შეხვედრა ახლებური, საინტერესო და სასარგებლო უნდა იყოს, — ამბობს მერაბ აბულაძე. — პატარებს სკოლის ტრადიციები, პიონერული ორგანიზაციის ცხოვრება გავაცანით, მოვამზადებთ ისინი „წითელი ვარსკვლავის“ ზემისათვის, ვესაუბრეთ ვ. ი. ლენინის ცხოვრებასა და მოღვაწეობაზე. ჩვენ გვინდა, რომ ნორჩ ლენინელთა რიგებში მიღების დღე მათთვის ნათელი, მშვენიერი და დაუვიწყარი იყოს. საზეიმო ფიცის შემდეგ მათ

ალისფერ ყელსახვევებს გაუკეთებენ და დაიწყება ახალი, პიონერული ცხოვრება... ჩვენს კეთილსინდისიერ მუშაობაზე, უნარსა და გამომგონებლობაზე დამოკიდებული, როგორცვლას მოვუძაღებთ პიონერულ ორგანიზაციას.

ეთერ წულაძე: — აპრილში ხსოვნის დღე აღენიშნეთ. ჩვენი სკოლის აღზრდილის, ტარიელ ერადის სახელი მივანიჭეთ VI რაზმს. ტარიელი ინტერნაციონალური მოვალეობის შესრულების დროს დაიღუპა ავღანეთში.

ჩვენი ოქტომბრელები სერიოზულად ემზადებიან შრომითი საქმიანობისათვის. ასუფთავებენ სკოლის ეზოს, საკლასო ოთახებს. ვაკრებენ ჯართსა და მაკულატურას, ხეხუთხეხუთებს, ქერწავენ, ქარგავენ, ხვდებიან სხვადასხვა პროფესიის ადამიანებს.

პიონერთა ოთახში შევთვალწარბა ბიჭუნამ შემოიხედა.

— შემოდი, შემოდი, — შემოიბატიყა ეთერმა ყმაწვილი. — გაიცანით, ეს ლევან გრიგალაშვილია, III კლასის მოსწავლე, ძალზე აქტიური ოქტომბრელი.

ბიჭი მორიდებით შემოვიდა, ჯერ გაუბედავად გვიპასუხებდა, მერე თანდათან გამოცოცხლდა და საინტერესოდ გვიამბო თავისი „ვარსკვლავის“ საქმიანობაზე. ლევანი თურმე შესანიშნავად კითხულობს ლექსებს, ბიჭუნამ სიყვარულით დაგვისახელა თავისი ენერგიული და შრომისმოყვარე მეგობრები: მიმიკო კოკლამაზაშვილი, ხათუნა სულაძე, ნათია ქოსაშვილი, ეთერ მირუაშვილი და სხვები...

აი, ასეთი ჭკვიანი და უნარიანი გოგო-ბიჭების ღირსეულ მოქალაქეებად აღზრდაა ჩვენი უპირველესი მოვალეობა. პატარა მეგობრებისადმი ასეთი უნაგარო სიყვარული, შრომისმოყვარეობა და კეთილსინდისიერება წარმატებული მუშაობის საწინდარი, ყოველივე იმ კარგის საფუძველია, რაზედაც მომავალში მათი ცხოვრება და საქმიანობა აიგება.

არა გაქვს სირცხვილის ვრძნობა? დადიხარ და ნერვებს გვიშლი! ფანჯრები ჩაკეტა ხალხმა მაგ შენი ყროყინის შიშით. ვირმა გადახედა მინდორს, შეჩერდა და უთხრა აქლემს: — მიკვირს, რომ ვერ ხედავ თვითონ შენს ნაკლს და სირცხვილის ლაქებს. გაჩუმდი, ხმას როგორ იღებ, სჯობია, რომ იყო წყნარად: შენი სიმანინჯის სარკედ მარტო ეგ კუზიც კი კმარა!

ნუ ჩქარობ, ნუ ჩქარობ, გეტყვი, სინქარე არ შევლის საქმეს: პირველად შეხედე შენს თავს, სხვას მერე მიუთითე ნაკლებ.

თარგმნა ვახტანგ გორგაძემ



ნინო სოლოზილის რაჟისორობით დადგმული „გაჰია გაჰია“ (მესამე აქტის) ძალზე საინტერესო გამოვიდა

ჯარღოე ასადი,
თბილისელი ქუთოი პოეტი
მკერაპი

ჯერ ისევ იღვა სოფელში ღამე, მღუმარე ღამე. ეფინა ღრუბლის ზეწარი მინდვრებს, ქედებს და ხრამებს. უცებ მოედო ეზო-კარს: მტერი მოდისო რისხვით, ცას გადაბუგავს ხანძარი, სოფელს წალეკავს სისხლი. ზოგმა მიმალა ცხვარ-ძროხა, ზოგმა — ოქრო და ვერცხლი, ზოგმა კი ხორბალს მიხედა, არ დაინდობსო მხეცი. ზოგმა წაილო ურმებით ავეჯი მამა-პაპის, ზოგმა ძლივს გადაიტანა

ქვევრი მეორე ნაპირს. რაც კი შეეძლოთ, დატვირთეს, მიმაღეს ხვნეშა-ხვნეშით... თან გაიყოლა მკერავმა მხოლოდ ძაფი და ნემსი. სოფლის მცხოვრებნი სცინებდნენ, წელს იწყებდავსო ჯაფით, პურს ვინ აჭმევსო, რომ მიაქვს მარტო ნემსი და ძაფი. მკერავმა კი თქვა: სადაცო ხარობს სიცოცხლის ფესვი, იქ ალალ ლუკმას მაჭმევსო მე ეს ძაფი და ნემსი.

ვირი და აქლემი

აქლემმა ვირს მოჰკრა თვალი, სიცილით შესძახა მწარედ: — მაგ შენი უტვინო თავით როგორ გამოდიხარ გარეთ?

მარკვანი



კარლო კობარიძე

მხატვარი
თეგურ ფსიქიძე

მ ო თ ხ რ ო ბ ა

- უთხარი, ბუბიასთან ვისადილე-თქო.
- მაინც გამიჯავრდება.

მაშინაც მიჯავრდებოდა დედა, როცა დაუკითხავად გავდიოდი ეზოდან; თუ გავიპარებოდი, მთელი უბანი ჩემს ძებნაში იყო - ისეთი ამბავი დატრიალდებოდა ხოლმე, თითქოს ქვეყანა დამუქციოს...

დღე როგორ გავიდოდა, ვინმე არ გვწვეოდა. სტუმრები უფრო მამაჩემის მეგობრების ცოლები იყვნენ, ანდა დედაჩემის ინსტიტუტის ამხანაგები. ძველ ამბებს გაისწენებდნენ და ყველაფერზე ეცინებოდნენ.

ბევრი რამ მიკვირდა მაშინ, ისიც, ყველაფერი სხვათა მოსაწონი რომ გვქონდა: სახლი, აივანი, ჭიშკარი, კიბე, ავეჯი, ჭურჭელი, ტანსაცმელი... რასაც ხედავდნენ სტუმრები. ერთხელ მაგარი ქარი ამოვარდა და მსხმოიარე გულაბის ტოტი ჩამოხლიჩა. ის გულაბი ბოსტანში გვედგა, აუკ, როგორ იცოდა სხმა! მაშინ კი, ტოტი რომ ჩამოხლიჩა ქარმა, იმ სმობაშეპარულ ტოტს საცოდავად შეჭკნობოდა ფოთოლი და ნაყოფი. ერთმა სტუმარმა ქალმა დაინახა და თქვა, დედა, რა ლამაზად ჩამოსლქნიაო.

ჰოდა, სტუმრები რომ მოდიოდნენ, დედას ჩემთვის აღარ ეცალა - საუბარში გაერთობოდა ხოლმე. მეც დროს ვინელთებდი და მივიძურწებოდი შინიდან. მინ-

დოდა დიდხანს დარჩენილიყვნენ სტუმრები, ვერ გავგოდედაჩემს, უბანში თუ ვიყავი გასული. უბანში კი რაღა არ იყო საინტერესო! ირემაშვილების ძველი ბედელი; ჩემი ჯგუფელის, ფიქრიას უფროსმა ძმამ სამი გადასაგდება ველოსიპედიდან ერთი მშვენიერი ველოსიპედი რომ ააწყო; კველიშვილების კუდაპრენილი სიამის კატა, ამ ახლომანლოში ვირთაგვების სინსილა რომ გააქრო; შენგელიძეების ფულუროიანი კაკალი, ყოველ წელიწადს სახლჩიტებს რომ ბუდე ჰქონდათ შიგ; ლადო პაპას - ლადო მექვევრიშვილის სხვენზე შენახული ძველისძველი აკვანი; ლადო პაპა თავს იწონებდა, ამ აკვანში გავიზარდო. ერთხელ თქვა, სანაგვეზე გადაგდებულს ყველაფერს ნახავ, აკვნის გარდაო... რა ჩამომათვლევინებს ყველაფერს!.. ღელის გაღმა კიდევე, ტყის პირში, ცინე-კოშკის ნანგრევები იყო. ბიჭები ამბობდნენ, იმ ნანგრევების ქვეშ გვირაბია და თურმე ჩვენს ღელეში ჩამოდისო. მინდოდა, იმ ცინე-კოშკის გვირაბი მეპოვნა, მაგრამ ისეთი მიუწვდომელი მეგონა იქამდე მისვლა, ვერავინ დამაჯერებდა, ოდესმე თუ ამისდებოდა ეს ნატვრა.

ასეთი სტუმრიანობის დღეს გავიპარე ერთხელ, ჩილიკაობა ვითამაშე ბიჭებთან. მეზობლის ქალაქელმა სტუმარმა შემთხვევით მომარტყა ჩილიკა ჯოხი, წარბი გამიტყხა. იმდენი სისხლი არ დამდენია, რამდენი ცრემლიც მადინა დედაჩემმა, ყველას კი არ უნდა გაუყადრო თავი, შე ჩვენი ოჯახის შემარცხვენელოო, მამაჩემიც სულ იმას მეუბნებოდა - უნდა იცოდე, ვისი შვილი ხარ და ვისთან იმეგობროო.

4

ერთ კვირა საღამოს ველოსიპედს დავაქროლებდი ეზოში, უფრო ჩვენს სახლს ვუვლიდი გარშემო. მამა შინ იყო, ვარდებს ძირს უბარავდა, თან დედაჩემს სმამაღლა ელაპარაკებოდა რაღაცას. ხანდახან ბარის ტარზე დაეყრდნობოდა ხოლმე, თვალს გამომაყოლებდა - ფრთხილადო და ისევ დედაჩემთან განაგრძობდა ლაპარაკს. დედაჩემი დაბალ სკამზე იჯდა და თავშალს ქსოვდა.

ქვევიდან სატვირთო მანქანა მოდიოდა, - აღბათ ძალიან დაეტვირთათ, სმაზე ეტყობოდა, აღმართის ამოთავება უჭირდა. ველოსიპედი კედელს მივაყუდე და ჭიშკარს ვეცი.

- სად მიხვალ! - მიყვირა მამამ.
- მანქანა მოდის და იმას უნდა ვუყურო.
- გზაზე არ გახვიდე!

მანქანამ მარჯვნივ, ჩვენკენ რომ გადმოუხვია, დავინახე, რკინები ედო. ის რკინები მისაბმელზე გრძელდებოდა. აღმართზე წელა, თითქოს წვალბე-წვალბებით ამოდიოდა. ამოათავა აღმართი, გამცდა და მოტორიც ჩაუქრა. მოტორის ჩაქრობა და უკან-უკან დაგორება ერთი იყო. შემეშინდა — ეზოში შევვარდი. ვიდრე უკან მივიხედავდი, გრუნუნი მომესმა. უკან რომ მივიხედე, ჩვენი გალავნის კუთხე მოკბეჩილივით ჩანდა და ის გრძელი, ღარიანი რკინები თხილის ბუნჩქში ქანაობდა. მამა მშვიდად, აუნჩარებლად წავიდა ჭიშკრისკენ. დედა კი წამოხტა სკამიდან, მაგრამ, ეტყობა, ვერ გაიაზრა, რა მოხდა, მამას მიმტერებოდა, თან ქსოვდა. ისე ქსოვს დედაჩემი, ჩხირებსა და საქსოვს არ დახედავს ხოლმე, სიღარიბემ მასწავლაო.

მე და მამა ჭიშკართან რომ მივედით, შოფერი უკვე გადმოსულიყო მანქანიდან და გალავნის ჩამონგრეულ კუთხეს უყურებდა. მანქანა გზაზე გარდიგარდმო განირულიყო, ცოტაც და დელეში გადაეშვებოდა. დელის ფერდობი სავსეა ხენილით, სულ გადალეწავდა იმ ხენილს.

— გადავრჩი, — თქვა შოფერმა და მამას გაუღიმა.
— საბუთები მაჩვენე, — უთხრა მამამ.
მამაჩემზე გაცილებით ხნიერი ჩანდა შოფერი, წვერი ჰქონდა გაპარსული, თმაც — კონტად დაყენებული, ტანსაცმელი სუფთა ეცვა.

— რა საბუთებსა მთხოვ? — ჰკითხა შოფერმა.
— ჯერ მასალისას.
— სავარჯუოდან მომაქვს და, ამ ავტონისპექტორების ოსრობაში, როგორ გგონიათ, უსაბუთოდ წამოღებას გაურისკავდი?

— შენ არ გეუბნებიან?! — უყვირა მამაჩემმა.
— რა გაყვირებს მერე? — შოფერიც აყვირდა, — ყველა მე როგორ დამყვირის, კაცო?
— გეუბნები, საბუთები მომეცი-მეთქი!
— უკანონოს რას გთხოვს, — ეუბნება დედაჩემი, — რატომ უშლი კაცს ნერვებს?

მეზობლებიც გამოვიდნენ გზაზე, ვნახოთ, რა მოხდებოდა.
— კი ბატონო, ინებეთ, — კაბინაში შევიდა შოფერი და ქალაღდში შეხვეული საბუთები გამოიტანა. — ნახეთ, ბატონო, ქვეყნის დამქცევი რომ არა ვარ.
მამამ საბუთებს ჩახედა.

— საგზური სადა გაქვს, საგზური და წიგნაკი?
— მანდაა ორივე.
— სად მიგაქვს მასალა?
— სკოლის მშენებლობაზე.

სპორტდარბაზი უნდა აეშენებინათ, უკვე ამოწეული იყო კედლები.
მამამ დაკვირვებით გასინჯა საბუთები:
— ხვალ ცხრა საათზე მობრძანდი რაიკომში, იქ განკენებ, როგორ უნდა ყვირილი!
— უსაბუთოდ როგორ დავბრუნდე აქედან?
— მერე, შენი დანგრეული გალავანი მე ავაშენო?
— ზეგ ავაშენებ, მანამდე არ მცალია.

— დღესვე არ ავიშენებია, სულ ავიკრძალავ შოფერბას!

— რა დავაშავე ვითომ?
— ეს ავარია არაფერია?
— ზოგ კაცს ხევზე ქვიშასაც ვერ დაანახებ, რკინამ გასწიოს გაქირი, გასაკვირია?
— არა მცალია შენთან სალაპარაკოდ! — უთხრა მამამ და წასასვლელად შეტრიალდა.

ლადო პაპას სიძე, ვანტანგი მივიდა შოფერთან და რალაც უთხრა ყურში.

— კიდევ იმიტომ! — გაეღიმა შოფერს, — დღესვე ავაშენებ! — აჩქარებით შევიდა კაბინაში, დაქოქა მანქანა, ფრთხილად გაასწორა და ფრთხილად შეუდგა აღმართს. არ გასულა ერთი საათი, ისევ იმ მანქანით მოვიდა, მუშები მოიყვანა. იმ მუშებს ჩვენი სპორტდარბაზის მშენებლობაზე ვხედავდი. აგურიც მოიტანეს, ცემენტიც, ლამიც. შებინდებისას ჩვენი დანგრეული გალავანი უკვე გამთელებული იყო. შოფერი სხვაზე შეტყა მუშაობდა.

საბუთები დედაჩემმა გაუტანა და უთხრა:
— უნდა იცოდე, ვის როგორ ელაპარაკო.
— ვიცი, ქალბატონო, მაგაზე მეტი რა მასწავლა ცხოვრებამ, მაგრამ ის კი არავინ იცის, ჩემისთანა საწყალ კაცს როგორ უნდა ელაპარაკონ.

დიდი თოვლი მოვიდა, სულ გადაათეთრა ყველაფერი. სწორედ იმ დღეს გარდაიცვალა ლადოს პაპა, ლადო მეგუთნიშვილისა, ლადო ერქვა იმასაც, კალატოზი იყო. ლადო ერთი წლით უფროსია ჩემზე, სწავლით ვერ სწავლობს კარგად, მაგრამ ყველაფერი ემარჯვება — ვაზის გასხვლაც, მყნობაც, ახლა კიდევ სულ ხეწი, რანდა, ხუშტარა, სისო ხერხი, საჭრეთელი უჭირავს ხელში, დურგლობას არაფერი სჯობიაო. ძალიან ღარიბად ცხოვრობენ: პაპა ლოგინად ჰყავდა ჩავარდნილი, მამა კიდევ — დაუჭირეს, უკვე წელიწადია, ციხეში ზის; მელორფობის ფერმაში მუშაობდა. ერთი ტომარა დაღერლილი სიმინდი გაეტანებინა ბიძაშვილისთვის. თურმე მანქანის საბარგულში რომ ჩაუდო, მაშინ წააწყდა თავმჯდომარე, შენ მინიავებ ფერმასაო. მამაჩემს ეხვეწებოდა ლადოს დედა — მაყვალა ძალო, სათრი ვერ გაუტყნა ბიძაშვილს, ერთად დაიზარდენით, ხომ იცი, მაგისი ქურდობა არ გაგონილა, გვიშველეო. მამაჩემმა, მაგ საქმეში ვერ ჩავერევიო. წელიწადნახევარი მიუსაჯეს.

მთელი სოფელი ეხვეწებოდა თავმჯდომარეს, მილიციას ნუ გადასცემ; საწყალი, პატიოსანი კაცია, სათრმა დაღუპაო. არ აპატიო. ვინ არის დასაჭერი და ვის იჭერენო, მანანა ბებიამაც ესა თქვა მაშინ.

ლადოს პაპა რომ გარდაიცვალა, იმ ღამესვე მოვიდა ლადოს დედა, ყურძენს ჩავაბარებ შემოდგომაზე, მანამდე ხუთასი მანეთით გამიმართეთ ხელი, სიკვდილმა სიღარიბე არ იცის, ადამი თავისას მოითხოვსო.

— ფული სადა მაქვს, ქალო?! — გაიკვირვა მამაჩემმა,
— თვიდან თვემდე ხელფასს შევყურებ!
— იქნებ სალაროში აქვთ-მეთქი.
— მქონდეს, შენი თქმა რად მინდოდა!
ბიძაჩემს გაეგო ლადო პაპას სიკვდილი, სამძიმარზე

მისულიყო, ეთქვათ, შენს სიძესთან მივიდა მაყვალაო და, აკი ამ ლაპარაკს არ შეესწრო!

— მე გასესხებ, მაყვალ, მაგდენი ფული კი მაქვს. მეტიც დაგჭირდეს, ნუ მოგერიდება. ცხონებულის ხათრიც მქონდა, შენი ქმრისაც, შენიც და, რალა თქმა უნდა, სინდისისაც.

— ღმერთმა გაგახაროს, — ისევ ატირდა მაყვალა ძალო.

მაყვალა ძალომ რომ გაიხურა კარი, ბიძაჩემმა გააყოლა თვალი და მამაჩემს გადახედა:

— შენი მშობლები ერთ თვეში წავიდნენ ამ ქვეყნიდან. გეხსომება, ლადო ძიამ ნახევარ ფასად მოგცა თავისი დეკუული და ორივეს საფლავს თალი გადაუყვანა უსასყიდლოდ. არ უნდა დაგვიწყებოდა.

— არა მაქვს და რა მივცე?

— შენს ადვილზე, ვისესხებდი და უარით მაინც არ გავისტუმრებდი. უნდა დაეხმარო.

— რითი, ბიჭო?!



— დეკუული უშოვე გამოწერით.

— მერე ის თავმჯდომარე თუ შეურნებობს, დიროქტორი თავზე დავისვა?

— მაგას არავინ გაკადრებს; არც გაჭირვება უკვირს ვინმეს, არც მიცვალებული.

ამ ლაპარაკში რომ იყვნენ, ეზოს კარი შემოაღო ვილაცამ, ოჯახიშვილებომ.

— მობრძანდით! — გასძახა მამაჩემმა.

პირველად კაცი დავინახე, სურჯინი ეკიდა მხარზე, ცალ ხელში ინდაური ეჭინა, ცალში კიდეც — სამი ფერადი ქათამი. ქალს მოწული, მაღაზიის კალათა მოჰქონდა.

შემოვიდნენ საჩხუში, გამარჯობათო და მოგვაჩერდნენ.

— ვინა ხართ? — ჰკითხა მამაჩემმა.

— თქვენზე მლოცველები, შვილო, — თქვა დედაკაცმა.

— შინ შემობრძანდით, — კარი შეაღო ბიძაჩემმა და ჩამოეცალა.

უცხო კაცმა ინდაური და ქათამები მაგიდის ქვეშ შესხა ფრთხილად და მერე შემოვიდა ოთახში. დედაკაციც შემოჰყვა.

— რა ამბავია? — ისევ მამაჩემმა ჰკითხა.

— ერთ კვირაში ახალი წელიწადი ჩამოდგება, შვილო, — უთხრა დედაკაცმა, — ძღვენი მოგართვით.

— რაო?!

— სახალწლო ძღვენი. განა ვიჭირთ რამე, მაგრამ ესა, შვილო, სამადლობელია, თქვენ ისეთი სიკეთე გაგვიწიეთ, დღე არ გაათენდება, არ გვახსოვდე.

ბერიკაცმა სურჯინი შკაფის გვერდით დადო. დედამ სკამი გამოსწია:

— დაბრძანდით.

კალათის დადგმაც მაშინ მოიფიქრა დედაკაცმა. ბეზიძაჩემზე ხნიერი მეჩვენა, ისეთი გალუული იყო, გამიკვირდა, ამოდენა კალათას როგორ ძრავს-მეთქი.

ბერიკაცი სკამზე დაჯდა, მაშინ შევხედე მამაჩემს — სიწითლე მორეოდა, გაბრაზებისას ემართებოდა ასე.

— ვინ ბრძანდებით? — ჰკითხა ბიძაჩემმა, თან ხელზე ხელი მოუჭირა მამას.

— ხილოვნიდანა ვართ, შვილო. სიკეთეს გადახდა უნდა, — ბიძაჩემს შეხედა ბერიკაცმა.

— რა სიკეთეზეა ლაპარაკი?

— შვილიშვილი გაგვინდა ავად და ამ კარგმა ადამიანმა მოგვხედა, — ახლა მამაჩემს მიაჩერდა.

მამა სკამზე დაეშვა და თავი ხელებში ჩარგო.

— მერე? — დაინტერესდა დედა...

— მერე, შვილო, — დედაკაცმა დაიწყო, — გავასინჯეთ ექიმს. გამოწერა წამალი, მაგრამ ის წამალი ვერსად ვერ ვიშოვნეთ, ვერც აფთიაქში, ვერც შავ ბაზარზე. ბიჭი კი, არმაზი, თვალსა და ხელს შუა გვეწავლებოდა. მაშინ, აღარ მახსოვს ვინ მიჩრია, რაიკომში მიდიო. მივედი. კიბეზე რომ ავდიოდი, ეს გასახარელი შემხვდა, დაბლა ჩამოდიოდა, — მამას შეჰღიმა, — რამე შეგაწუნათ და ვისთან მიბრძანდებით, დედიო. ჩემი გასაჭირი შევჩივლე. წამობრძანდითო, უკან გაბრუნდა. წავეყვი. აფთიაქის უფროსს დაურეკა, ჩემი სახელით მოვა ასეთი და ასეთი ქა-



ლებდა, მარცხენა წაივლო და ისე გაიჩერა კანკალი.
დედაკაცმა თავშალი შეისწორა და წამოდგა:

— არ გვეგონა, სამადლობელზე თუ ხელს გვეგონავლი
ღით.

მაშინ იყო, ბიძაჩემმა რომ თქვა:

— როგორ გეკადრებათ ხელის კვრა! ძღვენი, მოსაკითხი აუცილებელიც კი იყო ძველ საქართველოში. დაბრძანდით.

ჯერ დედაჩემი დაჯდა, მერე ის უცხოები დასხდნენ. მამა ისეთი გაკვირვებული უყურებდა ბიძაჩემს, ვიფიქრე, ენა დაება-მეთქი.

ბიძაჩემმა განელეხული ღუმელი გამოაღო, შეშა შეუკეთა და ორივე ხელით დაეყრდნო მაგიდას:

— სიძე-ბატონო, რას ხედავ აქ გასაბრაზებელს?

— მეტი რაღა გინდა, კაცო, ამ შუადღისას, ქვეყნის დასანახად მომადგნენ კარზე ინდაურით, ქათმებიტა და კალათა-ხურჯინით!

— ძალიანაც კარგი! ეს იმას ნიშნავს, საუჭვო არაფერია.

— მაინც ქრთამი ჰქვია ამას!

— რას ამას?

— რაც მოიტანეს!

— მერე შენ ვინ მოგიტანა! აი, ოჯახს, ბავშვს მოუტანეს. ხალხს შვილიშვილი გადაურჩინე, ამათ კიდევ ამით, ამ მოსაკითხით გამოხატეს მადლობა. რა არის აქ საღვთავო და ნერვების ასაშლელი! იყიდეთ? — კაცს მიჩაერდა, მაგრამ ქალმა თქვა:

— აქ მოტანილს ბაზრის არაფერი ურევია, შვილო. ინდაურებსაც მე ვზრდი, ქათმებსაც, ჩურჩხელებიც ჩემი გავლებულია, თაფლიც ჩვენი ფუტკრისაა, ხილიც ჩვენი ბალისა... შვილები ეყოლება, მივუტან, ვასია მოვინებ-მეთქი.

— წაიღეთ ყველაფერი! — ისევ იყვირა მამამ, წამოდგა, გაიხურა კარი. მივაყურადე. მეორე სართულზე ავიდა.

— რას ვიზამთ! — მხრები აიწურა ბიძაჩემმა, — ოჯახის უფროსია და უნდა დაუუჯეროთ.

ხურჯინიც აიღეს, კალათაც, ინდაურიც აიყვანეს, ქათმებიც და წავიდნენ. ისე საცოდავად მიდიოდნენ, ისე მოკუზულები, კინალამ ავტირდი.

— დედა, დავიტოვოთ, — შევეხვეწე.

— არ შეიძლება, შვილო, ხალხი იტყვის მამაშენზე, მექრთამეო.

— ეგ ქრთამს არ ნიშნავს, — თქვა ბიძაჩემმა, — მე თქვენს ადგილზე ასე მოვიქცეოდი: მაგ მოსაკითხზე ხელს არ ვუკრავდი და ისეთ საჩუქრებს გავატანდი, თუნდაც შვილიშვილთან, მაგათი მოტანილის ღირებულებას ორჯერ მაინც რომ ვადააჭარბებდა. ცოდვია ხალხი!..

6

ის დღე რომ მახსენდება, ახლაც ცივი ჟრუნტელი მივლის. სკოლიდან ვბრუნდები, ვხედავ, ჩვენს ჰიშკართან ხალხი ირევა. ნაბიჯს ვაჩქარებ. თვალი რაც შემასწრეს, ყველა მე მომჩერებია. მოლიავებულ ჰიშკარში

ღით და ახლავე მიეცი წამალიო. მომცეს. მალამოდ ექცა ჩემს არმასს, აგრემც ჩემს სწორს მოიყრით, შვილო... ერთი თვის ჩამოსული იყო ჯარიდან.

მამამ თავი ასწია და იყვირა:

— რაც მოგიტანიათ, წაიღეთ და წადით ახლავე! — მაგიდას დაარტყა მუშტი.

ისე შემეშინდა, კინალამ მაგიდის ქვეშ შევძვეარი. დედაჩემი შეკრთა, იმ უცხოებმა კი ერთმანეთს გადახედეს, ისე დაიბნენ, ხმა აღარ ამოუღიათ. კაცი ადგა და ხურჯინთან მივიდა, დააჩერდა. მარჯვენა ხელი უკანკა-

შედივარ — ორი მანქანა დგას ეზოში, „ვოლგა“ და „ჟიგული“, მილიციის მანქანაა ორივე. აივანზე ავდივარ. მაგიდას უზის დედა, ეტყობა, დიდი ხანია ტირის, ცრემლი გაშრობია. მაგიდაზე ყვავილების ლარნაკი დევს, შიგ ჩემი მომტკრეული ტყემლის, ალუნის, ატმის აყვავებული ტოტები აწყვია. გათენდება და საწოლიდან ადგომა მიხარია — გაზაფხულის სმაური, სურნელი, ფერები მეძახის გარეთ. და სწორედ ამ დროს მილიციის ფორმიანი კაცები აქოთებენ იქაურობას. მინდა ვკითხო, რას ეძებენ-მეთქი, მაგრამ ვერ ვახერხებ. არ ვიცი, რატომ ტირის დედა, რატომ არაფერს ეუბნება იმ კაცს, მაიორს — ისა უფროსობს: რა საკადრისია უცხო, სხვისა ოჯახში ასე შინაურულად ხელების ფათური! მაიორი ხშირად მოდიოდა ჩვენსა, ჩემს დაბადების დღეზეც იყო, მამაჩემის გვერდით იჯდა და ღიმილით ელაპარაკებოდა. მაგან არ მახუჭა ოქროს ჯვარი?!. ანდრო ჰქვია, ანდრო ძია. თავზე მისვამს ხელს ანდრო ძია, თან დედაჩემს ეუბნება:

— რა ვქნა, ქალბატონო მზია, ჩემს ძალას არ აღემატებოდეს, ვინ მამაძალი, ამ თვალთ მოვიხედავდი აქეთ!

დედაჩემი ხმას არ სცემს, ისეა შეწუხებული, დაპატარავებული მეჩვენება...

მოკლედ, გახსენებაც მზარავს და ამიტომ აღარ ვყვები დაწვრილებით — მამაჩემი ქრთამის აღებაზე დააპატიმრეს. იმდენი ფული წაიღეს ჩვენგან!.. რას წარმოვიდგენდი, ჩემს ოთანში, ძველ სკივრში თუ ინახავდნენ!..

ათი წელიწადი მიუსაჯეს მამაჩემს და კიდევ ქონების კონფისკაცია. მაგრამ ჩვენს ავეჯს, ძვირფასეულობას, ბროლსა და ფაიფურს არაფერი დაკლებია, ვინაიდან „დედაჩემის ნაშთი“ იყო.

მთელი სოფელი მამაჩემზე ლაპარაკობდა. ეზოდან თითქმის აღარ გადიოდა დედა, თვალდათვალ ჩამოხმა და ჩამოჭანა. ისეთი ნერვებაშლილი იყო, აქამდე ხელი რომ არ დაუკარებია ჩემთვის, ახლა სულ უბრალო რამეზე მცემდა.

მამა მენატრებოდა. რამდენჯერაც ვუთხარი დედას, წავიდეთ, ვნახოთ-მეთქი, ყოველთვის ერთსა და იმავეს იმეორებდა, იმ სიმორეზე წასვლა გაგვიჭირდებოდა.

სკოლაში რომ მივდიოდი, ვგრძნობდი, ყველა მე მიყურებდა, ყველა მამაჩემზე ჩურჩულებდა. ზოგ-ზოგები ვითომ მომიკითხავდნენ ხოლმე, როგორა ხარო. უკვე ვხვდებოდი, ასეთი მოკითხვა ნიშნის მოგებას რომ ნიშნავდა. აღარც სტუმრები ჩანდნენ და აღარც ჩვენი ჭურჭელი, ავეჯი, ეზო და მსხმოიარე მსხლის ჩამოსლექილი ტოტი მოსწონდათ. მუსიკის მასწავლებელი კი ერთი თვის შემდეგ ისევ მოვიდა ჩვენსა, როგორც ადრე იცოდა, მიესალმა დედას, ორიოდ წუთით დაისვენა და მერე შევუდექით მეცადინეობას. დედამ მითხრა, საშუალება არ გვაქვს, მუსიკაში ველარ მოვაგზადებო. ძალიან მეწყინა, მაგრამ სხვას რას ვეტყვოდი, ალბათ ასე ჯობია-მეთქი. კინალამ გულთმისნობა დავაბრალებ მასწავლებელს — ასე არ ყოფილიყო, საიდან გაიგებდა,

ზაფხულის იმ ღამეს რაზე ვლაპარაკობდით მე და დედა ჩემი.

— ქალბატონო მზია, ძალიან გთხოვთ, ფული არ შემომაძლიოთ. არ ავიღებ.

— რაც აქამდე ამეცადინეთ, იმისას გადავიხდით, ოღონდ მერე ნულა მობრძანდებით, ამდენი საშუალება არა გვაქვს.

— ნიჭიერი ბავშვია და ცოდვია, გზა გაუპრუდოთ. ამით იმას არ ვამბობ, უეჭველად დიდი მუსიკოსი დადგება-მეთქი, ეს უკვე მომავლის, ნიჭის განვითარების საქმეა, მაგრამ სმენა აქვს და ამასთან მეცადინეობა მეც შეხალისება.

— ჩემი არაფერი გმართებთ და არც უფლება მაქვს დაგეთანხმოთ.

— პიანინოს დაკვრა თუ ვერ აგიტანიათ, ჩემთან იაროს მაშინ.

— პირიქით, მარტო არ მტოვებს საკუთარ თავთან.

— მესმის თქვენი...

და ისევ ვმეცადინეობდი. მაგრამ მუსიკის მასწავლებელი მესამე წელიწადს თბილისში გადავიდა საცხოვრებლად და მეც იშვიათად ვიხვდებოდი პიანინოსკენ.

გიაც ხშირად მოგვაკითხავდა ხოლმე, შოფერი. ისევ მეორე მდივანი დაჰყავდა იმავე „ვოლგით“. მოვიდოდა, ხილს მაინც მოაყოლებდა, დიდი ამბით მოგვიკითხავდა, მამაჩემის ამბავს გაიგებდა, ამოიხსრებდა და მიდიოდა. როგორ მწყდებოდა გული იმ „ვოლგის“ დანახვაზე!

ვიდრე მამა შინ იყო, მის ჭკუაზე დადიოდა დედა. ხანდახან კი შეუბრუნებდა სიტყვას, თუმცა მალევე ეთანხმებოდა. რაკი მამაჩემი დიდი კაცი იყო, ეგონა, ოჯახში დაბლა არ უნდა დაუშვან მისი სიტყვაო. ბოლოს ასეთი მორიდება უსიტყვო მორჩილებად გადაექცა. ახლა თავის ძმას უყურებდა, რას მიჩვევს და როგორ გავაკეთოო.

ბებიჩემის თქმისა არ იყოს, ღმერთო შეგცოდებ-ჩემი მანამდელი წლებიდან ყველაზე ბედნიერი იმ ზაფხულს ვიყავი: დედას ხშირად იხარებდნენ, ხან მილიციაში, ხან პროკურატურაში, ხანაც თვითონ მიდიოდა სადღაც, ქმარს ეხმარებოდა ვითომ. მამაჩემის ძველი ნაცნობებიც ნახა, თანამშრომლებიც, უფროსებიც, ყველა იმას ეუბნებოდა თურმე, ისეთი აშკარაა ეგ საქმე, ისეა განმაურებული, ვერაფერს ვუშეველითო. ვერც უშეველეს ბიძაჩემი ურჩევდა, ნურც სხვას აწუხებ, ნურც შენ დაგ-





ლანაობო — არ დაუჯერა მანამდე, ვიდრე განაჩენი არ გამოუტანეს. თან არასოდეს წაუყუანია არც დედას — ბიძაჩემის სახლში მტოვებდა ყოველთვის. მეც ეს მინდოდა! მთელი ის ზაფხული ნახევარჯერ იქ ვიყავი, დაძინებით კი ჩვენსა მივყავდი დედაჩემს. ზოგჯერ იმ დროს მოდიოდა დედა, როცა მეძინა; მაშინ იქ იძინებდა თვითონაც.

ბიძაჩემი ალაზანზე, ფერმაში რომ დააპირებდა წასვლას, მე და დათოც წასასვლელად ვემზადებოდით.

„ჩიგული“ კი ჰქონდა ბიძაჩემს, მაგრამ სატვირთო მანქანით დავდიოდით. დახურული სატვირთო მანქანა მაღაზიის წინ, ცაცხვებთან ჩერდებოდა და ზუსტად რვა საათზე ეშვებოდა ალაზისაკენ — მეძროხეობისა და მელორეობის ფერმის ხალხი მიჰყავდა, მიჰყავდა და მოჰყავდა. ძალიანაც გეხვეწნა, ხუთი წუთით არ მოიცდიდა შოფერი. თუ რვა საათამდე არ მოვიდოდა რომელიმე, ეს იმას ნიშნავდა, ან ავად იყო, ანდა თავმჯდომარეს დაეთხოვა იმ დღეს.

სატვირთო მანქანის ძარაზე პირველად რომ ავდიოდი კიბით, მეშინოდა, ხალხი მამაჩემზე დამიწყებდნენ — მეთქი ლაპარაკს. მაგრამ ხმა არ ამოუღიათ ამაზე, სულ სხვა იკითხეს:

— შენი ბიჭის ამბავი მოგვეხსენება, ეს ჯეილი სადღა მიდის, ლევან?

— ფერმაში, გუშინწინ რომ მოიგო ნიშამ, იმ ფურჩინის გაცნობა უნდა.

— ადრე მოგებულეებისა არაო?

— ჯერ ეს აინტერესებს. რა ვქნათ, ხალხნო, როინს ხომ არ ვთხოვოთ სახელის დაქმევა?

— ეგრე არ გამოვა, — თქვა ერთმა დედაკაცმა, — ამ კვირაში სამჯერ კიდევ თუ ნახავს, აი, მაშინ ნათლიაც იყოს.

— წამოვა, — გაუხარდა დათოს, — ყოველდღე ივლის!

— ყოველდღე არ მობეზრდება ფერმაში სიარული?

— შეიძლება, — თქვა ბიძაჩემმა, — მაგრამ ალაზანზეც ჩავალთ შუადღისას, ცურვა უნდა ისწავლოს.

— აქამდე არ უსწავლია, კაცო?! — გაიოცა აგრონომმა, საზაფხულო მსხალი დაგვიმყნო ერთხელ და იქიდან მასსოვდა.

— წინა ზაფხულის არდადეგებმა ისე ჩაიარა, ვერ მოვიცალეთ. ისე, კაცმა რომ თქვას, არც ახლა დაგვიანებულნი.

ფერმაში მალე ჩავედით, მანქანიდან რომ ჩამოვედი, ქვევით ვავიხედე და დიდი, დაბურული ტყე დავინახე.

— ალაზნის ჭალა ეგაა, — მითხრა დათომ, — მაგ ტყეში ჩამოდის ალაზანი. დიდი ხანია, წვიმა არ მოსულა, ისეთი კამკამა იქნება, თევზებსაც დავინახავთ შიგ.

თევზების დანახვა მაინცდამაინც არ გამიკვირდებოდა: ბელლის უკან მრგვალი აუზი გვაქვს, ცოცხალ თევზებს მოგვიყვანდნენ ხოლმე და იმ აუზში ვუშვებდით. ის თევზები, აუპ, რა დიდები იყო! დღეში ორჯერ ვუყრიდით რაღაც მოთეთრო საჭმელს და ნელ-ნელა, გამოზოგვით ვიჭერდით. მამას უფრო შემწვარი თევზი უყვარდა. ანკესით კი არ ვიჭერდით, ბადურით ამოგვყავდა.

ერთმანეთზე გრძელი, შიფერით გადახურული სამი შენობა წაგრძელებულიყო — ეს არის ფერმაო, — მითხრა. ეზოში გამოეყვანათ ძროხები, ისეთი სუფთა იყო ყველა, თითქოს აბანავესო.

ბიძაჩემი ამ სამი შენობის გვერდით მდგარ ერთ-სართულიან შენობაში შეგვიძღვა. ოთახის კარი გააღო, შევიდა და შევეყვით. ოთახში ტელევიზორი იდგა, რადიო, მაცივარი, ჯურჯლის კარადა, მაგიდა-სკამები, ორი საწოლი. კარგად დაესუფთავებინათ იქაურობა. ბიძაჩემმა ზურგჩანთა მაგიდაზე დადო, თეთრი ქათქათა ხალათი ჩამოიღო კანხიდან, გადაიცვა და კარი გამოაღო, წამოდიო.

წინა დღესაც ფერმაში იყო დათო, ამიტომ აღარ წამოგვეყვა, ტელევიზორი ჩართო, კარგ ფილმს უჩვენებენო.

შევედით ფერმაში. ბევრი ბოჩოლა და დეკუელი დაემწყვდიათ ცალ-ცალკე, არც ერთი არ იყო დაბმული. იმ სამი დღის ბოჩოლასთან მიმიყვანა:

— აი, შვილო, ესაა უსახელო ფურჩინა. თუ გინდა, შედი, მოეფერე.

მოდობილში შევძვერი. ჯერ არაფერი გავეგებოდა შიშისა და დიდი, ბრიალა თვალებით მომჩერებოდა. ხელი რომ შევასე, შემომხედდა და შემომხმუვლა. ისეთი ლამაზი იყო, კისერზე მოვეხვიე და შუბლზე ვაკოცე. ღიმილით მომჩერებოდა ბიძაჩემი.

შენობის ბოლოში ხალხი საქმიანობდა. რომ დაგვიანახეს, ჩვენკენ წამოვიდნენ. ერთი კაცი იყო — ჩემი ჯგუფელის, მამუკას პაპა, სამი კიდევ ქალი.

მამუკას პაპამ შორიდანვე მიცნო.

— როინს გაუმარჯოს!.. ეგრე, შე კაი კაცო, სოფლელი კაცი ხარ და სოფლის ყოფა-ცხოვრებას არ უნდა იცნობდე? ყოჩაღ, რომ ჩამოხვედი!



- ამის შემდეგ ხშირად ივლის, - უთხრა ბიძაჩემმა, - მოგვეხმარება კიდევ. ჯერჯერობით არ სცალია საჩვენოდ, ცურვა უნდა ისწავლოს.

- წყლისა თუ არ უშინია, მალე ისწავლის.

- ხომ არ დაგავიწყდა, ჩემი დისწული რომ არის?

- ეგ კი ნამდვილად დამავიწყდა, რაზედაც, ძვირფასო ადამიანო, უღრმეს ბოდიშს გიხდის.. წელან ქალები ამბობდნენ, ამასო, ამ საფურეს, ნათლია გამოუჩნდაო. მართალია ვითომ?

- ეგრება, როინზე გეტყოდნენ მაგას. რა დავარქვათ, შვილო?

- ფოთოლა! - მაშინვე წამოვიძახე.

- ეგე, პა, ამდროულა კაცი ვარ და ასეთ მშვენიერ სახელს ვერც მე მოვიფიქრებდი!.. მაშ, აგვიღია დაბადების მოწმობა! - მამუკას პაპამ ავტოკალამი და უბის წიგნაკი ამოიღო ჯიბიდან.

შუადღემდე სულ ბიძაჩემს დავყვებოდი, ერთი წუთითაც არ მოვცილებივარ. ერთი ფური ავად არისო და, ვუყურე, როგორ გასინჯა ბიძაჩემმა ფონენდოსკოპით, როგორ დაკვირვებით გასინჯა და დიაგნოზიც დაუსვა, გაციებულაო. წამალი წყალში გაურიეს და ისე დააღუენეს.

შუადღისას იმ ტელევიზორიან ოთახში ვისადილეო და მერე წავედიო საბანაოდ.

სამანქანე გზიდან ველობში გადაუხვია ბიძაჩემმა.

- მაქვთ საით მიხვალ, მამი? - ჰკითხა დათომ, - მოკლეზე ჩავლა არ სჯობია?

- წამოდით, - მშვიდად თქვა ბიძაჩემმა, ბალახს დაწვდა, მოწყვიტა და მიჩვენებს, - ამას შალაფა ჰქვია, დიდი ოხერი სარეველაა, ერთი და ერთი თუ გაიდგა ბორჯი, ძნელად თუ გააგდებ ვენახიდან. - მერე სხვას დაწვდა, მერე კიდევ სხვას. - ეს მწყრისფეხაა, ეს სალამურა, ძურწა, ხვართქლა, ულეწელა, რძიანა, ღორის ქადა, ბარდალო... რამდენი ხანია, აღარ მიხანავს ბარდალო... ესა ბებრიკონკაა, ეს - ბალბა, ბოლოკა, იაუუუუნა, ეს კიდევ - ვირის ტერფა...

მეც ყველას ვაკვირდებოდი და სახელებსაც ვიმეორებდი.

ისე გაგვეპარა დრო, უცებ, მოულოდნელად ჩავედიო ჭალაში. ალაზნის ჭალასა და ალაზნის პირველად ვხედავდი, პირველად ვიგრძენი ალაზნისა და ჭალის სურნელი, რომლის მსგავსი აღარსად შემხვედრია, და არც დამავიწყდება ოდესმე!

გაშლით მოლივილივებდა ალაზანი, ისე მიიწევდა მარცხნივ, ვიფიქრე, მგონი ჩვენ გაგვირბის-მეთქი. მდინარის ქვა-ხვინჭიან ნაპირს მიუყუვებოდით. ასე ვიარეთ ათიოდე წუთი, მერე ბილიკს გავყვით. ის ბილიკი ლაქაშებში შევიდა და სულ ცოტა ხნის შემდეგ ისევ მდინარეს მიაღვა. დათომ ტანისამოსი გაიხადა და ტრუსის ამარა გადაეშვა წყალში. მეც გავიძრე ტანსაცმელი და დანდობილად შევდგაფუნდი. რაკი ბიძაჩემი იქ იყო, არაფრის არ მეშინოდა! მალე ბიძაჩემიც შემოვიდა წყალში.



მანანტ კანჯიი

დიდი სამამულო ომი რომ დაიწყო, ბელორუსი პიონერი მარატ კაზეი სტანკოვოს საშუალო სკოლის მეოთხე კლასში სწავლობდა. გაბედული, საზრიანი და, ამასთან, მეოცნებე ბიჭი იყო მარატი, სულ სახიფათო თავგადასავლებზე, გამოძიებებზე, მოგზაურობაზე ოცნებობდა, პავლე კორჩაგინი და ვალერი ჩკალოვი იყვნენ მისი იდეალები.

სტანკოვო საზღვრისპირა სოფელია და მან ომის პირველსავე დღეს განიცადა მტრის ვერაგული თავდასხმის სიმწარე. შეიძლება ითქვას, მარატი, აგრეთვე მისი დაი და დედა 22 ივნისის დილიდანვე ჩაებნენ ფაშისტების წინააღმდეგ ბრძოლაში. დედა ადრე დაიღუპა, და-ძმამ კი პარტიზანულ რაზმს მიაშურა და შაშხანა აიღო ხელში.

მარატი ერთი კაფანდარა, თითქოს სუსტი და უღონო ბიჭი იყო, მაგრამ სინამდვილეში კარგი მხედარი, ზუსტი მსროლელი, გაბედული და გამძლე მებრძოლი გამოდგა. საოცრად მანვილი თვალი და ბრწყინვალე მეხსიერება ჰქონდა. ჩაიცვამდა დაკონკილ ტანსაცმელს, შეიპარებოდა მტრის განლაგებებში, ერთს შეავლებდა თვალს და უკვე იცოდა, სად რა და რამდენი ქვემეხი იდგა, როგორ იყო შენიღბული საცეცხლე წურტები, სად ეყენათ გუშაგები. მერე ამ ცნობებს რაზმის შტაბში მიიტანდა და პარტიზანთა ყოველი დარტყმა მტრისთვის მოულოდნელი და გამანადგურებელი აღმოჩნდებოდა ხოლმე.

კომკავშირი



კომკავშირი

ახალ

სკოლისათვის აშენებს

საქართველოს კომკავშირის მუზეუმის რომელ კუთხეშიც უნდა შეჩერდეთ, რა საექსპოზიციო მასალებსაც უნდა ათვალიერებდეთ, გონება მაინც დაგაბრუნებთ ბორის ძნელაძის სახელთან. რადგანაც რესპუბლიკის ყველა თაობის ქალიშვილებისა და ჭაბუკების საქმიანობას მუდამ თან ახლდა და ახლავს მისი მგზნებარება, შემართება და შეუბოვრობა. ბორის ძნელაძეს „საქართველოს კომკავშირულ სინდისს“ უწოდებენ. დიახ, ამ მტკიცე მარქსისტ-ლენინელმა, რესპუბლიკის ახალგაზრდობის ლიდერმა, ენერგიულმა და ნიჭიერმა ორგანიზატორმა თავისი ხანმოკლე, მაგრამ გმირული ცხოვრებით სავესებით დაიმსახურა ეს მრავლისმთქმელი წოდე-

ბევრი სასახელო საქმე ჩაიდინა ნორჩმა პარტიზანმა, ბევრი ფაშისტი მოსპო, ზოგი მოუწედაც წამოიყვანა. დიდძალი სამხედრო ტექნიკა ვაანადგურა. მაგრამ ახლა მისი საბრძოლო ცხოვრების მხოლოდ ერთ ეპიზოდს მოვიყვებით.

1944 წლის მარტის დასაწყისი იდგა. პარტიზანები ერთ ტყისპირა სოფელში იყვნენ დაბანაკებულნი. ვიღაც

ბა. 16 წლისა იყო ბორისი, როცა რევოლუციური სული სკვეთებით გამსჭვალულმა საქართველოს ახალგაზრდობამ თავის წინამძღოლად აღიარა. რევოლუციის, პარტიის საქმის სამსახურში დაიფერფლა 22 წლის ბორის ძნელაძის სიცოცხლე, ხოლო მისი სახელი კომუნისტური სისპეტაკის, სიმტკიცისა და თავდადების სიმბოლოდ შემორჩა საქართველოს კომკავშირის ისტორიას...

საქართველოში მტკიცედ მკვიდრდებოდა საბჭოთა ხელისუფლება, ხალხი ახალ ცხოვრებას აშენებდა. რესპუბლიკა ლენინური გოელროს გეგმის ხორცშესხმას შეუდგა, დაიწყო საბჭოთა საქართველოს ინდუსტრიის პირმშოს — ზემო ავჭალის ჰიდროელექტროსადგურის აგება.

მრავალმხრივ ღირსსახსოვარ, ისტორიულ ფოტოსურათზე წერაქვებითა და ნიჩბებით შეიარაღებული ხალხია აღბეჭდილი. ესენი ზაპესის მშენებლობაზე მოწყობილი პირველი შაბათობის მონაწილენი არიან. 4500-ზე მეტი კაცი გამოვიდა 1922 წლის 10 სექტემბერს ჰიდროელექტროსადგურის საძირკვლის ჩაყრაზე, უმრავლესობა ახალგაზრდები და კომკავშირელები იყვნენ. სერგო ორჯონიკიძის, სერგო ქავთარაძისა და სხვა ცნობილი პარტიული მუშაკების მხარდამხარ შრომობდნენ რკინიგზის მთავარი სახელოსნოების კომკავშირელები: შალვა ჭლანტიაშვილი, გიორგი კაზანაშვილი, ლადო სულთანაშვილი, ერმალოზ კაციტაძე; დეპოს მუშები: გაბო ტატანაშვილი, ბიჭიკო კალაძე, საშა ჭანვერდაშვილი და სხვები. აქედან დაიწყო ის შრომითი ესტაფეტა, რომელიც საქართველოში პირველი საკავშირო დამკვრელური კომკავშირული მშენებლობის — რიონჰესის ახალგაზრდობამ ჩაიბარა და რომელიც შეუბღალავად გადაეცემოდა თაობიდან თაობას, ხოლო დღეს ბამის, ურენგოის, ტიუმენის მშენებლობებზე წარგზავნილ ქართველ ქალიშვილებსა და ჭაბუკებს უპყრიათ ხელთ.

კვლავ ფოტოსურათები. ისინი ახალგაზრდა საბჭოთა რესპუბლიკის კომკავშირელთა აღმშენებელ, ახალი ცხოვრების დამამკვიდრებელ საქმიანობაზე მოგვითხრობენ — საქართველოს კომკავშირის ცენტრალური კომიტეტის პლენუმი. 1922 წ.; მეთაურთა ქართული სამხედრო სკოლის პირველი გამოშვება, 1922 წ.; კომკავშირული აგიტბრიგადა, 1923 წ.; პიონერული პარადი თბილისში, 1925 წ.; ბორჯომელი კომკავშირელები

მოლაღატემ ფაშისტებს მათი ადგილ-სამყოფელი აცნობა. გერმანელებმა სამხედრო ხერხი იხმარეს — ქალის ტანსაცმელი გადაიცვას, ხელში შეფუთული „ჩვილი ბავშვები“ — ტყვიამფრქვევები, ავტომატები, ხელყუმბარები, ნაღმსატყორცნები — დაიკავეს და სოფელში შევიდნენ. პარტიზანები გვიან მოვლენ გონს, მაშინ, როცა უკვე ალყაში იყვნენ მოქცეულნი, გაჩაღდა სამკვდრო-სასიცოცხლო ბრძოლა. გერმანელები გაცილებით

შაბათობაზე, 1927 წ.; გაგრედი კომკავშირელები შაბათობაზე, 1929 წ...

აქვეა მხატვარ ირაკლი თოიძის ნახატის რეპროდუქცია — ახალგაზრდა ხევისთუ ქალს ზურგზე ბავშვი ჰყავს აკიდებული, ხელში კი წიგნები და გაზეთები უჭირავს. ეს გახლავთ იმ წლებში წერა-კითხვის უცოდინარობასთან დაწყებული საყოველთაო ბრძოლის სიმბოლური გამოსახულება. დღეს ძნელი დასაჯერებელია, რომ 1921 წლისთვის საქართველოს კომკავშირელთა შორის წერა-კითხვის უცოდინარი იყო 876 კაცი, წერა-კითხვის მცირემცოდნე — 1948, წერა-კითხვის მცოდნე კი — 501. უწიგნურობის სალიკვიდაციოდ გაშლილმა მოძრაობამ შედეგად ის მოიტანა, რომ მალე საქართველოში თითქმის აღარავინ დარჩა წერა-კითხვის უცოდინარი.

30-იანი წლები. საქართველოს ახალგაზრდობა ენერგიულად ჩაება დაქუცმაცებული, ინდივიდუალური სოფლის მეურნეობის კოლექტიურ, სოციალისტურ მეურნეობად გადაქცევის საქმეში. ძნელი და მტკივნეული იყო ეს პროცესი, სოფლად კოლექტიური შრომის დამკვიდრებას ბევრი სირთულე ახლდა, მაგრამ ახალგაზრდობა წარმატებით სძლევდა მათ. 1933 წელს საქართველოს საკოლმეურნეო მინდვრებზე 38 366 კომკავშირელი შრომობდა. ქალაქებში კი ინდუსტრიალიზაციის მძლავრი სუნთქვა იგრძნობოდა. 1933 წლის 30 ოქტომბერს საქართველოში პირველი საბჭოთა ფერომანგანუმი მიიღეს. დიდი წვლილი შეიტანა ამ მრავლისმეტყველ გამარჯვებაში რესპუბლიკის კომკავშირმა — ზესტაფონის ფეროშენადნობთა ქარხნის მუშების 90%-ს ხომ ახალგაზრდობა შეადგენდა. თავდაუზოგავად, კომკავშირული შემართებით შრომობდნენ ქართველი ახალგაზრდები ჭიათურის, ტყიბულის, ტყვარჩელის მადაროებში, რიონჭვისის და ამიერკავკასიის რკინიგზის მშენებლობაზე.

1935 წ. 31 აგვისტოს ახალგაზრდა დონბასელმა მეშახტემ ალექსი სტახანოვმა ერთ ცვლაში 102 ტონა ქვანახშირი მოანგრია და 14-ჯერ გადააჭარბა ნორმას. საქართველოდან სტახანოვს პირველი ჭიათურის მანგანუმის მადაროს მნგრეველი, კომკავშირელი ვასილ სამხარაძე გამოეხმაურა, რომელმაც გეგმური 9 ტონის ნაცვლად 51 ტონა მანგანუმი მოანგრია და 561%-ით გა-

დააჭარბა გეგმას. სახელი გაითქვეს სტახანოვური მოძრაობის სხვა აქტიურმა მონაწილე კომკავშირელებმა უშა ახუბამ, დავით სეფერთელაძემ, მართა ცხნცაშვილმა, აიშე გურგენიძემ, მიხეილ სალაძემ, ათასობით სხვა მათმა თანატოლმა.

სასახელოდ შრომობდნენ ქვეყნის დამკვრელურ მშენებლობებზე კომკავშირის საგზურებით მივლინებული ქართველი ჭაბუკები და ქალიშვილები, რომლებიც აშენებდნენ ახალ ქალაქებსა და ქარხნებს, ჰიდროელექტროსადგურებს, ხიდებს, სარკინიგზო მაგისტრალებს. მაგნიტის მშენებლებს მხარში ედგა ბაქოელი კომისარის, ალიოზა ჯაფარიძის ქალიშვილი ელენე ჯაფარიძე.

გრანდიოზული ცვლილებები ხდებოდა 30-იან წლებში ქვეყნის და, მაშასადამე, ჩვენი რესპუბლიკის კულტურულ ცხოვრებაშიც. თამამად გამოდიოდნენ შემოქმედებით ასპარეზზე ახალგაზრდა მწერლები, მეცნიერები, ხელოვნების სხვადასხვა დარგების წარმომადგენლები. სწორედ იმ წლებში გაიცნო ქვეყანამ ვიქტორ კუბრაძე, ვაჰან მამასახლისი, ირაკლი აბაშიძე...

დიდი აღმავლობა დაეტყო ახალგაზრდების სამხედრო მომზადებისა და ფიზიკური კულტურის განვითარების საქმეს. ათასობით ჭაბუკი და ქალიშვილი ჩაება მრავალრიცხოვან სამხედრო წრეებში, ახალგაზრდები ეუფლებოდნენ საპარაშუტო სპორტს, სწავლობდნენ სროლას. სსრკ სახალხო კომისართა საბჭოს 1939 წ. 26 ნოემბრის დადგენილებით შემოღებულ იქნა ახალი კომპლექსი „მზად ვარ შრომისა და თავდაცვისათვის“, რომელმაც მნიშვნელოვნად შეუწყო ხელი სამხედრო-პატრიოტული მუშაობის გაუმჯობესებას.




სჯარობდნენ ჩვენებს. პარტიზანების ხსნა მხოლოდ მეზობელ რაზმს შეეძლო. ორი მალემსრობლი, რომლებიც მეთაურმა მამუელისთვის აფრინა, მტრის ტყვიამ იმსხვერპლა. მაშინ მარატი მოახტა თავის ბედაურს და ტყვიის წვიმაში გააღწია ალყიდან. მამუელმა სულზე მოუსწრო პარტიზანებს, და მათ საერთო ძალით გაანადგურეს ვერძანელები.

მარატ კაზვი ერთ-ერთ ცხარე ბრძოლაში დაეცა გმირული სიკვდილით 1944 წლის 11 მაისს.

გამოჩენილი გმირობისა და მამაცობისათვის ნორჩი პიონერი მარატ კაზვი დაჯილდოებული იყო სამამულო ომის პირველი ხარისხის ორდენითა და მედლებით, მოგვიანებით კი მას საბჭოთა კავშირის გმირის მაღალი წოდება მიენიჭა.



წიგნაკრები
ახსნაწავა



სტრუქტურული მოქმედების მონსტრუქტურული

● ხომ ბედნიერებაა, როცა ხედავ, როგორი ზრდილი და განათლებული, დიდი ცოდნით შეიარაღებული და მახვილი თვალისა და ჭკუის პატრონია შენი ახლობელი — ძმა, შვილი, მეგობარი, თანამოქალაქე, თანასოფელი! მისი შემხედვარე, შენც უფრო მაღლები, ღონიერ-

დები, იხვეწები, უკეთესდები...

პოდა, წარმოდგინეთ, წელს, გაზაფხულზე, მოსკოვში, სახალხო მეურნეობის მიღწევათა საკავშირო გამოფენის ნორჩ ტექნიკოსთა პავილიონში ჩვენი ბავშვების — თქვენი თანატოლების — ნორჩ კონსტრუქ-

ტორთა ბრწყინვალე ნამუშევრები რომ ვიხილე, რა სიხარულით ამეცხებოდა გულად, როგორი სიამაყით გადავხედავდი ამოდენა ქვეყნის სხვადასხვა კუთხიდან ჩამოსულ დიდ-პატარა დამთვლიერებლებს!..

● ამ გაზაფხულზე რომ პავილიონი დავათვლიერე, იმ მომენტში იქ ჩვენი ნორჩი ტექნიკოსების სამი ნახელავი ვნახე: თბილისელ ნორჩ ტექნიკოსთა კომუნალური ტროლეიბუსი „მოილოდირი“ (ავტორები: ზ. ციკოლია, ზ. ახალაშვილი, მ. მჭედლიშვილი, ნ. წიქარიძე, კ. მამედაშვილი, რ. მნაცაკანიანი; ხელმძღვანელი — ნოდარ ინჯია); ქუთაისელ ნორჩ ტექნიკოსთა „ემოციამზომი“ (ავტორები: დ. მუშკუდიანი, ლ. ხონელიძე, გ. ჭოხონელიძე, ა. ხახალიშვილი; ხელმძღვანელი — პროკლე ზაქარეიშვილი) და „ხელის ვენტოლატორული მფრქვევანა“ (ავტორები: მ. ჭიხორია, ზ. გეგუჩაძე, მ. ქართველიშვილი, ა. მახარაძე; ხელმძღვანელი — გივი სიხარულიძე).

სამი ექსპონატი — ნორჩ ტექნიკოსთა და მათი ხელმძღვანელების

სწორედ ეს საქმიანი, ფიქრიანი მამაშვილები არიან ჩვენი მომავლის კონსტრუქტორები



ერთობლივი ხანგრძლივი ფიქრის, აქტიური ძიების, დაძაბული კოლექტიური შრომის ხელშესახები შედეგი და ნაყოფი...

ნორჩი ტექნიკოსი ყველა ვერ გახდება.

სურვილი — საჭიროა, მაგრამ არ კმარა.

ფიზიკის, ქიმიის, მათემატიკის ცოდნა — აუცილებელია, მაგრამ არ კმარა.

ე. წ. ტექნიკურ-კონსტრუქტორული აზროვნების უნარი — აუცილებელია, მაგრამ არ კმარა.

ყველაფერ ამას უნდა დაემატოს დისციპლინის, თავაუღებელი მუშაობის, მოთმინების უნარიც.

ეს გახლავთ თბილისელ და ქუთაისელ ნორჩ ტექნიკოსთა სადგურების სხვადასხვა წრის ხელმძღვანელთა — ნოდარ ინჯიას, პროკლე ზაქარეიშვილის, გივი სიხარულიძის, ვაჟა ფრუიძის, გენო ჯიშკარიანის თუ სხვათა — ერთობლივი აზრი.

ამავე აზრს უყოყმანოდ იზიარებენ ზემოჩამოთვლილ ექსპონატთა ავტორები, აგრეთვე სხვა ნორჩი ტექნიკოსებიც, რომელთაც თბილისსა და ქუთაისში გავესაუბრე.

კომუნალური ტროლეიბუსი...

ეფექტურია (ჯაგრისითა და მტვერსასარტით ასუფთავებს ქუჩას; რწყავს; რეცხავს; წმენდს თოვლისაგან; ადგილი ფეხსაცემებს); პრაქტიკულად უხმაუროა; ეკოლოგიუ-

რად უვნებელია; ეკონომიურია; სწრაფია.

ემოციამზომი...

ადამიანის ნებისმიერი ემოციური აღგზნების, ნერვული დაძაბულობის შედეგად სხეულის ოფლის ჯირკვლები უფრო ინტენსიურად მუშაობენ, რაც იწვევს ადამიანის კანის წინაღობის შემცირებას. ხელსაწყო სწორედ ამ წინააღმდეგობას ზომავს. ერთი ელექტროდი მაგრდება, ვთქვათ, ხელისგულზე, მეორე — ზურგზე. პოტენციომეტრ R₄-ის მეშვეობით ხელსაწყო ისარს P₂-ს აყენებენ 0 დანაყოფზე. გამალიზიანების წარმოქმნისას ისარი გადაიხრება. გადახრა მით უფრო მეტია, რაც უფრო ემოციურია ადამიანი.

ხელის ვენტილატორული მფრქვევანა...

მისი დანიშნულებაა ფხვიერი გოგირდის შეფრქვევით შეწამლოს ხეხილი, ვენახი, ბოსტნეული. იგი შრომას უმსუბუქებს ოპერატორს, ამალღებს შრომის ნაყოფიერებას, აუმჯობესებს მის პირობებს, არ არღვევს უსაფრთხოების წესებს. გაფრქვევის მანძილი ამჟამად 3,5 მეტრია. მომავალში იგი 5-6 მეტრს მიადწევს.

თავისთავად ცხადია, საკავშირო გამოფენაზე წარდგენილი ამ სამი ექსპონატით როდი ამოწურულა და დამთავრებულა თბილისელ და ქუთაისელ ნორჩ ტექნიკოსთა საქმიანობა.

ყველა ფაქტის ჩამოთვლა, ყველა

ხელსაწყო, ინსტრუმენტის თუ მოდელის არათუ აღწერა, დასახეწვნილია კი, ჰაუ, სად წაგვიყვანდა: იმითაა

ამიტომ მხოლოდ მოკლე საუბრით — რამდენიმე მოდელით, ციფრითა და ფაქტით — დავკმაყოფილდეთ.

დედაქალაქის (ისევე, როგორც ყველა სხვა დიდი ქალაქის) კომუნალურ სამსახურს უამრავი ფუნქცია აკიარია. ყველაფრისათვის თავის გართმევა ძნელი საქმეა. თბილისის 50-ე საშ. სკოლის მოსწავლე ალექსანდრე ერემეევმა შექმნა „კომუნალური ავტომობილის“ მოდელი, რომელიც საბინაო-საექსპლოატაციო უბანს მოემსახურება. მოდელი გამოფენილი იყო არა მარტო საკავშირო გამოფენის 1-ელ პავილიონში, არამედ „ირ-88“ საერთაშორისო გამოფენაზეც, სადაც დიდი მოწონება დაიმსახურა. ასევე, დამსახურებული წარმატება მოიპოვა თბილისის 169-ე საშუალო სკოლის მოსწავლე კობა ტორიკაშვილის „ასიმეტრიულმა მინიფრეზმაც“, რომელიც ჩაის ბუჩქების, დაბალი ხეხილის, ვაზის ძირების სარეველათაგან გასაწმენდადაა განკუთვნილი.

საკავშირო და საქართველოს კავშირის სიგელებით და გამოფენათა მედლებით სხვადასხვა დროს დაჯილდოვდა ქუთაისელ ნორჩ ტექნიკოსთა „ნიადაგის ტენზომომი“, „ლითონალმომჩენი“, „ფხვიერ მასალათა ტენზომომი კარბიდულ-აირული მეთოდით“ (ხელმძღვ. პ. ზაქარეიშვილი), „გალვანური საფარის

თ ბ ი ლ ი ს ი



სისქის მაგნიტური მზომი“, „პედ-ის სისტემის ელექტროძრავათა სტატორის გულანას განათების სისტემა“ (ხელმძღვ. გ. სიხარულიძე), „დედის თანაშემწე“, „ავტომატიზებული გარაჟი“, „გაუმჯობესებელი მასალათა მთვლელ-მახარისხებელი“ (ხელმძღვ. ვ. ფრუიძე)...

მარტო ქუთაისის ნორჩ ტექნიკოსთა სადგურის გამომგონებელთა და

გამოფენაზეც იყო გაგზავნილი), „სახანძრო ავტომობილს“, რომელიც ცეცხლქრობი სითხით სავსე ჭურვებით „ბომბავს“ ხანძრის კერას (ეს მოდელი საქ. სსრ ნორჩ ტექნიკოსთა ცენტრალური სადგურის სატრანსპორტო ლაბორატორიაშია შექმნილი); იგივე მომავალი საქვს, მაგალითად, „ხელის ვენტილატორულ მფრქვევანას“ თუ „ავტომა-

ბის შექმნას, ნაწილით კი მოსწავლეებს ბანკში გაეხსნებათ ანგარიში. თანხას ისინი სკოლას დასწრე ლეზის შემდეგ მიიღებენ. ერთი სიტყვით, იგებს საწარმოც და ნორჩ ტექნიკოსთა წრეც. ასე რომ, თავიანთი საქმიანობით, ცხადია, კმაყოფილი უნდა იყოს გ. სიხარულიძის ხელმძღვანელობით შემდგარი „დროებითი შრომითი კოლექტივი“: გ. გეგუჩაძე, მ. ქართველიშვილი, ა. მახარაძე, მ. ჭიხორია (ვახსოვთ? — „ხელის ვენტილატორული მფრქვევანას“ — შემქმნელები არიან), ა. ჩიხლაძე, თ. მურღულია, პ. რუხაძე, ლ. ერისთავი, ე. გურგენიძე.

თამამად შეიძლება ითქვას — მონდომება და დაინტერესება თქვი, თორემ თბილისელ და ქუთაისელ ნორჩ ტექნიკოსთა თითქმის ყველა ნამუშევარი შეიძლება დაინერგოს სერიულ წარმოებაში... იგივე ითქმის თბილისის უნივერსიტეტის მეოთხეკურსელის, ნიკა ბენდელიანის ხელმძღვანელობით შექმნილ საყოფაცხოვრებო კომპიუტერზე, რომლის წარმატების ამბავსაც, ეტყობა, მალე შევიტყობთ...

„შრომა აკეთილშობილებს ადამიანს!“ — ეს ძველისძველი შეგონებაა.

თავიანთი უნარიანი, საქმის მკოდნე და ჭეშმარიტი პედაგოგიური ნიჭით დაჯილდოებული ხელმძღვანელების მეოხებით ნორჩი ტექნიკოსები იძენენ დისციპლინის, ყურადღების, არაარსებითთაგან არსებითის გამორჩევის, კოლექტიური შრომის, სიზუსტის, სიფაქიზის ჩვევებს. ამას აღიარებენ კ. ტორიკაშვილი თუ ზ. ციკოლია, ა. ერემევი თუ ზ. ახალაშვილი, დ. მუშკუდიანი თუ ლ. ხონელიძე... მთავარი სწო-



გაერთიანებული საბჭოთა სოციალისტური რესპუბლიკის — უზარია ალექო სიხარულიძის (ქუთაისი, მ-9 საშუალო სკოლა, VII კლასი)

რაციონალიზატორთა წრის წევრებმა 1986-87 წლებში წარადგინეს 4 განაცხადი გამოგონებაზე და დაამუშავეს 10 რაციონალიზატორული წინადადება. მათ ივალდებულეს, რომ 1988-90 წლებში 15 რაციონალიზატორულ წინადადებას დაამუშავებენ...


ხელსაწყოს თუ მექანიზმის შექმნა თვითმიზანი ან მიზნის ბოლო წერტილი როდია. ყოველი მოდელი ხორცშესხმისაკენ მიისწრაფვის, იგი, ბოლოს და ბოლოს, რეალურ ინსტრუმენტად თუ მანქანად უნდა იქცეს, რომელიც სახალხო მეურნეობის ამა თუ იმ დარგს გამოადგება.

ასეთი მომავალი აქვს, მაგალითად, ზემოთ ნახსენებ „კომუნალურ ავტომობილს“, „აკვაპლანს“ (იგი შარშან ინდოეთში, საერთაშორისო

ტიზებულ გარაჟს“, რომლებიც ზემოთ ვახსენეთ...

ამასთან დაკავშირებით ერთ საინტერესო ფაქტზე შეგვიჩვენეთ:

ქუთაისის ტექნიკის სახლში მოწყობილ გამოფენაზე ელექტრომექანიკური ქარხნის დირექტორის ყურადღება მიიქცია ქალაქის ნორჩ ტექნიკოსთა სადგურის გამომგონებელთა და რაციონალიზატორთა წრის ერთ-ერთმა ექსპონატმა, რომელიც წარმოადგენდა პედ-ის ტიპის ძრავათა ჩახვევის ახალი კონსტრუქციის ნათურას. დირექტორის ინიციატივით ნორჩ ტექნიკოსთა სადგურთან დაიდო ხელშეკრულება 70 ცალი ასეთი დეტალის დამზადების შესახებ; შეკვეთა ზაფხულის არდადეგების განმავლობაში უნდა შესრულდეს. მიღებული თანხის (3 ათასი მანეთი) ნაწილი მოხმარდება წრისთვის დეტალებისა და მასალე-



ამ ხელსაწყოთი ნიადაგის ტენიანობის ხარისხი იზომება.



„საქართველოს სსრ“

მეგობარი მეგობრობის

იმ მრავალრიცხოვან წერილთა შორის, რომელთაც ჩვენი ჟურნალის მკითხველები გვიგზავნიან, ამჯერად ორი ამოვარჩიეთ. ერთი მერაბისა (გვარს არ აწერს), მეორე — ლალისა (არც იგი ამჟღავნებს თავის გვარს). ორივე წერილი მეგობრობას ეხება.

„პატივცემულო რედაქცია! — იწერება მერაბის — მე მერვე კლასში ვსწავლობ. ჩვენი კლასის ბიჭებთან ამხანაგურად ვარ, მაგრამ არავისთვის უპირატესობა არ მიმიცია, რომ ან რაიმე საიდუმლო გამენდო, ან მასთან ერთად მეოცნება, ან სადმე სამოგზაუროდ წავსულიყავით, ან ისეთი რამ გაგვეკეთებინა, ვინმე გაგვეოცებინა, თავი გამოგვეჩინა. არაფერი ასეთი არ მომხდარა, მეგობრობის ფასიც არ ვიცოდი. ის კი არა და, ალბათ იმიტომ, რომ ჩვენი კლასელი ბიჭები ერთმანეთს ხშირად ეჩხუბებიან, მე უბნის ბიჭებთან უფრო ახლო ვარ, მათთან ერთად ვთამაშობ ფეხბურთს, კალათბურთს... ერთხელ უბნის ბიჭებმა ვიღაც უცხო ბიჭი მოიყვანეს ფეხბურთის სათამაშოდ. ვინაა ჰქვია, შავტუხა, შეუხედავი ბიჭია. მოიყვანეს იმიტომ, რომ ჩვენთვის ფეხბურთის თამაშის „კლასი“ ეჩვენებინა. თამაშობს, რას თამაშობს! ნამდვილი ოსტატია. ახლა რა გულკეთილია! უცხოური მაისური ეცვა. სად იყიდე-მეთქი, ვკითხე. ბიძამ ჩამომიტანა საზღვარგარეთიდანო. ჩემდა უნებურად ამოვიოხრე. მოგწონსო? მომწონს-მეთქი, არ დავუმაღლე. რახან მოგწონს, შენი იყოსო, მაშინვე გაიძრო და მაჩუქა. ბიჭებმა თვალეზი დააჭყიტეს. განა მაისურის ჩუქებაშია საქმე? ასეთი გულკეთილი კაცი შენთვის სიცოცხლესაც არ დაიშურებს და არც შენ დაიშურებ მისთვის რაიმეს. დავმეგობრდი.“

მაგრამ მალე მოხდა ისეთი რამ, რამაც გული მატკინა. ჯერ იმ მაისურზე ერთი ამბავი ამიტეხეს შინ, მამა იქედან მიტევადა, დედა — აქედან.

დან. ვისია, ვინ მოგცა, ახლავე დაუბრუნეო. რა მექნა, აღარ ვიცოდი. სიმართლე ვუთხარი და არ დამიჯერეს. დაბრუნებით კი როგორ დაუბრუნებდი... ამას ისიც დაემატა, რომ, ერთხელ დედაჩემი ქუჩაში გიასთან ერთად მომავალს შემომეფეთა. შევატყვე, რალაც ამრეზით შეხედა გიას. მერე მისიც არ მოერიდა, დამიტია, ახლავე შინ წაეთრიეო. საღამოს კიდევ შინ გამიმართა „სცენები“, მომდგა, იმ ბანდიტთან რა გინდოდა, ვინ არის, ის რა შენი ამხანაგიაო... მერე მამაჩემს მიუბრუნდა და რალაც საშინელება აუწერა, ასეთი და ასეთი ბიჭია და ეს ჩვენი ყმაწვილი იმას გადაჰკიდებიაო. მე ცეცხლი მეკიდა გულზე, ბიჭების საყვარელ გიაზე ამას რომ ამბობდა, მაგრამ რა მექნა... განა ასე შეიძლება? განა გარეგნობით იცნობა ადამიანი? ჩემი მშობლები მიშლიან გიასთან სიყარულს. მათ არც კი იციან, რა კარგი გულის ბიჭია, როგორ უყვართ ამხანაგებს! არც უნდათ, რამე გაიგონ... შეუხედავია, მორჩა და გათავდა. რახან შეუხედავია, ბანდიტია?... რა ვქნა, არ ვიცი... არც ის მინდა, დედ-მამას ვაწყენინო და გიასკენაც მიმიწევს გული...“

სიტყვა მეგობარი ქართული ენის განმარტებით ლექსიკონში ასეა ახსნილი: გულითადი ამხანაგი, ჭირისა და ლხინის მოზარე.

დიდი რუსთაველის უკვდავი „ვეფხისტყაოსანი“ მეგობრობისა და სიყვარულის საგალობელია. ადამიანი ამ პოემაში ამოიკითხავს, თუ რა სასწაულთმოქმედია მეგობრული სიყვარული, თუ რა აუცილებელია მეგობრობა თავისი სიღრმითა და სილამაზით ადამიანის ცხოვრებაში.

უმეგობრო კაცი — ეულისა, მართხელა კაცი ცოდვია. ადამიანი მეგობარს თვითონ ირჩევს, თვითონ აღმოაჩენს მასში იმ სასურველ თვისებებს, რაც მის სულს უახლოვდება, რაშიც ხედავს ადამიანის სი-

რედ ამ უნარ-ჩვევათა გამომუშავება, თორემ სავალდებულო როდია, ყოველი მათგანი ინჟინერი თუ რაციონალიზატორ-გამომგონებელი გახდეს... ლაშა ხონელიძე, მაგალითად, მოსკოვის ლომონოსოვის სახელობის უნივერსიტეტში, მათემატიკის ფაკულტეტზე აპირებს შესვლას; დათო მუშკუდიანს სამხედრო-დიპლომატიური სამსახური იზიდავს; ნოდარ ინჯიას თორმეტმა მოსწავლემ სამხატვრო აკადემია დაასრულა დიზაინის ხაზით; ზ. ციკლიაც, სხვათა შორის, იმავე გზაზე აპირებს შედგომას...

მერე რა, თუ ყოველი მათგანი კონსტრუქტორი არ გახდება! თითოეულ მათგანს თავისი გზა აქვს. საერთოდ კი ყველანი მომავლის კონსტრუქტორები არიან...

თითქმის 65 წლის წინათ ვ. ი. ლენინი წერდა:

„შეუძლებელია წარმოვიდგინოთ მომავალი საზოგადოების იდეალი ახლავაზრდა თაობის საწარმოო შრომისა და სწავლების შეერთების გარეშე“.

ეს სიტყვები განსაკუთრებით აქტუალურია დღეს, მეცნიერებისა და ტექნიკის საოცარი აღმავლობის ეპოქაში, ჩვენი სკოლის რეფორმის ვითარებაში.

ნორჩ ტექნიკოსთა სადგურები თავისი საქმიანობით, მნიშვნელოვანწილად, სწორედ ლენინის ამ თეზისის განხორციელებას ემსახურებიან.

უშუველია ერთი რამ: თბილისისა და ქუთაისის ნორჩ ტექნიკოსთა სადგურებში ისეთი ენთუზიასტები მუშაობენ, რომ მოკლე ხანში მათი აღსაზრდელებისაგან კიდევ უფრო მეტ წარმატებებს უნდა ველოდოთ.



ვენახორაბორაული მარაბეაანა დიდ სამახურს გაუფავს მუვენახეაებს

საქ. სსრ კ. მარტოს



ლამაზეს. კარგი მეგობარი მთელი სიცოცხლის მანძილზე თან გახლავს. ჭირსა და ლხინში შენთან ერთად არის... მეგობართა თვედადების არა ერთი და ორი მაგალითი ვიცი ცხოვრებიდან და ლიტერატურიდან.

მეგობრობა იწყება თუნდაც იქიდან, სადაც მერაბს გაუცვნია გია — ფეხბურთის პატარა მოედნიდან — პატარა საქმით, დიდი საქმით, ერთობლივი სწავლითა თუ სამსახურით...

დიდი საქმე კი მუდამ პატარიდან იწყება. გიას გულკეთილი ყესტი, რაც უმალვე შენიშნა მერაბმა, საწინდარი გახდა მასთან სიახლოვისა. გულმა გული იპოვა, არა მისურით, არამედ ადამიანის კეთილი საქციელით, რითაც ბიჭმა თავის თანატოლს სიხარული მიანიჭა. და ეს კეთილი საწყისი იყო სწორედ მათი დამეგობრების ფუნდამენტი. მაგრამ აი, სხვამ სხვა თვლით დაინახა გია, გარეგნულად შეუხედავი... სხვამ სხვა აზრით შეაფასა ორი ბიჭის მეგობრობა.

რა უნდა ვქნაო, გვეკითხება მერაბი. არც მშობლებს უნდა აწყენინოს და ახლად შეძენილი მეგობარიც არ უნდა დაკარგოს. რა ვურჩიოთ, რა ვუთხრაო?

იქნებ აჯობოს, მერაბმა შინ მიიპატიჟოს გია, გააცნოს თავის მშობლებს. ამით მეგობარსაც უფრო მეტად დაიხლოვებს და მისი მშობლებიც, ახლოს რომ გაიცნობენ ბიჭს, მასზე აზრს შეიცვლიან.

ახლა მოუფსმინოთ, რას გვწერს ლალი:

„პატივცემულო რედაქცია. მე მეშვიდეკლასელი ვარ. ვსწავლობ კარგად შინ ყველა საოჯახო შაქრის მემი ვეხმარები დედას. სკოლაში წასვლა კი, სწორე ვითხრაო. მიმძიმს ერთი გარემოების გამო: ისეთი შთაბეჭდილება მრჩება, რომ ჩვენი კლასის გოგონებისა და ბიჭების უმეტესობას არავითარი ამხანაგური, მეგობრული გრძნობა არ გააჩნიათ, გაუთავებლად ჩხუბობენ, კამათობენ, ლაზღანდარობენ... მე პირადად გოგონებთან ურთიერთობას ისევე ბიჭებთან ამხანაგობას ვარჩევ. გოგონები გაუტანლები, ენაჭარტა-

ლები და ბიჭებზე უფრო მეტად თავაშვებულები არიან... საიდუმლო რამე რომ წამოგცდეს (აბა, ისეთი რა საიდუმლო გვაქვს, მაგრამ მაინც, რაც არის), იმავე წუთს ქვეყანას მოსდებენ, დაგცინებენ...

ვინც რა უნდა თქვას, სამეგობროდ მე მაინც თემური მირჩევნია. ჰოდა, მასთან ვმეგობრობ კიდევ. გიჭირს რამე — დაგეხმარება, დაგცინებს ვინმე — ვაი მას! თემური ზოგ საგანში ძლიერია, ზოგში მოიუსტებს. აქ კი მე ვეხმარები ხოლმე. ერთი სიტყვით, ჩვენ კარგი მეგობრები ვართ. მაგრამ აი, ერთ დღეს შევედივარ საკლასო ოთახში და რას ვხედავ: დაფაზე ვილაცას მსხვილი ასოებით წაუწერია: „ლალი+თემური=სიყვარულს!“ მე ალმური მომედო სახეზე, სწრაფად ვეცი დაფას და ნაწერი წავშალე. იმ დღეს გაკვეთილებს არ დავსწრებივარ. რამდენიმე დღის შემდეგ კი კლასის ხელმძღვანელმა გამაფრთხილა, აქ ბავშვები რაღაც-რაღაცებს ლაპარაკობენ და შენ ბიჭებთან სიარულს მოუკელიო. ვინ ბიჭებთან მეთქი, ვკითხე მასწავლებელს. მან დამცინავად შემომხედა და მომიგო: ძალიან კარგად იცი, ვისზედაც გეუბნები და გაიგონეო.

თავზარი დამეცა. ნუთუ არ შეიძლება ისეთ ბიჭთან მეგობრობა, როგორც თემურია? ნუთუ არ შეიძლება გოგომ ბიჭთან იმეგობროს ისე, რომ არ დასცინონ, რომ ამ მეგობრობას სხვანაირი თვლით არ შეხედონ მასწავლებლებმა და მშობლებმაც კი?“

მოდით და, გულთან ნუ მიიტან ლალის გულისტკივილს. არ შეიძლება, მოზარდის ურძნობებს სათუთად არ მოვეპყრაო. ორი აზრი არ არსებობს იმის შესახებ, რომ პედაგოგებსა და მშობლებს უფრო მეტი მართებთ, ვიდრე იმ ლაზღანდარა გოგო-ბიჭებს, ვისთვისაც დაცინვის საგანი გამხდარა ლალის და თემურის მეგობრობა. რას ჰქვია, გოგონამ ვაჟთან არ იმეგობროს!? რატომ არ უნდა იმეგობროს?! სამაგალითო, წმინდა, ამხანაგურ დამოკიდებულებას პედაგოგმა, პირიქით, ფრთები უნდა შეასხას. სწორედ

სკოლის კედლებში უნდა გამოიწეროს და განმტკიცდეს მეგობრობის უმწველეს შორის, ურთიერთობის, დახმარების, გაგების, ურთიერთდაფასების ნიადაგზე. სკოლაში განმტკიცებული მეგობრობა სულ სხვაა. ბევრი ტკბილი მოგონება მიჰყვებათ ადამიანებს სკოლიდან. შეიძლება, მრავალ რამეს მოწაფეობის ქაშს ვერ ამჩნევ, მაგრამ შემდგომ, მოგონებათა სახით გაცოცხლებული, სიამოვნებით გივსებს გულს.

ლალის წერილი ჩვენ სრულად არ მოვიტანეთ. მასში უფროსი ძმისადმი საყვედურიც არის გამოთქმული. არ ვიცი, საიდან შეიტყო ჩემი და თემურის მეგობრობა, ერთხელ გზაში დახვედრია და ცემით დამუქრებიაო. შინ ამაზე დიდი უსიამოვნება მოგვიხდა, ჩემი მშობლებიც მაინცდამაინც დადებითად არ შეხვდნენ ჩვენი მეგობრობის ამბავს, ხოლო ჩემი ძმა დღესაც ვერ ისვენებსო.

ძმის ამგვარმა ქცევამ გააღიზიანა ლალი, ნერვიულ ნიადაგზე ავადაც კი გახდა. თემურს კი ერთი სიტყვაც არ წამოსცდენია ლალისთან, შენი ძმა ცემით დამემუქრაო, თავი კვლავინდებურად ეჭირა, მაგრამ ერთ დღეს სკოლიდან გაქრა, სხვა სასწავლებელში გადავიდა. ამან, რასაკვირველია, ლალის კიდევ უფრო ატყინა გული... კლასის ხელმძღვანელს რამდენჯერმე უხეშადაც შევეპასუხეო, წერს იგი.

ერთი სიტყვით, მდგომარეობა დაიძაბა. გოგონას გამოსავალი ვერ მოუხნავს და აი, ჩვენ გვთხოვს დახმარებას.

თქვენ რა აზრის იქნებით, ჩვენო ძვირფასო მკითხველებო? მოგვწერეთ თქვენი მოსაზრებანი მეგობრობაზე, თქვენს დამოკიდებულებაზე ამხანაგებისა და უფროსების მიმართ, იმაზე, თუ რა ვურჩიოთ ლალის, მერაბს? კარგი რჩევა ალბათ მარტო ლალის და მერაბს კი არა, ბევრ სხვასაც გამოადგება. ამით დიდ სამსახურს გაუწევთ თქვენს თანატოლებს. ველით თქვენს წერილებს.



ეკონომისტი
ვიტალინოვიჩი

საკლასო ოთახის ყველა ფანჯარა ყურთამდე ღიაა.

ალაზნის ველიდან მონაბერი ნიაგი ოთახს გაზაფხულის საამო სურნელით ავსებს. ნიაგს ხან ფუტკარი შემოჰყვება ზუზუნით, ხან თეთრი პეპელა შემოფრინდება. ერთ წამს მიივლ-მოივლიან იჭაურობას და ისევ გაუტყვენ. გარეთ სჯობია. გარეთ თბილა და ყვავილებიც ბევრია, თი-

**ვლადიმერ
ასლამაზიშვილი**

გაკვეთილი გჩვენებს

თქოს ბატიბუტი გამოუბამთო, თეთრად და პირისფრად აფეთქებულან ტყემლები, ატმები... ამ სითეთრეს და პირისფერს სოფელი ბლუჯა-ბლუჯა გაუფსია. მერე ქვევით-ქვევით, ალაზნის ველისაკენ წასულა და მინდორ-მინდორ, ბალ-ვენახებში, ასაშლელად გამზადებული ღრუბლის ქულებივით ჩაბუღებულა.

სკოლის ეზო ბავშვებით არის სავსე. ისმის სიცილი, მხიარული გაძახილ-გამოძახილი. იმ ურიაშულში მაინც გამოიკვეთა გაკვეთილის დაწყების მათუწყებელი ზარის ხმა — ბიჭი ხარ და თამაშს ნუ მიატოვებ. სწავლის დრო თავისას მკაცრად მოითხოვს.

საკლასო ოთახი ყმაწვილებით ივსება.

მეშვიდეკლასელებს ისტორია აქვთ. საგანს მათი საყვარელი მასწავლებელი, მსცოვანი პედაგოგი იოსებ ანდრაზაშვილი ასწავლით.

კარი გაიღო. აგერ, ისიც — საშუალო სიმალის ჭალარა კაცი, სახეზე ღიმილი დაჰფენია.

ბავშვები ფეხზე ადგომით მიესალმნენ.

— რა გვაქვს გაკვეთილად? — კითხულობს იოსებ მასწავლებელი.

ხელები ტყესავით აღიმართა მერხებზე.

— დათო კახიძე გვეტყვის! — ლოყებაწითლებული, ოფლით

თმებდასველებული დათო ცქვიტად დგება.

— დღეს გაკვეთილად გვაქვს „გლეხთა ომი გერმანიაში“.

— აბა, გისმენთ, დათო!

ყმაწვილი მასწავლებლის მაგიდის გვერდით ჩერდება, პირი თანაკლასელებისკენ აქვს მიქცეული.

... 1625 წლის დასაწყისში გერმანიაში გლეხთა ომი გაჩაღდა... ცეცხლი მოედო მონასტრებსა და ფეოდალთა სიმაგრეებს. გლეხები წვავდნენ დოკუმენტებს, რომელშიც ფეოდალთა ბეგარები ირიცხებოდა, ინაწილებდნენ მებატონეთა პირუტყვს, იბრუნებდნენ ფეოდალთა მიერ დატაცებულ სათემო მიწებს.

— ვინ მეტყვის, რას ნიშნავს „სათემო მიწა“? — აინტერესებს იოსებ მასწავლებელს.

ისევ ხელების ტყე.

ეკა ბეროზაშვილი დინჯად, გასაგებად განმარტავს, რა არის „სათემო მიწა“ — წინა გაკვეთილზე იოსებ მასწავლებლის ნაამბობს იხსენებს. სათემო მიწები თურმე ანაგაშიც ყოფილა, არავის ჰქონია მისი დასაკუთრების უფლება. თიბვის დრო რომ დადგებოდა, დანიშნულ დღეს ბალახი ყველას ერთად უნდა ეთიბა და გაენაწილებინა. ამ ადათს გლეხები მკაცრად იცავდნენ.

იოსებ მასწავლებელმა ჯერ დათოს დაუწერა ხუთი, მერე — ეკას.

ეკას და დათოს არც ნინო მირიანაშვილი ჩამორჩა და არც ხათუნა ბერიკელაშვილი. მერხზე გადაშლილ ატლასებში ადვილად იპოვნეს შუასაუკუნეების გერმანია, ისაუბრეს მარტინ ლუთერზე, გლეხთა აჯანყების დამარცხების მიზეზებზე.

სიმართლე გითხრათ, კარგია, როცა კაცმა ძველი და შუა საუკუნეების ისტორია ხუთზე იცის, გაკვეთილს უშეცდომოდ ჩააბუღებულებს, მაგრამ საკუთარი სოფლისა თუ ქალაქის ისტორია თუ არ იცის, ვერაფერი კაიკაცობაა. მერე რა, რომ მეექვსე-მეშვიდე კლასებში საქართველოს ისტორია არ ისწავლება, იოსებ მასწავლებლის მოსწავლეებს აინტერესებთ და ისიც პოულობს დროს, ბავშვებს ზოგადად მაინც ვააცნოს ქართული ერის წარსული; ასწავლოს დრო-ჟამ გამოვლილი, ათას ჰირსა და ვარამს გადარჩენილი ძეგლებისადმი სიყვარული და პატივისცემა. ისტორიული და არქეოლოგიური ძეგლებით მდიდარია ანაგა. სიღნაღის მხარეთმცოდნეობის მუზეუმში ფართო ადგილი აქვს დათმობილი ამ სოფლის წარსულისა და აწმყოს ამსახველ ექსპონატებს. ვინ იცის, ნორჩ ისტორიკოსებს რამდენჯერ გასძლია იოსებ მასწავლებელი სიღნაღისაკენ. ფეხით გაუვლიათ ანაგის ხევი

და მუზეუმს სტუმრებიან, თავიდან ბოლომდე შემოუვლიათ ერეკლე მეფის მიერ ანაგები და გამაგრებული სიღნაღის ციხე-გალავანი, რომლის სიგრძე ოთხ კილომეტრს აღემატება.

ამას წინათ იოსებ მასწავლებელი ბავშვებს ანაგის „ციხეებისაკენ“ გაუძღვა. სოფელში, ღვინობაანთ უბანში, ქვითა და კირით ნაშენი ბურჯები დგას. წელთა სიმრავლე იმზირება იმ ციხეთა ქონგურებიდან, სათოფურებიდან, სათვალთვალთვლებიდან. ამ ციხეებს სახელებიც ჰქვია: „ხირსელების“, „ხიზანანთი“, „ბიჭიანთი“, „ანდრონიკანთი“, „ოლოანთი“... სულ ექვსი ციხე დაითვალეს ბავშვებმა, ყველა — საგვარეულო. დიდი ხნის წინათ თურმე ამ გვარის ოჯახები მტრის შემოსევისას დედა-წულიანად იქ აფარებდნენ თავს.

რამდენი რამ დაწერილა დიდ სამამულო ომზე, კიდევ ბევრი წიგნი დაიწერება, გადაიღებენ კინო-ფილმებს, მაგრამ როცა იოსებ მასწავლებელი ყვება იმ დღეთა ეპიზოდებს, ეს სულ სხვაა. თვითონ წარმოიდგინეთ, იოსებ მასწავლებელი დიდი სამამულო ომის მონაწილეა. 1939 წელს სწავლობდა ვორონეჟის პედაგოგიურ ინსტიტუტში. იქიდან არმიის იმპერატორს, გაიარა საარტილერიო მოსამზადებელი კურსები, კარგი მემიზნე დადგა. ეს ჯერ კიდევ მაშინ გახდა ცნობილი, როცა ფინეთის ომში მიიღო მონაწილეობა. მერე, როცა გერმანიის წინააღმდეგ იბრძოდა ერთობლივად და სტალინგრადთან, რამდენჯერმე დაიჭრა. შუბლზე და მარცხენა წარბზე ახლაც აქვს ჩარჩენილი აფეთქებული ნაღმის ნამსხვრევები.

საჭიროებამ მოითხოვა და ომის ცხარე დღეებში შეისწავლა ტაპოგრაფია. მწვერავთა მიერ მოტანილი ცნობების მიხედვით რუკებზე გადაქონდა მტრის ბატარეების, დაჯგუფებათა პირობითი ნიშნები, რითაც ჩვენს არტილერიისტებს დიდ დახმარებას უწყევდა. ამის გამო მრავალი მადლობა დაუმსახურებია სარდლობისაგან.

საბრძოლო ჯილდოებით მკერდ-

დამშვენებული, 1946 წელს დაბრუნდა მშობლიურ სოფელში.

ვერც ომმა, ვერც ვაცდენილმა წლებმა ვერ ჩაკლა მასში სწავლის სიყვარული, მალე თბილისის სახელმწიფო უნივერსიტეტის სტუდენტი გახდა ისტორიის ფაკულტეტი აირჩია. სწავლობდა და არც სოფელი ავიწყდებოდა; არდადეგებზე მშობლებს შრომაში ეხმარებოდა, ხან მეურმე იყო, — ალაზნის ველიდან კოლმეურნეობის მეცხოველეობის ფერმაში საკვებს ეზიდებოდა, ხან კალოზე ტრიალებდა, — მარცვლით სავსე ტომრებით ტვირთავდა ურემსა თუ მანქანას.

გაიარა სტუდენტობის წლებმა. იოსებ მასწავლებელმა მშობლიურ სოფელში პედაგოგობა არჩია, იქვე დაოჯახდა, მისი მეუღლე მარიამი დღეს საქართველოს სსრ დამსახურებული მასწავლებელია.

იოსებ ანდრაზაშვილი მალე 70 წლის გახდება. თითქმის ოთხი ათეული წელი ბავშვთა აღზრდას მოახმარა. რაიონში რამდენი ადგილი არ შესთავაზეს, შეეძლო უფრო მაღალხელფასიანი, შედარებით შეღავათიანი სამსახური ეშოვნა, მაგრამ არჩეულ პროფესიას არ უღალატა.

აკი იმიტომაც, სიყვარულით მოიკითხავენ ხოლმე მისი აღზრდილები. ზოგი წერილით ეხმანება, ზოგი ტელეფონით, შინაც ესტუმრებიან, მოეფერებიან ღვაწლმოსილ პედაგოგს.

თავისი პედაგოგიური მოღვაწეობის პერიოდში სიკეთე ბევრი დაუთესია. სიკეთეც ბევრი მოიმკო — მის მოსწავლეთაგან ქვეყანა არვის გაუწყინია, სოფელი და სკოლა არ შეურცხვენია, საძრახისი საქმე არ ჩაუდენია.

ამ რამდენიმე ხნის წინათ იოსებ ანდრაზაშვილი პენსიონერ მასწავლებელთა რიგებს შეემატა. სკოლაში მაინც ვერ შეელივინენ, ვერც რაიონის განათლების განყოფილებაში გაიმეტეს ამავდარი პედაგოგი და ისევ სკოლაში დარჩენა სთხოვეს, დარჩა. მეექვსე-მეშვიდე კლასების პედაგოგობა ირჩია, ზედა კლასები ახალგაზრდა მასწავლებლებს გადაუღოცა.

გაკვეთილის დამთავრების მაუწყებელი ზარი დაირეკა, ბავშვებს კი

თითქოს არ გაუგონიათ, ოცდაათამდე მოსწავლის თვალი ისევ იოსებ მასწავლებელს მისჩერებოდა მონუსხულივით.

ჩაინიშნეს ახალი გაკვეთილი. მასწავლებელმა ხელში ჟურნალი აიღო.

კვლავ ახმაურდა სკოლის ეზო. წლებით მხრებდამძიმებულმა, თუმცა ჰაბუკური ენერგიით სავსემ ეზო დინჯი ნაბიჯებით გაიარა, გავიდა სოფლის გზაზე და შინისაკენ გაეშურა.

მის ასაკში ბევრი არხინად მხარეთმცოდნე წამოწვებოდა, შვილიშვილებთან თამაშით გაერთობოდა, დროს უსაქმობაში მოჰკლავდა. იოსებ მასწავლებელს კი უშრომელად ერთი დღეც ვერ წარმოუდგენია თავი. გული მუდამ საგარჯილოდ ერჩის, ან რა გააჩერებს სახლში, როცა გაზაფხულია და დიდ-პატარა ბაღ-ვენახებშია გაკრეფილი — ბარავენ, თესავენ, თოხნიან...

სახლში მივიდა თუ არა, ტყავის ძველი ჩანთა აიღო, შიგ კალაღში გახვეული ყველი, პური და რამდენიმე ღერი მწვანე ხახვი ჩადო, ჩანთის ერთ კუთხეში წყლით სავსე სველი კოკურა ჩაჰყუტა, აიღო ბარი და ვენახისკენ გაუყვა გზას. ვენახი ალაზნის არხთან აქვს, იქამდე საკმაო მანძილია, მაინც არ ეზარება ფეხით სიარული; პირიქით, გაკვეთილების შემდეგ ვენახში მუშაობა სიამოვნებას ჰგვრის. მართალია, მასწავლებლობს, მაგრამ მამა-პაპეული ვენახისათვის ზურგი არ შეუქცევია, ცდილობს, ვაზის სიყვარული სხვებსაც ჩაუნერგოს.

იოსებ მასწავლებელმა ვენახში შეაბიჯა. შორიდანვე შემოსცინეს კვირტებდამსკდარმა ვაზებმა, აქა-იქ პირისფრად აყვავებულმა ატმებმა. თეთრად გადაპენტილი ჭერმის ტოტებში შემალულმა შაშვამაც დაიჭახჭახა.

შაშვის ჭახჭახმა რატომღაც სკოლის ზარი გაახსენა და მოეჩვენა, რომ ახლა აქ, ვენახში გაგრძელდებოდა მისი გაკვეთილი — შრომის, მშობლიურ მიწასთან ჰიდისის, სიცოცხლისა და სიმშვიდის გაკვეთილი.



ნორი კორასონდენტო ჟურნალი № 7

მეგობრობის ხიდი

მეგობარი ბევრი მყავს სკოლაშიც და სკოლის გარეთაც, მაგრამ ახალი მეგობრების შეძენას მუდამ ვეძებოფვი. ერთი ასეთი შემთხვევა მინდა გავიხსენო:

შემოდგომა იდგა — მხიარული და საინტერესო ექსკურსიების დრო. თანაკლასელებთან ერთად სკოლის ეზოდან გამოვედი. იქვე, ახლოს, შეჩერებული ავტობუსი შევნიშნე. მივხვდი, ექსკურსანტები იქნებოდნენ — ჩვენი სკოლა ხომ აკაკი წერეთლის ძიძისეული სახლის მეზობლად მდებარეობს. ავტობუსის თვალყურებამ გამიტაცა. უცებ ფანჯრიდან ჩემკენ მოპყრობილი გაცინებული სახე შევნიშნე. შავთვალა გოგონა იყო, ჩემის ხნისა. საოცრად მომინდა მისი გაცნობა, მაგრამ ავტობუსი უკვე გა-

ჭედლი იყო, მასში ასვლას ვერ შევძლებდი, გოგონას სკოლა და გვარსახელი შორიასლოს მდგარმა მისმაცე მასწავლებელმა მითხრა, მე კი მას, ამხანაგების საშუალებით, ჩემი მისამართიც გადავაწოდე.

დიდი ამბით გავაცილე სურამელ მოსწავლეთა ის ავტობუსი. რამდენიმე დღის შემდეგ კი წერილი დავწერე, დიას, წერილი — ჩემს ახალ მეგობარს — მაია ივაშჩენკოვს, იმ შავთვალა გოგონას მივწერე. მას შემდეგ ვმეგობრობთ, ყველა სასიხარულო და საწყენ ამბავს ერთმანეთს ვუზიარებთ. მაიასთან ახლა მე საოცრად თბილი დამოკიდებულება მაკავშირებს და ვიცი, რომ ჩვენს შორის გადებული მეგობრობის ხიდი არასოდეს ჩატყდება.

ნონა გაფრინდაშვილი,
სახხერე, სავანის საშუალო სკოლა,
IX კლასი.

* გაზაფხული *

გაზაფხულია. თეთრ წვერს
პარსავს შიწას დალაქი,
უკვე აღარ აქვთ კვირტებს
ტევა ჩვენს ჭრულ ქალაქში.
შეზავებულან ათქვირული
კონტა ფერები

და გადასულან ერთმანეთში
ფერებ-ფერებით.


გაზაფხულია...

და ბუნებაც გაფიროსმანდა,
ფრინველთ ჭიკჭიკი

სმენას ატკობს აღტაცებული,
ეს გაზაფხული კოცონივით
აალებულა
და კოცნა-კოცნით გზას იკაფავს
ატაცებული.

როცა ხეები ჰყვირიან
„შავლეგოს“ თავის ხმებზედა,
როცა ატმები ათქვირულ
მკერდებს ითბობენ მზეზედა,
როცა შორიდან გაისმის
ნასუქი ღრუბლის მთქნარება,
როს მწვერვალებსაც სწვინდებათ
ყინულ-საფარის ტარება,
როცა მერცხალი მალღიდან
თბილ ქვეყნის ამბებს გვიყვება,
როცა ფუტკარი ყვავილის
ოქროსფერ მტკერში ისვრება.
მაშინ ეს სულიც მკერდს აპობს,
გაზაფხულს ყელზე ეხევა,
სურნელით გაბრუებული
იშლება ჭადარ-ვერხვებად!

ნესტან ნადირაძე,
თბილისი, 182-ე საშუალო
სკოლა, IX კლასი.



„პორტრეტი“.
დათო ჩიტაური,
VII კლასი.

ღუფეთი,
ჰართლის არასრული
საშუალო სკოლა.

„ასფურცელა“
ვანო ჯაფარიძე,
11 წლის.





წუნუ ქადაგიძე

მხატვარი
გ. ფოსნიანი
 მ ო თ ხ რ ო ა

ნებინა

სევში, ნაკადულის პირას ვიჯექი. ჩემი საყვარელი ადგილია, გრილი, მყუდრო. ცხოველები ხშირად ჩამოდიან დასარწყულებლად, ფრინველებიც ეტანებიან იქაურობას. ბევრ საინტერესო რამეს ნახავ, თუ ჩირგვების უკან მიმალული უთვალთვლებ მათ შინაურულ ცხოვრებას. ირმები მაინც ყველას მიჩვენია. ოდნავადაც არ უშინათ ჩემი. არ გამირბიან, თუ შეამჩნიეს. მეც სანთელივით აღერილ კისერზე ვუფერები და ტბილულს ვუწვდი ხოლმე. უფრო სწორად, ვუწვდიდი. მუდამ მქონდა ჯიბეში კანფეტი ან შაქარი საამისოდ. ახლა უკვე აღარ...

ჰოდა, ერთი ცნახთ, ნაკადულთან ირემი მოვიდა წყლის დასალევად. კარგად ვიცი იმ ირემს, ბებერი ხარირემია. ხესავით გაბარჯულ რქებში ერთი ტოტი ჩამოტეხილი აქვს, თოფი მოახვედრა ერთმა ყმაწვილმა. გარეშე თვალი ვერაფერს შეატყობს, თუ კარგად არ დაუკვირდი, არ ემჩნევა. უნდა გენახათ, რა მშვენიერი სანახაო იყო: მოქნილი მოძრაობით ჩამოდიოდა ბილიკზე. ფიჩხიც კი არ განხმარებულა მისი ჩლიქებქვეშ, თუმცა ლალად კი ადგამდა ნაბიჯებს. დატოტვილ რქებს დიდი გულისყურით არიდებდა ხშირ ბუჩქნარს. ტოტი არ შერხეულა მის სავალ გზაზე, ისე ჩამოათავა ბილიკი. ერთხანს სმენად ქცეული, გარინდებული აყურადებდა გარემოს, მერე წყალს დაეწაფა. მშვიდად, აუჩქარებლად სვამდა, ყურები კი დაცქვეტილი ჰქონდა, ჩქამიც არ გამოეპარებოდა მის მახვილ სმენას. მე სულგანახებული ვიჯექი, ჩემად ვტკბებოდი მისი სილამაზით.

მოულოდნელად წყლის სმა შეწყვიტა და თავი მალა აიღო. ისედაც მშვილდით მოზიდული სხეული კიდევ უფრო დაეძაბა, კუნთები ზამბარასავით შეეკუმშა, რაღაცას ყური მიუგდო. სულ მალე მეც მომესმა რომელიღაც ცხოველის ნაბიჯების ხმა. დაუდევარი, არხეინი ნაბიჯები თანდათან ახლოვდებოდა. ტოტების მტკრევის ხმაც მოისმოდა, ჩლიქებქვეშ ხვინჯის ხმაურიც და ის იყო, წყაროს პირას მდგარი ირემი ადგილიდან უნდა მოსხლეტილიყო, რომ ბუჩქებიდან მეორე ირემი გამოვიდა. დამხვდური ადგილზე დარჩა, სხეული შეუტოცდა მხოლოდ. მეორე ირემის გამოჩენა ნამდვილი დღესასწაული იყო სილამაზისა. დიდებულად ნაქანდაკარ ტანზე ბეწვი უბზინავდა. იშვიათი სინატიფით მოგლუვებული სხეულით თითქოს მოცურავდა ხეებს შორის. ამაყად, მეფურად შეემართა კისერი და ერთი შეხედვით გეგონებოდა, რომ მისი მალალი, დატოტვილი რქები ხეთა კენწეროებს აჭარბებდნენ სიმაღლით. არხეინად, თამამად მობაკუნობდა. სრულიად ახალგაზრდა ხარირემი იყო.

— შენა ხარ, ნებიერავ? — გამოელაპარაკა დამხვდური ირემი ახალმოსულს. — რა არხეინად, რა ხმაურით დადინარ, მეზობელო!

— რისი უნდა მეშინოდეს, ქორბუდავ? — ჰკითხა ნებიერამ, წინა ფეხებით ნაკადულში ჩადგა და მადიანად მოსვა წყალი. — რისი უნდა მეშინოდეს? — თავი აიღო და გაიმეორა შეკითხვა, რადგან ქორბუდამ მაშინვე არ უპასუხა.

— მართალი ხარ, — დაილაპარაკა

დაფიქრებულმა ქორბუდამ. — ნაკადულში იმიტომ ვცხოვრობ, რომ ალარაფერი გვექონდეს მგლები არიან აქ, არც მონადირე ჯაჭანებს.

— შენც კარგად გცოდნია, მე რაღას მაფრთხილებ.

ქორბუდას ალარაფერი უთქვამს. ნებიერა დგაფუნით აბიჯებდა ნაკადულში. ხან ერთ მხარეს გავილოდა, ხან მეორე მხარეს და ქორბუდას წყლის შხეფებით წუნავდა. ქორბუდა, თითქოს ვერაფერს გრძნობს, გაუნძრევლად იდგა დაფიქრებული.

— დიდად მხიარული არც როდის მინახინარ, — თქვა ნებიერამ, — მაგრამ ახლა მეტად შეწუხებული მეჩვენები. რაზე ფიქრობ?

ქორბუდას არც ახლა ვაუღია ხმა. თავჩაქინდრული იდგა.

ნებიერამ უგემურად მოწინკნა ბალახი და ისევ წყალს დაეწაფა.

— რა შევრ წყალს სვამ! — როგორც იქნა, ამოიღო ხმა ქორბუდამ.

— შაქარი ვჭამე ბევრი, კანფეტებიც, მერე ლიმონითი დავლიე წყლის მაგივრად. — ნებიერამ პირი გააწყლანა.

— ჰოო, მოგწყურდებოდა, აბა რა იქნებოდა, — ნაღვლიანი თვალებით დაკვირვებით შეათვალიერა ქორბუდამ ნებიერა და ცოტა ხნის დუმილის შემდეგ თქვა: — ძალიან შეჩვევინარ ტკბილულს, ნებიერავ. აღარ მოგეწონება აღარც ბალახი, აღარც ხის ფოთოლი.

— მართალია, ისე გემრიელი აღარ არის...

— სხეულიც კარგად დაგიმრგვალდა, ნებიერავ, თუმცა მოქნილობა არ გაკლია ჯერ. ისევ ლერწამივით დრეკადია შენი ხერხემალი. გრძელი, თამამი ნაბიჯი ვაქვს, ადვილად ვერ მოგწვდება მდევარი. მგელსაც გააწბილებ, თუ გამბედაობამ არ გიღალატა, მაგრამ...

— რა მაგრამ? — გაეხმაურა ნებიერა, ქორბუდა რომ ისევ დადუმდა.

— ვასუქდები და დამძიმდები, თუ ასე მიეძალე ნუგბარ საჭმელს, დაკარგავ მშვენიერ ფორმას. ადვილად ნაშოვნია არაფერი ვარგა. საჭმლის შოვნაში იმდენივე ენერგია უნდა დახარჯო, რამდენსაც თვითონ ის საჭმელი მოგცემს. მხოლოდ მაშინ იქნები ჯან-ღონით სავსე და ძლიერი. ვარგუნული პეწი და სილამაზეც შეგჩნება.

ნებიერა უდარდლად ჩაიფრუტუნა, ტანი შეიბურტყა.

— სუნიც უცხო ავდის, ნებიერავ, — ვანაგრძო ქორბუდამ. — აღარ ვაქვს ტყის და ბალახის სურნელი. გომურის ჰაერით ხარ გაყდენთილი. ვაი, სირცხვილო!





— რა არის სასირცხვილო? — გაწიწმატდა ნებიერა.

— როცა ცხოველი ტყეში თავისუფლად ცხოვრობს, მას სხვა სუნი აქვს, სხვა შესახედაობა, სხვა ნაბიჯი. შენ აღარ ჰგავხარ ძველ ირმებს, მუდამ მშვილდივით მოზიდულები რომ იყვნენ, აღარ ფრთხილობ, ხომ არავინ დამდევსო, კარგავ ყნოსვის სიმასვილეს, საფრთხის შემჩნევის უნარს. ასე ხომ დაკნინდა კეთილშობილი ირმების გვარი, ნებიერავ! ზედმეტი ქონი დაასახიჩრებს მოქნილობითა და სილამაზით განთქმულ ირმებს. ადამიანები გომურში გემრიელ საჭმელს გაჭმევენ, სამაგიეროდ, შენ ტყეში თავისუფალი ცხოვრების ალღოსა და გემოს ჰკარგავ.

ნებიერამ, თითქოს ბუზმა შეაწუხაო, ისე გაიქნია თავი.

— ამ ტყეში დავიბადე და გავიზარდე, — რაკი ერთხელ ალაპარაკდა, აღარ ცხრებოდა ქორბუდა, — შენზე ბევრად უფროსი ვარ და შენზე მეტი მესმის. ამ ბებერ ტყავს რომ უყურებ, რაღა არ გადახდენია თავს. ავიც ბევრი მინახავს და კარგიც, გვალვაც და წვიმაც, ტყვიასაც გავუკაწრივარ, მშიერიც ბევრჯერ ვყოფილვარ, მავრამ ყოველთვის ვარიდებდი თავს ადამიანებს. არ მინ-

დოდა შევჩვეოდი მათი ხელიდან სა მოწყალოდ საჭმლის ჭამას. ვიცი მე ასეთი საჭმლის ფასი. შენ კი გაგანებიერეს თავიდანვე, შეგაჩვიეს გომურის ჰაერს, იოლად ნაშოვნ საჭმელს. გაგაზანტებს ასეთი ცხოვრება, ველარც მგელს გაუქცევი...

— რას აიჩემე ეს მგლები, ჩვენს ნაკრძალში ხომ მგლები აღარ არიან, — გაწყრა ნებიერა. — თუ იქნებიან და — მათაც მისცემენ ადამიანები თავის წილ საკვებს, ჩვენს თავს არ შეაჭმევენ.

ქორბუდამ სევდიანად გადააქნია თავი.

— ის მირჩევნია, ისევე მგლები დავდევიდნენ, ნებიერავ. ცოტანიც რომ გადავურჩეთ იმ მგლებს, ის ცოტანი ძლიერები და მოქნილები ვიქნებით მაინც. გაყინულ მიწაზე გამხმარი ბალახი რომ მოვწიწნოთ, ის უფრო შეგვერგება, ვიდრე ადამიანების ხელით მოწოდებული შაქარი, ჩვენით რომ ერთობიან, მერე კი, თუ დასჭირდათ, დანას გამოვვისვამენ ყელში. გომურში თუნდაც დიდხანს ვიცოცხლოთ, აღარ ვიქნებით კეთილშობილი ირმები. მეწველ ძროხებად, ფიტულებად, ლამაზ სათამაშობად ვიქცევით. ეს უფრო საშიშია ჩვენთვის, მგლებზე უფრო საშიშია...

ამ საუბრის შემდეგ ირმები ერთმანეთს დაშორდნენ. ამაყად კისერმოღერებული ნებიერა დინჯად გაემართა იქითკენ, საიდანაც მოვიდა. ქორბუდა ისევე ნაკადულის პირას დარჩა, მწუხარე ფილოსოფოსივით

დაფიქრებული დიდხანს იდგა გაუნძრევლად. მერე ატირდა, ეტყვიანად ნაღვლიანი თვალები ცრემლებით ავესო. ჩამოსდიოდა ლაპალუპით ცრემლები და ნაკადულს ერთვოდა. ისე შემებრალა, მეც ავტირდი მისი ცოდვით. ბევრი ვიტირე და ტირილით დაოსებულს არ გამივია, როგორ ჩამეძინა. როცა გამომეღვიძა, ქორბუდა უკვე აღარ ჩანდა. ნაკადული კი ამღვრული და ადიდებული იყო, თუმცა წვიმა არ მოსულა. ქორბუდას ცრემლებმა აადიდა და აამღვრია ნაკადული... რა გაცინებთ, ბიძიებო? არ გჯერათ ჩემი ნაამბობის? სიზმარში გინახავსო...! კი მაგრამ, თუ სიზმარი იყო, ნაკადული რაღამ აადიდა ასე, რამ აამღვრია. წვიმის ნახსიციც კი არსად ჩანდა, ირგვლივ ყველაფერი მშრალი იყო. არც შორს მთებში შემინიშნავს წვიმის ღრუბელი. კაცი დავბურდი, შორიდანაც კი ვგრძნობ ჰაერში წვიმის სუნს. იცინეთ, იცინეთ... რა ვქნა, მართალი გითხრათ, არ მიხარია თქვენი სიცილი, მაგრამ მთლად თქვენი ბრალიც არაა. თქვენ ხომ არასოდეს გინახავთ ქორბუდას ცრემლები. სიზმარშიაც არ გინახავთ, ცხადს ვინლა დაექებს. ერთხელ მაინც რომ მოგვეკრათ თვალი, რა მწარედ ტირო-



და ქორბუდა, ასე არხეინად ვერ გაიცინებდით ახლა, შეგრცხვებოდათ... არა, გმადლობთ, არაფერი მინდა, ტკბილედ სჯერათოდ არ გეახლებით. არც ირმებისთვის მინდა. აკი გითხარით, ასე მალე დავავიწყდათ ჩემი ნაამბობი? ადრე პატარა ბავშვებივით ვაძლევდი მათ შაქარს, ახლა აღარ ვაძლევ. ლორლიან მიწაზე გამხმარი ბალახი რომ მოწიწნონ, ის უფრო შეერგებათ.

სამხილი



3. მოჩალოვი

მხატვარი

იოსებ სამოსაძე

მ თ ხ რ ბ ა

— ბიჭო, ვინ ავიჭრელა სახე? — შეწუხდა ბებია, როცა შვილიშვილის გასისხლიანებული ცხვირი და ჩალურჯებული თვალი დაინახა.

— ნუ გეშინია, მეც მაგრა მივაკერე ლიონიას! — უპასუხა სერიოჟამ თვალების ბრიალით.

ბებიამ სინანულით გადააქნია თავი.

— დღეს რისთვისღა დაკაწრეთ ერთმანეთი?

შვილიშვილმა გატეხილი ცხვირით ღრმად ჩაისუნთქა ჰაერი:

— ისევ იმისთვის. პაპაჩემს ისევ მოღალატე უწოდა.

სერიოჟა ბებიას შეეხვეწა:

— ბებია, შენი ჭირიმე, იქნებ ერთხელ კიდევ მიაშობ პარტიზანთა რაზმის დაღუპვისა და პაპას უგზო-უკვლოდ დაკარგვის ამბავი.

მოხუცი ჩაფიქრდა.

— შენ უკვე ისედაც ყველაფერი კარგად იცი. ახალს ვერაფერს დავუმატებ. უმჯობესია, მოხუცებს — თედორესა და ნიკოლას მიაკითხო. პარტიზანთა რაზმიდან მხოლოდ ისინი გადარჩნენ და მხოლოდ იმათ შეუძლიათ, სიმართლე გითხრან.

სერიოჟამ სახელდახელოდ ისწავლა გაკვეთილები და მერე თავის მეგობარ ვიტკასთან გაქანდა. ყველა საინტერესო საქმეს ისინი სახელოსნოში არჩევდნენ, აქვე ამზადებდნენ ხოლმე სხვადასხვა მოდელს, არემონტებდნენ საოჯახო ნივთებს, ინახავდნენ თევზის საჭერ ბადეს და ზაფხულობით იძინებდნენ კიდევ. აი, ახლაც სერიოჟამ ფარდულის კარი გადარაზა და მეგობარს მიმართა:

— მტკიცედ გადაწყვიტე, რადაც უნდა დამიჯდეს, დავადგინო ჭეშმარიტება, რომელიც პაპაჩემს გაამართლებს. იგი უდანაშაულოა. დამეხმარები ამ საქმეში?

ვიტკა ჩაფიქრდა:

— თანახმა ვარ. მაგრამ ახლა ვერა, განა ვინმე ფიქრობს, რომ პაპაშენი ჰიტლერელებს გაჰყვა ან პარტიზანები გასცა?

სერიოჟამ წარბი შეიკრა.

— სულ ერთია, პაპას უდანაშაულობა უნდა დავამტკიცო, რომ ლიონკამ ენა აღარ ასარსალოს, ჩვენი გვარი არ შეარცხვინოს.

— ნიკოლა პაპასთან წავიდეთ! ვთხოვთ, დაწვრილებით გვიამბოს, როგორ მოხდა ყველაფერი. შეიძლება, რამეც გვიჩიოს.

ნიკოლა პაპა მორზე ჩამომჯდარიყო და ლობიოსათვის ნაჯახით სარებს თლიდა. ბავშვები მოხუცს მიესალმნენ და გვერდით მიუსხდნენ.

— ნიკოლა პაპა! ვთხოვთ, პაპაჩემზე მიაშობთ, მოგვიყვით როგორ გაანადგურეს პარტიზანები. მინდა დავრწმუნდე, რომ პაპაჩემი გამცემი არაა.

— რას ამბობ, ბიჭო! — აღელდა მოხუცი. — ეს არავის უფიქრია. პაპაშენი მტკიცე, პატიოსანი კომუნისტი იყო. მე თუ შეკითხავ, ეს უმსგავსო ჭორი თედორე ლომოვმა გაავრცელა. ლომოვი ყოველთვის ცდილობდა, პაპაშენისათვის როგორმე სახელი გაეტეხა. კულაკის შვილმა ვერ მოინელა, რომ ივანე პეტრეს ძემ, პაპაშენმა, ოციან წლებში მათ წისქვილი ჩამოართვა და ახალგაზრდა სახელმწიფოს გადასცა.

ნიკოლა პაპამ სული მოითქვა, მერე განაგრძო:

— აღარ ვიცი, როგორ დაგეხმარო, შენ კი, აბა, რა დამამტკიცებელი ფაქტი უნდა ნახო?! მას შემდეგ ხომ ორმოც წელზე მეტი გავიდა... თუმცა, მისმინე. როდესაც ჩვენი მხარე გერმანელებმა დაიკავეს, პარტიის რაიკომის მდივანმა, აწ განსვენებულმა სიმონ თედორეს ძემ და პაპაშენმა პარტიზანთა რაზმი ჩამოაყალიბეს. პაპაშენი კომისარი იყო. ჩვენ შედარებით იოლად დაეუსხლტით ჰიტლერელებს ხელიდან. ჩვენი მხა-

რე ხომ ტყეებით, ტბებითა და უუვალი ჭაობებითაა ცნობილი. თუ ბიჭია, დაგედევნოს ვინმე ასეთ ადგილებში. აქ შეუძლებელია ტექნიკის გამოყენება. ყველაფერი უმაღლეს ჭაობში ჩაიძირება. საიდუმლო ბილიკი, რომლითაც პარტიზანები სარგებლობდნენ, გერმანელებისათვის უცნობი იყო. ჩვენ ცოტანი ვიყავით, სულ 23 კაცი. მაგრამ მტერს მნიშვნელოვან ზარალს ვაყენებდით: ვაფეთქებდით ხიდებს, რკინიგზას, ვანადგურებდით მტრის ძალასა და ტექნიკას. ჰოდა, გადავწყვიტეთ, ჩვენს სოფელში მოთავსებული გერმანელების კომენდატურაც გავგენადგურებინა: როგორ აწამებდნენ ჩვენს ხალხს კომენდანტი და პოლიციელები! სულს ხდიდნენ. და აი, ტყეში, სოფლის განაპირას ჩასაფრებულ მტერს გადავაწყდით. ვილცამ გაგვცა ვინ გავგყიდა, დღემდის ვერ გამიგია. ეს კია, რომ ჩვენი რაზმი თითქმის მთლიანად დაიღუპა. როცა დამსჯელი რაზმი წავიდა, ნათესავებმა დახოცილების დამარხვა დაიწყეს. აღმოჩნდა, რომ მე და თედორეს გვედგა სული. ფეხი გამომიცვალეს, — მოხუცმა პროთეზზე დაირტყა ხელი. — თედორე შედარებით იოლად გადარჩა, სახეში იყო დაჭრილი. — ნიკოლა პაპამ ცრემლები მოიწმინდა — ყველანი ძმათა სასაფლაოზე დამარხეს. დახოცილთა შორის მხოლოდ პაპაშენი არ აღმოჩნდა. დღემდის უცნობია, სად გაქრა, — დაასრულა თხრობა ნიკოლა პაპამ და მერე შეფიქრიანებულმა



დაუმატა: — იქნებ, კუნძული „გრი-
ვი“ მოგვენახულებინა. ის ხომ გაუ-
ვალი ჭაობების გულშია მოქცეული.
ალბათ, თქვენც გსმენიათ ამ კუნძუ-
ლის ამბავი. არც ომამდე და არც მის
შემდეგ მისკენ მიმავალი გზა არავენ
იციოდა. მხოლოდ პაპაშენმა იციოდა,
როგორც უბედლო მონადირემ. ჰოდა,
ამბობენ, პაპაშენმა და რაიკომის
მდივანმა მთელი საიდუმლო საბუ-
თები იმ კუნძულზე გადაიტანესო.
ომის შემდეგ ბევრი ეცადა კუნძულ-
ზე მოხვედრას, მაგრამ ვერავენ მო-
ხერხა. იგი ხომ ერთიანად ჭაობია-
ზოგ ადგილას პატარა მინდორს შეხ-
ვდები, მაგრამ ფეხს დაადგამ თუ
არა, ჭაობი ჩაგითრევს. აქაურობა
ზამთარშიაც კი მიუვალაია, რადგან
არ იყინება. თქვენც ხომ იცით, რამ-
დენი სული საქონელი ჩაუყლაპა
სოფელს ამ ჭაობმა.

ბავშვებმა მოხუცს მადლობა გა-
დაუხადეს. უკან რომ ბრუნდებოდ-
ნენ, სერიოჟამ მეგობარს უთხრა:

— აუცილებლად ვიპოვი პაპას სა-
იდუმლო ბილიკს. ხომ ხედავ, პაპა
კუნძულზე ყოფილა მეთაურთან ერ-
თად.

მალე არდადეგები დაიწყო. ერთ
დღეს გრძელი ჯოხებითა და თოკებით
ალჭურვილი მეგობრები კუნძულზე
მისასვლელი საიდუმლო ბილიკის სა-
ძებნელად გაუდგნენ გზას. სამ დღეს
ეძებეს, მაგრამ ამაოდ. რამდენჯერ-
მე ჭაობმა კინალამ ჩაითრია ბავშვე-
ბი, ოჩოფეხები და თოკები რომ არ
ჰქონოდათ, ალბათ, უბედურებას ვერ
ასცდებოდნენ.

სამი დღის ამო გარჯის შემდეგ
ვიტყამ თქვა:

— არაფერი გამოდის. შეიძლება,
საიდუმლო ბილიკი მართლაც არსე-
ბობდა, მაგრამ მისი კვალი, ალბათ,
უკვე დიდი ხანია ჩაიკარგა. მოდი,
ფანერისაგან მსუბუქი ნავი გავაკე-
თოთ, მაშველი რგოლების ნაცვლად
მანქანის ორი გაბერილი კამერა,
ოჩოფეხები და თოკი წავიღოთ, იქ-
ნებ გადავლახოთ ეს უბედური ჭაო-
ბი.

ასეც მოიქცნენ. მთელი კვირა მოუ-
ნდნენ ნავის გაკეთებას. ჭრილები სა-
გულდაგულოდ დაუგოზეს, მერე შე-

უდებეს. ლაშქრობისათვის ცხელი,
მზიანი დღე აირჩიეს, რადგან იცო-
დნენ, ჭაობის წებოვან ლაფში დას-
ვრილებს ბევრჯერ მოუხდებოდათ
ცივ წყალში ბანაობა.

მეგობრებმა ნახევარ დღეში ასი-
ოდე მეტრის გავლა ძლივს მოახერ-
ხეს და დარწმუნდნენ, რომ ამ გზით
კუნძულს ვერ მიაღწევდნენ.

— არა უშავს, ეს ნავი სათევზაოდ
გამოგვადგება. მანამდე კი რამეს მო-
ვიფიქრებთ და ამ საშინელ ჭაობს
აუცილებლად „დავიპყრობთ“, —
გულს არ იტებდნენ ბიჭები.

რადგან ნავმა არ გაუმართლათ,
ახლა სერიოჟა მთელ დღეებს რაიო-
ნის ბიბლიოთეკაში ატარებდა. ენცი-
კლოპედიებსა და ჟურნალებს ქექაე-
და, ეძებდა მისთვის საინტერესო რა-
მეს, მაგრამ საიმედოს ვერაფერს მია-
გნო. უკვე იმედი გადაუწყდა, რომ
ერთ დღეს ბიბლიოთეკაში აღელვე-
ბულმა ვიტყამ მიირბინა.

— არის! ვიპოვე! ჩვენ მივალწვეთ

კუნძულამდე! — და მეგობარს პა-
წაწინა ბროშურა უჩვენა, სადაცნული
წყლის თხილამურების აღწერილობა
და ნახაზი იყო მოთავსებული.

ბიჭები თხილამურებისთვის შესა-
ფერ მასალას მთელი კვირა ეძებ-
დნენ, საოლქო ცენტრის მაღაზიაშიც
კი იყვნენ. შემდეგ სახელოსნოში ჩა-
იკეტნენ. ვინ იცის, რამდენჯერ მოუ-
ხდათ თითოეული დეტალის გაკეთე-
ბა. და აი, თხილამურები მზად იყო.

ბიჭები სისხამ დილით ადგნენ. ჭა-
ობი სქელ ბურუსს დაეფარა. ირგვ-
ლივ შიშის მომგვრელი სიჩუმე იდ-
გა. ზოგჯერ წყლის ზედაპირზე ამო-
სული ბუშტი თუ გასკდებოდა, ან
სადაც ჭაობის ფრინველი თუ დაი-
ლნავლებდა. ბიჭებმა ტანთ გაიხადეს.
იქვე, ნაპირთან, სუფთა წყალში შედ-
გნენ თხილამურებზე, მაგრამ მაშინ-
ვე ამოყირავდნენ. ორ საათს გულ-
მოდგინედ ივარჯიშეს. ასე დადიო-
დნენ მთელი კვირა ჭაობზე. პირველ
ხანებში თუ ათი მეტრის გავლა უჭი-



რდათ, შემდეგ დღეებში ას მეტრსაც იოლად ფარავდნენ.

ლაშქრობის დღეც დაინიშნა.

გადაწყვიტეს თან ორი დღის საგზალი, ასანთი, წვრილი, მაგარი თოკი და ფოტოაპარატი წაეღოთ. ვიტკამ ფოტოაპარატი პოლიეთილენის პარკში ჩადო, რომ არ დასველებოდა, თუ შემთხვევით წყალში ჩაყვავდებოდნენ.

სახელოსნოში მშობლებს წერილი დაუტოვეს, ატყობინებდნენ, სად და რისთვის მიდიოდნენ.

როცა ირიჟრაჟა, ბიჭები უკვე კაობთან იდგნენ. ვიდრე ზურგჩანთებს მოიკიდებდნენ, თხილამურები ერთხელ კიდევ შეამოწმეს. ნიაემაც დაჰქროლა, ბურუსი გაიფანტა და მეგობრებიც უჩვეულო მოგზაურობას შეუდგნენ.

თავისუფლად მისრიალებდნენ, უხაროდათ, თხილამურები ასე რომ ემორჩილებოდათ. საათნახევრის სრიალის შემდეგ დაღლა იგრძნეს. თხილამურებზე ჯონები ჯვარედინად გასდეს, ზედ ზურგჩანთები დააწყვეს და ჩამოსხდნენ. ის კი არა. ფეხიც გაშალეს. სანამ კუნძულს მიაღწევდნენ, კიდევ ორჯერ შეისვენეს ამ ხერხით. ერთხელ წამოწოლაც კი მოახერხეს ხელისგულისტოლა მინდორზე, სადაც სამი ჯუჯა არყის ხე იდგა. მინდორი, როგორც ცოცხალი არსება, ფეხქვეშ ირწყოდა, მაგრამ მგზავრების სიმძიმეს მაინც გაუძლო.

ბოლოს სასურველი კუნძულიც გამოჩნდა. ბიჭები ტკბებოდნენ ირგვ-

ლივ გამეფებული სიჩუმით. როცა კარგად დაისვენეს, კუნძულის დასავალიერებლად გაეშურნენ.

სამოცდაათამდე მეტრი დიამეტრის კუნძული კუზივით იყო მოხრილი. ისეთი ხშირი ბუჩქნარითა და ხეებით იყო დაფარული, რომ იქ ვერტმფრენიც კი ვერ მოახერხებდა დაჯდომას.

მართალია, კუნძული დიდი არ იყო, მაგრამ მიწურის მიგნება მაინც გაუჭირდათ. იგი ვეებერთელა წაქცეული ფიჭვის ქვეშ აღმოაჩინეს. ძლივს გააღეს მიწურის კარი, გააღეს და შეშინებულებმა ისევ სწრაფად მოიხურეს: იატაკზე ადამიანის ჩონჩხი იდო. ბიჭები დიდხანს ვერ ბედავდნენ შიგ შესვლას. ბოლოს სერგეი, თითქოს ეშინია, მძინარე არ გადავიძოსო, ჩუმად, ფეხაკრეფით შევიდა მიწურში. მიცვლებულს თავთან გახუნებული წითელბანტიანი პარტიზანის ქუდი, აირწინალის ჩანთა, გადაშლილი წიგნი და ფანქარი ელაგა. მეგობრებმა ყველაფერი ფრთხილად აკრიფეს და მიწურიდან გარეთ გამოვიდნენ. წიგნის უკანა ყდაზე ფანქრით ეწერა: „თედორე ლომოვი გამცემია. მან გერმანელებთან დაგვაბეზლა. მე ხელში და ბეჭის არეში დამჭრეს. მეთურმა მიბრძანა, რაც უნდა მოხდეს, პარტიზანთა რაზმის საბუთები კუნძულზე გადავიტანო. ძლივს მოვალწიე აქამდე. ბევრი სისხლი დაგვარგე. ვკვდები, მშვიდ“...

მეგობრებმა ჩანთა გახსნეს. ჩან-

თაში ქაღალდები და სქელი რგეული იდო. ეს იყო პარტიზანთა საბრძოლო მოქმედების გეგმა და მებრძოლთა სიები. რგეულის ბოლო ფურცელზე გაკრული ხელით მიეწერათ: „ლომოვი მოღალატეა. უკანასკნელ ტყვიამდე ვიბრძოლებ. კომისარი დაჰკრილია, სროლა აღარ შეუძლია, მას დოკუმენტებთან ერთად აგზავნიან მიწურში! სამაგიერო გადაუხადეთ მოღალატეს! შური იძიეთ ფაშისტებზე!“

ბოლოს მეთაურის ხელმოწერა იკითხებოდა.

სერიოჟამ ვიტკა ააჩქარა, უკვე გვიანია, დროა, შინ წავიდეთო.

ვიტკამ გაკვირვებულმა იკითხა:

— როგორ, პაპაშენი დაუმარხავი დავტოვოთ?

— უფროსებს უნდა მოვეთათბიროთ. — მერე დაუმატა: — მოდი, პაპას და, საერთოდ აქაურობას სურათი გადავუღოთ.

სახლისაკენ მიმავალი გზა ბიჭებმა უფრო სწრაფად გაიარეს. სახლში სერიოჟამ ბებიას უსიტყვოდ გადასცა პაპას ქუდი. ბებიამ ქუდი გულზე მიიკრა და უხმოდ აქვითინდა.


ბიჭების კუნძულზე ყოფნის ამბავი ელვის სისწრაფით მოედო სოფელს, თედორე ლომოვი — ლიონიას პაპა — იმ საღამოსვე სოფლიდან გაიპარა.

მალე სოფლის კომკავშირელებმა ზუსტად ისეთი თხილამურები გააკეთეს, როგორც სერიოჟასა და ვიტკას ჰქონდათ. ავტომანქანის კამერისაგან გაკეთებული მსუბუქი ტივით დადმოსვენეს კომისრის ნეშტი. გადმოიტანეს საბუთებიც. კომისრის ნეშტი რაიონის ცენტრალურ პარკში დაკრძალეს ზეიმით.

ამ ამბის შემდეგ ორი თვე გავიდა. რაიონის კულტურის სახლში გაასამართლეს მოღალატე და გამცემი თედორე ლომოვი, რომელიც თურმე ციმბირის რომელიღაც მიყრუებულ სადგურში დაეპატიმრებინათ.



თუ ფოტოსაჭმა კაინტერესები



რედაქციაში ხშირად მოგვდის წერილები თხოვნით, შემოვიღოთ ნორჩ ფოტომოყვარულთა კუთხე ან განყოფილება, რომლის მასალები დაეხმარება ფოტოგრაფიით დაინტერესებულთ. ვითვალისწინებთ ჩვენი მრავალრიცხოვანი მკითხველების სურვილს, ხელი მოჰკიდონ ფოტოსაჭმეს, და გთავაზობთ ცნობებსა და რჩევებს დამწყებთათვის.


ფოტოგრაფიის აღმოჩენა სამ სახელთან არის დაკავშირებული. ესენი არიან ფრანგი გამოგონებელი ჟოზეფ ნიეფსი, ფრანგი ფერმწერი, დეკორატიული ლუი დაგერი და ინგლისელი მეცნიერი უილიამ ტალბოტი. ფოტოგრაფიის პირველადმოჩენის სახელი მათგან დაგერს ერგო.

1839 წლის აგვისტოში პარიზის მეცნიერებათა აკადემიამ სცნო მის მიერ თავის კომპანიონ ჟოზეფ ნიეფსთან ერთად აღმოჩენილი ვერცხლის პოლირებულ ფირფიტაზე სინათლის გამოსახულების დამაგრების (ფიქსაჟის, ფიქსირების) ხერხი. მაშინ ნიეფსი ცოცხალი აღარ იყო და დაგერმა აღმოჩენას თავისი სახელი — დაგეროტიპია უწოდა. ასე რომ, ფოტოგრაფიის დაბადების დღედ 1839 წლის 19 აგვისტო ითვლება. თითქმის იმავდროულად განაცხადა თავისი აღმოჩენის შესახებ ინგლისის სამეფო საზოგადოებაში ტალბოტმაც. ტალბოტი გამოსახულებას იღებდა არა ქიმიური საშუალებით სინათლის სხივების მიმართ მგრძობიარობა (შექმნილ ლითონის ფირფიტაზე, არამედ სინათლისაღმი მგრძობიარე ხსნარით გაფლენილ ქაღალდზე. ქაღალდის ფირფიტა მუდგუნდებოდა და ამ ქაღალდის ნეგატივიდან ასევე ქაღალდზე იბეჭდებოდა პოზიტიური გამოსახულება. დაგეროტიპიაში

კი გამოსახულება უშუალოდ ვერცხლისავე ფირფიტაზე მაგრდებოდა. გამოდიოდა პოზიტიური გამოსახულება, რომლის გამრავლება შეუძლებელი იყო. შეიძლებოდა დაგეროტიპის მხოლოდ ერთი ეგზემპლარის მიღება, ამასთან გამოსახულება მასში, როგორც სარკეში, შებრუნებული იყო. და მაინც ნიეფს-დაგერის ხერხი უფრო ხელმისაწვდომი გამოდგა, იგი სწრაფად გავრცელდა და თითქმის 15 წელიწადს ფოტოგრაფირების ერთადერთ ხერხად რჩებოდა. მაგრამ აი, 1851 წელს გამოიცადა მინისა და არა ლითონის ფირფიტებზე სველკოლოიდური ფოტოგრაფირების ხერხი, რომელმაც აშკარად დაჯაბნა დაგეროტიპია. ამ ხერხით სურათები სინათლისაღმი მგრძობიარე ქაღალდზე იბეჭდებოდა. სწორედ აქედან იღებს უშუალოდ სათავეს თანამედროვე ფოტოგრაფია. ფირფიტას უკველ ჰერზე უშუალოდ გადაღების წინ ამზადებდნენ, ასხამდნენ თხევად კოლოიდს, დააცილდნენ შესქელებას, შემდეგ კოლოიდს სინათლისაღმი მგრძობიარე თხევადი შედგენილობის ფენით ფარავდნენ და სწორედ ამგვარ სველ ფირფიტებზე იღებდნენ ფოტოს. ნეგატივის შესაბამის ხსნარებში ამუდვენდნენ და ჰფიქსირებდნენ. ფოტოქაღალდზე იბეჭდებოდა ნებისმიერი რაოდენობის სურათები და ეს დღის, მზის სინათლეზე ხდებოდა. ხმარებაში შემოვიდა გამაღიდელები და ახლა შეიძლებოდა ნებისმიერი ზომის სურათების ბეჭედა.

1871 წელს ახალგაზრდა ინგლისელმა ექიმმა რიჩარდ მელიოქსმა გამოაქვეყნა ცნობა, რომ აღმოაჩინა მზრალ, სინათლისაღმი მგრძობიარე ბრომეულატიონის ფენაზე ფოტოგრაფირების ხერხი. პირივალ, ფოტოგრაფია განვითარე-

ბის ახალ სტადიაში შევიდა. ფირფიტებს ახლა ფაბრიკული წესით ამზადებდნენ, გაიოლდა გადაღების ტექნიკაც, ფოტოგრაფს საშუალება მიეცა, მეტი უსრადლება დაეთმო საქმის მხატვრული მხარისათვის.



ა) წინა ხედი; 1 — კორპუსი; 2 — ფოტონაწილების დამაგრებელი; 3 — ხელდამჭერი; 4 — ფირსახვევი სახელური; 5 — ხელდამჭერის ობიექტივი; 6 — გადაღების ობიექტივი; 7 — საკეტის ჩამოსახვევი კლავიში; ბ) უკანა ხედი; 8 — კადრების აღმრიცხველის

ულ დამუშავებასა და ფოტოგრაფიის ბეჭედას.

რალა თქმა უნდა, ფოტოგადაღებით უნდა დავიწყოთ. ფოტოგადაღება ფოტოაპარატის მეშვეობით ხდება. ფოტოაპარატის კონსტრუქციის საფუძველი კორპუსი გახლავთ, რომლის შიდა ტიხრები მის შუა ნაწილში უშუალოდ წვევად კამერას ქმნიან. კამერის ორივე მხარეს განლაგებულია კასეტების ანუ ფოტოფირიანი კოქების ბუდეები. უკანა კე-

ველის საკემლი; 9 — საკეტის ამწევი ჩახმახი; 10 — მიმღები კოქი; 11 — კბილანალიფაკი; 12 — უშუალოდ წვევადი კამერა; 13 — კასეტის ბუდე; 14 — კასეტის კოქის საამართი; 15 — ხელდამჭერის ოკულარი.

ფოტოგრაფიის, როგორც ხელოვნების განვითარება უშუალოდ არის დამოკიდებული მის ტექნიკურ შესაძლებლობებზე. ის, რასაც რთული გზებით აღწევდნენ წინა თაობის ენთუზიასტი ფოტოგრაფები, დროთა განმავლობაში ფიზიკის, ქიმიისა და მექანიკის მიღწევების წყალობით ხელმისაწვდომი გახდა ყველა დამწყები ფოტომოყვარულისთვის.

გასული საუკუნის დამდეგს გაჩნდა პორტატული აპარატები, ხმარებაში შემოვიდა სრულყოფილი ობიექტივები, დაიწყო ძიებები ფოტოგრაფიის, როგორც ხელოვნების დარგის, სფეროში. დღეს ფოტოგრაფიას მასობრივი ინფორმაციისა და სინამდვილის ასახვის საშუალებათა შორის ერთ-ერთი პირველი ადგილი უჭირავს.

ფოტოგრაფიული გამოსახულების მიღების პროცესი მოიცავს ფოტოგადაღებას, სინათლისაღმი მგრძობიარე მასალის ქიმიურ-ფოტოგრაფი-

დელს ჩარჩოს სახე აქვს და მას კადრების ჩარჩო ჰქვია. გართა მხრიდან ამ ჩარჩოს ეკვრის ფოტოფირის გამსწორებელი ფირფიტა. კორპუსის ზედა ფარზე მოთავსებულია საკეტის შესამართი და ფოტოფირის კადრობრივი გადაცვლების ბერკეტი (ჩახმახი), ფოტოფირის უკან გადასახვევი სახელური, კადრების აღმრიცხველის საკემლი, დაყოვნების დასაყენებელი თავი. ფოტოაპარატის კადრების ჩარჩო განსაზღვრავს ფირზე გამოსახულების ველის ზომებს — კადრის ფორმატს. კადრის ფორმატის მიხედვით ფოტოაპარატები იყოფა მინიფორმატიან (ფირის სიგანე 16 მმ, კადრის ზომა 18X17 მმ), ნახევარფორმატიან (ფირის სიგანე 25 მმ., კადრის ზომა 18X24 მმ.), მცირეფორმატიან (იგივე ფირი, კადრის ზომა 24X36 მმ.), საშუალოფორმატიან (ფირის სიგანე 31,5 მმ, კადრის ზომა 4,5X6, 6X9 სმ.) აპარატებად.



ფალტის ჰოკეისტებს“ ემანდნენ. ცხადია, ჩვენს ბიჭებს გამარჯვების პრეტენზია არც ჰქონიათ. ამის შესახებ გამგზავრების წინ პირდაპირ განუცხადა კორესპონდენტებს გუნდის უფროსმა მწვრთნელმა ომარ ღონაძემ: ხარკოვში ძირითადად გამოცდილების მისაღებად მივემგზავრებითო. ასეც მოხდა — ქართველი ჰოკეისტები მატრიდან მატჩამდე აუმჯობესებდნენ თამაშს, სულ უფრო მყარად იღვნენ ყინულზე, ბევრად უკეთ ხმარობდნენ ჰოკეის ჯოხს, მეტი ორგანიზებულობით იბრძოდნენ დაცვაშიც და თავდასხმაშიც.

— ხარკოვის „იუბილენის“ სპორტის სასახლეში მე ქართველ ჰოკეისტთა თითქმის ყველა შეხვედრას დავესწარი, ხოლო ერთს, ლენინგრადის „აეროფლოტთან“, ვუმსაჯე კი-



„დიდი ყინულის დღეები“

ჯერ მეტსახელებს გაეცანით: „ჰაჯიმე“, „ჰუპინა“, „სოსისა“, „კუკარაჩა“ და, თქვენ წარმოიდგინეთ, „ძმები კარამაზოვები“ — ესენი ძმები ბარსონიძეები და ბზიშვილები არიან...

არდადეგების დღეები იღვა. თბილის-ხარკოვის მატარებელში ყველაზე მხიარული, რა თქმა უნდა, მესამე ვაგონი იყო. 17 ბიჭი — თბილისის ბ. ძნელაძის სახელობის პიონერთა და მოსწავლეთა რესპუბლიკური სასახლის ნორჩ ჰოკეისტთა გუნდ „მზიურის“ წევრები — საკ. ალკეცენტრალური კომიტეტის კლუბ „ოქროს შაიბის“ ფინალურ ტურნირზე მიემგზავრებოდა ხარკოვს. მხიარული ვაგონის ცხოვრება დილის ვარჯიშით იწყებოდა — ნორჩები იქვე, გრძელ დერეფანში ვარჯიშობდნენ, თანაც ისე ენერგიულად, რომ სხვა მგზავრებიც აიყოლიეს.

...სახელდახელო საუზმის შემდეგ დელეგაციის ხელმძღვანელის — პიონერთა სასახლის ფიზკულტურისა და სპორტის განყოფილების გამგის სოსო მიქაძის თაოსნობით გამოცხადდა კონკურსი — „ყველაზე ლამაზი კუპე“. უნდა გენახათ, როგორ გაიხარეს ვალერი ლობჯანიძემ, ალექო ენუქიძემ და დათო ლილუაშვილმა, როცა მათ დროებით „ბინას“ — მეორე კუპეს პირველობა მიაკუთვნეს! კონკურსს სპორტული შეჯიბ-

რებებიც მოჰყვა. მიზიდვაში გიორგი გოგოსაშვილმა და დათო ჯიმშელიშვილმა გაიმარჯვეს, ყველაზე უმცროსი გია ხერკელაძე მესამე ადგილზე გავიდა; ჩოგბურთის ბურთი ყველაზე ზუსტად დერეფნის თავიდან ბოლოში ბადრი ბარსონიძემ ტყორცნა; მოუსვენარმა დათო ჯიმშელიშვილმა, „კუკარაჩას“ რომ ეძახიან სიყვარულით მეგობრები, შეთავსებით მეღუმელოება იკისრა და „ცეცხლფარეშის“ ახალი მეტსახელიც დაიმსახურა. დათოს სრული ანტიპოდი ალექო მიქაძე — დიხჯი, წყნარი „სიხმარა“, კომპასით, დურბინით, ელექტროფარნითა და საგზაო რუკებით შეიარაღებული ბიჭუნა, ბევრი რამით ყოველ ვერნის ჟაკ პაგანელს — მრავალ „საერთაშორისო გეოგრაფიულ ასოციაციათა წევრს“ რომ მოგაგონებდათ.

...უნდა გენახათ, რარიგ გაბრწყინებული თვალებით უყურებდნენ და რა შეძახილებით ხვდებოდნენ მატარებლის ფანჯარაში აქა-იქ მოულოდნელად გამოჩენილ ტბორებს ჩვენი ბიჭები — „ნეტავი ჩვენთანაც იყოს ასეთი ყინულიო!“

დაიხ, ხარკოვის ტურნირზე ჩვენი გუნდი ერთადერთი იყო, რომელსაც საკუთარი სავარჯიშო ყინულის მოედანი არ გააჩნია. სიტყვამ მოიტანა და გეტყვით, რომ ტურნირზე თბილისის „მზიურს“ ხუმრობით „ას-

დეც, — მითხრა ტურნირის მთავარმა მსაჯმა, საერთაშორისო კატეგორიის არბიტრმა, მოსკოველმა ანდრეი ზახაროვმა. — პირდაპირ გეტყვით, პირველ და უკანასკნელ შეხვედრაში „მზიური“ აბსოლუტურად სხვადასხვა გუნდი იყო. თუ პირველ მატჩში (არხანგელსკის „ფაკელთან“) იგი მეტოქემ, რომ იტყვიან, ყველა კომპონენტში დაჯახბა, ბოლო შეხვედრაში (ყაზახეთის „სნეჟნიკასთან“) ინიციატივას უკვე მთლიანად ქართველი ჰოკეისტები ფლობდნენ. ამიტომაც იყო, რომ მათ მაყურებელთა და სპეციალისტთა დიდი სიმპათიები დაიმსახურეს და ბევრი მოწვევაც მიიღეს საშემოდგომო თუ ზამთრის არდადეგებზე ლენინგრადის, რივის, ჩელიაბინსკის, უფის თუ იჟევსკის ტურნირებში მონაწილეობისათვის.

— ასეთი მონდომებული, ცეცხლოვანი, თავდადებული თამაში, დაცვაშიც და თავდასხმაშიც, ფინალურ მატჩშიც კი არ ყოფილა, — აღნიშნა სამგზის ოლიმპიურმა ჩემპიონმა, მსოფლიოსა და ევროპის ჩემპიონმა, სპორტის დამსახურებულმა ოსტატმა ვიტალი დავიდოვმა. — ვერც კი იფიქრებდი, რომ ყინულზე ასაღებდა ჰოკეისტები იყვნენ. მეორე პერიოდში „მზიურმა“ ლამაზი კომბინაცია წამოიწყო — ზურაბ ჭავთარაძემ ზუსტად გადასცა შაიბა გიორგი გოგო-



თუ ქარი არ ქრის,
 ცვარი არ ბრწყინავს,
 თაუხ არ დამცქერის
 მთვარე ნამვალა,
 თუ ვარდის სურნელს
 არ ვეზიარე,
 მამულზე ფიქრმა
 თუ არ დამღალა,
 რაა ცხოვრება,
 თუ არ ვუმღერე
 მიწას, გაელენთილს
 ვარდების სუნთქვით,
 ჩემო მამულო,
 ბედნიერი ვარ,
 შენს სიცოცხლეზე
 სიმღერა თუ ვთქვი!

საშვილს, რომელმაც ორი მეტრევე მოიტოვა უკან და მოულოდნელად პასი ალექო ენუქიძეს მიაწოდა, ალექომაც არ დააყოვნა, შეუჩერებლად გაგზავნა შაიბა კარის მარცხენა კუთხეში და, თუმცა მინიმალური ანგარიშით, მაგრამ სავსებით დამსახურებული გამარჯვება მოუტანა თბილისელებს. თქვენმა გუნდმა, რომ იტყვიან, საბოლოოდ იპოვა „თავისი თამაში“. ასე რომ ეთამაშა „მზიურს“ მთელი ტურნირი, ალბათ, პირველ რვა გუნდს შორის მოიპოვებდა ადვილს. ვსარგებლობ შემთხვე-

ბახუტაშვილი — უკვე ცსკა-ს მოზრდილთა გუნდში თამაშობს) ნამდვილად არიან ამის ღირსნი. ...ხარკოვის ყინულზე გამართული ერთკვირიანი ბრძოლები უკან დარჩა. დიდი გამოცდილებით, მდიდარი შთაბეჭდილებებით დაბრუნდნენ თბილისში ნორჩი ქართველი ჰოკეისტები. ისინი გაეცნენ ამ ძველისძველი ქალაქის ღირსშესანიშნაობებს, დაესწრნენ თეატრალურ სპექტაკლებს, იყვნენ მუზეუმში, ცირკში, ზოოპარკში, სტადიონზე. ასე რომ, „ყველაზე პროგრესირებადი“ გუნ-



შაიბის ნორჩი რაინდები სპორტული ბროლის ასპარაჟზე.

ვით და გეტყვით, რომ პირადად მე სიამოვნებით ვაფუზიარებდი მზიურელებს ჰოკეის საიდუმლოებებს, დავენმარებოდი თქვენს მწვრთნელებს — ომარ დონაძესა და ნიკოლაი კოსტრიუკოვს სასწავლო-საწვრთნელი მუშაობის უკეთ წარმართვაში. — მტკიცედ მჯერა, რომ ჰოკეის დღესასწაული ქართულ მიწაზეც დადგება, — მიმართა ჩვენს გუნდს „ოქროს შაიბის“ კლუბის პრეზიდენტმა, სპორტის დამსახურებულმა ოსტატმა, სსრ კავშირის დამსახურებულმა მწვრთნელმა ანატოლი ტარასოვმა. — თქვენი გუნდი დაოუკებელი ტემპერამენტით, სისწრაფით, საზრიანობით, თავდადებით გამოირჩევა. საოცარია, როგორ მოახერხა „მზიურმა“, რომელმაც ყინულზე ფაქტიურად ხუთი ვარჯიში ჩაატარა, ასეთი საპატიო გამოსვლა ფინალურ ტურნირზე! მიხნდა ვიფიქრო, რომ საქართველოში, ამ მზიან რესპუბლიკაში, ბოლოს და ბოლოს ყინულის მოედანსაც ააგებენ. მერწმუნეთ, თქვენი ნიჭიერი ნორჩი ჰოკეისტები (რომელთაგან ერთი — მეკარე კოტე

დის პრიზთან, „გუნდის საუკეთესო მოთამაშის პრიზთან“ (იგი ლევან ბზიშვილს მიეკუთვნა) და უდმურტეთის ჰოკეისტთა საგანგებოდ მორთმეულ „მაღალი ნებელობის“ ჯილდოსთან (იგი ალექო ენუქიძეს გადასცეს) ერთად ჩვენმა ბიჭებმა თბილისში ჩამოიტანეს ხანგრძლივად სამყოფი სიხარული, ახალშეძენილი მეგობრების გულის სითბო და, რაც მთავარია, საკუთარ ძალთა რწმენა.

ოთარ ნოზაძე
 ფოტო თ. ნიკოლაიშვილისა



მაზიჩი მოგზაულობა. ახლა ინტერვიუსთვისაც შეიძლება მოიცალო.



განყოფილებას
ხელმძღვანელობს
შოთა ინჟინერაძე

ნორჩ

მოკვადრებათა

შემოქმედება

დაახლოებით 20 წელია, რაც საბჭოთა კავშირისა და საზღვარგარეთის ზოგიერთ საბავშვო ბაღში 5-6 წლის ბავშვებს ჰადრაკის თამაშს ასწავლიან (ჰადრაკი როგორც საგანი, შეტანილია, აგრეთვე, ზოგიერთი საშუალო სკოლის სასწავლო პროგრამაში). ამის თაობაზე დროდადრო პრესაში ქვეყნდება ინფორმაცია და მწვრთნელთა წერილები — 5-6 წლის ბავშვებს ჰადრაკის თამაშის ათვისება შესძლებიათ.

დიდია ჰადრაკის აღმზრდელობითი მნიშვნელობა ბავშვებისათვის — ყურადღებანობის, შეუპოვრობის, ლოგიკური, აბსტრაქტული და დამოუკიდებელი აზროვნების, შემოქმედებითი საწყისისა და სხვა თვისებათა განვითარებაში.

სკოლამდელებისათვის ჰადრაკის თამაშის სწავლების პრიორიტეტი თბილისს ეუთვ-

ნის. ჯერ კიდევ 1956 წელს № 1 საბავშვო ბაღში საზოგადოებრივ საწყისებზე დავიწყე 5-6 წლის ბავშვებთან მეცადინეობა, რომლის ძირითადი მიზანი იყო ქართული ჰადრაკისათვის ნიჭიერი ბავშვების შერჩევა (მაშინ ამ წამოწყებამ რესპუბლიკის პრესაში ცხარე დისკუსია გამოიწვია. 1957 წელს გაზეთ „ლელოში“ ამ საკითხზე გამოქვეყნე ვრცელი სტატია „ჰადრაკი და სკოლამდელეები“).

გაცაცნობთ ჩემი აზრდღობის რამდენიმე პარტაას. ვფიქრობ, მათი ყურადღებით შესწავლა არა მარტო თქვენ მოგიტანთ საარგებლობას.

ირატალი ბუბუნაპა (6 წლის. მეცადინეობის სტაჟი — 7 თვე) — ძაპტარაძე. 1957 წელი, მარტი. მეხუთე თანრიგის მოსაპოვებელი ტურნირი. ჩრდილოეთის გაზბიტი: 1. e4 e5 2. d4 ed 3. c8 d5 4. ed c8 5. მფ8 dc 6. კდ8 (ნორჩა მოჰადრაკე პოზიციის სტილში თამაშობს). ლხ6 7. მ:ც8 მფ6 8. 0-0 მ:ძ5 9. მ:ძ5 cd 10. ეე1 კე7 11. კენ5 მ6 12. კე8 ლც6 13. ეც1 ლდ7 14. კც5! მც6 15. კხ5! 0-0 16. კ:ც6 ხც 17. კ:ე7 ეე8 18. კც5 კა6 19. ე:ე8 ე:ე8 20. ლა4 კხ5 21. ლა5 ლე6 22. კ:ა7 გწ 23. ეე1 ლც8 24. ე:ე8 ლ:ე8 25. ლე1 ლდ7 26. კც5 გწ 27. მძ4 კა6 28. ლე7 ლც8 29. მე6 ლ:ე6 30. ლფ8X!

ბუბუნაპა-საბატაშვილი. 1957 წელი, მაისი. სკანდინავიური დაცვა: 1. e4 d5 2. ed ლ:ძ5 3. მც8 ლე6 4. კე2 ლც6 (შავები, ლაზიერთი უმნიშვნელო მუქარების შესაქმნელად, ტემპს კარგავენ. თანაც,

ძირფახის ფიგურისათვის ბრძოლაში ნაადრევი ჩაბმა სახიფათოა) 5. მფ8 (ნორჩი მოჰადრაკე ჩქარი განვითარებისათვის პაიკს სწირავს!) 5... კწ6 6. მფ4 ლწ6 7. მძ5 ლც6 8. კხ5! კ:ც2 9. ლ:ც2! სააკაშვილი დაწებდა.

ირაკლი გუგუნავა, უშანგა გელღააშვილი, რეზო ეგაპე (ამჟამად — ცნობილი ხელოვნებათმცოდნე), ლაშა თაბუკაშვილი (ამჟამად — ცნობილი დრამატურგი) და კიდევ ზოგიერთი საბავშვობაღელი შემდგომში, მათგან დამოუკიდებელ მიზეზთა გამო, ჰადრაკს ვეღარ გააყვენენ.


ასევე საინტერესო და სასწავლოა საერთაშორისო ოსტატის, მსოფლიოს ჩემპიონ გარი კასპაროვის მწვრთნელის, ზურაბ აზმაიფარაშვილის ბავშვობის წლების შემოქმედება.

აზმაიფარაშვილი (ღებდა 1960 წლის 16 მარტს. მეცადინეობის სტაჟი — 10 თვე) — აშანატაშვილი. 1965 წელი, ივღისი. მეხუთე თანრიგის მოსაპოვებელი ტურნირი (ამ დროისთვის იგი უკვე იწერდა სვღებს). შოტღანღიური გაზბიტი: 1. e4 e5 2. d4 ed 3. მფ8 მც6 4. კა4 მფ6 5. 0-0 კე7 6. ეე1 ხ5. 7. კხ8 ძ6 8. ც8 0-0 9. ხ8 მა5 10. კე2 ც6 11. ძ4 ლც7 12. მბძ2 cd 13. cd ძ6? 14. მ:ე5 კც5 15. მძფ8 კა7 16. მფ4 კხ7 17. ხ4 მც4 18. მ:ძ4 dc 19. ე5! მძ7 20. ლხ5 გ6 21. ლხ6 კ:ძ4 22. მწ5! (მეფის ფრთაზე უპირატესობის კანონზომიერი, ბრწყინვალე დაგვირგვინება. თუ ახლა

რევის იღეა). შინააღმოსავლურ დაწებდა.

აზმაიფარაშვილი — ჯპარტაპა. 1966 წელი, ივღისი. მეოთხე თანრიგის მოსაპოვებელი ტურნირი. შოტღანღიური პარტაა: 1. e4 e5 2. მფ8 მც6 3. მც8 მფ6 4. ძ4 ed 5. მ:ძ4 კხ4 6. მ:აც6 bc 7. კძ3 ძ5 8. ed cd 9. 0-0 0-0 10. კენ5 ც6 11. ლწ6 კე7 12. ეე1 ეხ8 13. ეაბ1 ეხ6 14. მე2 ც5 15. ხ8 ც4 16. კწ6 გ6 17. კ:ც8 ლ:ც8 18. მფ4 ლდ7 ე:ე7! ჰვართავა დაწებდა თუნღაღე 19. ... ლ:ე7 20. მ:ძ5 ლძ6 21. მ:ხ6 გამო.

აზმაიფარაშვილი — ძოღმეტიანე. 1966 წელი, 18 ოქტომბერი. მეცამე თანრიგის მოსაპოვებელი ტურნირი. ესპანური პარტაა: 1. e4 e5 2. მფ8 მც6 3. კხ5 ა6 4. კა4 მფ6 5. 0-0 კე7 6. ეე1 ხ5. 7. კხ8 ძ6 8. ც8 0-0 9. ხ8 მა5 10. კე2 ც6 11. ძ4 ლც7 12. მბძ2 cd 13. cd ძ6? 14. მ:ე5 კც5 15. მძფ8 კა7 16. მფ4 კხ7 17. ხ4 მც4 18. მ:ძ4 dc 19. ე5! მძ7 20. ლხ5 გ6 21. ლხ6 კ:ძ4 22. მწ5!



(მეფის ფრთაზე უპირატესობის კანონზომიერი, ბრწყინვალე დაგვირგვინება. თუ ახლა



22. ... გწ, მაშინ 23. კ:ნ ეწ8 (ნებისმიერი სვლა) 24. კ:ნ7 მფ8 25. კგ8 მფ8 26. ლწ7 მფ8 27. ლ:წ7 X. ეს ვარიანტი 22-ე სვლის საფუძველია. ცოდნის შემოქმედებითად გამოყენების ნიმუშია). 22. ...კ:ნ 23. კ:წ7 24. ლგ7X.

მზია შუბინაძე (8 წლის, მესამეთანრიგოსანი, ამჟამად — ოსტატი) — აზმანიშტარაშვილი (მესამეთანრიგოსანი, 8 წლის), 1966 წელი, დეკემბერი. ნორჩ მოჭადრაკეთა კლუბი „ნაკადულის“ მცირე ჩემპიონატის ნახევარფინალი. ესპანური პარტია: 1. e4 e5 2. მწ8 მც8 8. კნ5 ა6 4. კა4 მწ5 5. 0-0 კე7 6. ეე1 ნ5 7. კნ3 დ6 8. ც8 0-0 9. ხ8 მა5 10. კა2 ც5 11. დ4 ლე7 12. მბდ2 ცდ 13. ცდ კბ7 14. მწ1 ეაე8 15. კდ8 დ5 (პანოვის კონტრ-შეტევა) 16. ედ ეა4 17. კ:ე4 მ:ეა4 18. ე:ე4 კ:დ5 19. ეე1 ლწ7 20. მე8 კე4 (20... კ:წ8 21. ლ:წ8 ლ:წ8 22. გწ მც6 23. მდ5 კწ4 24. ეე4 ედ8 ♣ შავების პოზიცია უკეთესია. უნაძიარო — შიშვი, 1951 წელი). 21. კდ2 მც4 22. მ:ც4 ე:ც4 23. ლე2 წ5 24. ხ8 ეც2 25. ეაე1 ე:ა2 26. ლე8 ეწ5 27. კა8 ხ4 28. კა1 ეგ6 29. მფხ2 ლდ5 30. ენ1 კდ6 31. მფხ1 კ:ბ1 32. ე:ბ1 ეე6 33. ლგ5 ე:წ2 34. ლდ8 მფ7 35. მგ5 მფგ8 36. ეე1 ლ:გ2!! თეთრები დანებდნენ.


თბილისი, 1969 წელი, მარტის არდადეგები. „თეთრი ეტლის“ საქართველოს ჩემპიონატი — პირველი საკავშირო ჩემპიონატის ბოლოსწინა საფეხური. ამ შეჯიბრებაში მეორეკლასელი ზურაბ აზმაიფარაშვილი საკავშირო სპორტკომიტეტის საგან-

გებო ნებართვით დაუშვეს. ივნისში მოსკოვში, „თეთრი ეტლის“ პირველი საკავშირო პირველობის ფინალში თავის დაფაზე საუკეთესო შედეგისათვის იგი დაჭილდოვდა სპეციალური პრიზით — ტელევიზორით. ხოლო „მურზილკაში“ (№ 10) დაიბეჭდა წერილი და ფოტოსურათი.

ბაბატაშვილი (გარდაბანი, მესამეთანრიგოსანი, 12 წლის) — აზმანიშტარაშვილი (მეორეთანრიგოსანი, 9 წლის). იტალიური პარტია: 1. e4 e5 2. მწ8 მც8 8. კა4 კნ5 4. 0-0? 1 მწ5 5. დ8 ხ6? 6. ხ8? 1 დ5. 7. ედ მ:დ5 8. კდ2 კე6 9. ც8 ლწ6 10. მა8 0-0-0 11. მც2 გწ1 12. ლე2 გქ 18. ხგ კ:გ4 14. კა8 ეიგ8! 15. მეე1 ეა4!! (მაღალკვალიფიციური მოჭადრაკის ხელწერა! ნორჩი მოჭადრაკე საოცრად გრძნობს ბრძოლის დინამიკას. იგი უღმობელი თანამიმდევრობით მიიწევს დასახული მიზნისკენ — დააშაშათოს თეთრი მეფე. შამათის გახადები კი წ8 პუნქტია და სწორედ მის დასაფლვებლად ან მასზე შეტევით მეფის პოზიციის გასაშეშვებლად მიმდინარეობს ამ მიზნისათვის საჭირო ფიგურების კოორდინაცია.

სწავლების უპირველესი დანიშნულება პოზიციის დინამიკისა და ფიგურათა კოორდინირებული, პარამონიული მოქმედების გრძნობის (დაიხ, გრძნობის, რადგან ჰეშმარიტი ცოდნა გრძნობაში გადაიზრდება) განვითარებაა და არა სადებიუტო ცნობარებითა და ენციკლოპედიებით ბავშვების დაგეშვა (თუმცა, ასეთ „მეთოდიაკაზე“ უველა მწვრთნელს

მიუწვდება ხელი!) 16. დე მც5! 17. მფხ1 ეგ5!!



(მშვენიერი ხანახაბაა! შავი ფიგურების კოორდინირება მაქსიმალურად გაიზარდა. თეთრების ნებისმიერ პასუხზე შავები ხ საზს დაეუფლებიან.

მაიქციეთ ყურადღება, როგორ ღვთის ანაბარადა მიტოვებული შავების „უსარგებლო ფიგურები“ — ცნ კუ და ძნ მხედარი. ცნ კუ, უკვე ოთხი სვლაა, რაც მუქარის ქვეშ დგას და ასე დარჩება ბოლომდე, კიდევ ექვსი სვლის განმავლობაში! მეტად ღირებული გახდა დრო! ტემპი!).

აზმაიფარაშვილი უკვე მეორამდენედ ნათელყოფს საგნის ცოდნასა და ნიჭს!

18. კ:ნ ეწ8 19. მფგ1 მ:წ3 20. მ:წ8 კ:წ8 21. ლწ5 (თუ 21. ლ: წ8, მაშინ 21... ლ:წ8 22. გწ ეგ8, შამათით) 21. ... ეწ:დწ! (დროის, ტემპის მოსაგებად მსხვერპლის გაღება გრძელდება!) 22. ედ ლგ8 23. გწ ლწ5 და თეთრები დანებდნენ.

მასალის გაცნობისას ყურადღება მაიქციეთ: 1) სადებიუტო რეპერტუარის ევოლუციას; 2) პოზიციის გაგებას, რაც შეუდევნდება პოზიციის შესატყვის სტრატეგიულ ქარგაშა (და რომელიც მეტ-ნაკლებად

დებიუტისა და ვარიანტის არსის ცოდნიდან მოედინება); 3) კარგად განვითარებულ ტაქტიკურ ხედვას; 4) ვარიანტების გათვლას და 5) საშემსრულებლო ტაქტიკას, რომლის გარეშე ყოველგვარი ჩანაფიქრი განუხორციელებელი დარჩებოდა.

ექვსი წლის ზურაბ აზმაიფარაშვილის მიერ რთული დებიუტების, კერძოდ — ესპანური პარტიის (და პრობლემური ვარიანტების) თამაში განაპირობა სწავლებისადმი შემოქმედებითმა, თამაშმა დამოკიდებულებამ, კონკრეტული პიროვნების — ზ. აზმაიფარაშვილის ინდივიდუალობამ; მის მიერ მასალის ათვისების, შექმნილი ცოდნის შემოქმედებითად გამოყენების უნარმა.

**კუიბიშვილი
შუნდარკინდი**

კუიბიშვილი ცხოვრობს ნორჩი მოჭადრაკე ლენა დეშო (რომლის დედა ნადეჟდა ფოკინა სპორტის ოსტატია ჰადრაკში. ლენა დაიბადა 1983 წლის 8 დეკემბერს). პარტია, რომელსაც გადავაზობთ, გათამაშდა შარშან IV თანრიგის მოსაოვეებელ ტურნირში.

დამბა (8 წლისა და 9 თვის) — 03ან030. 1. e4 h5 2. დ4 ხ5 8. კნ5 ა6 4. კა4 წ6 5. კ:გ8 ე:გ8 6. მწ8 დ6 7. 0-0 ეწ8 8. მც8 კბ7 9. კა4 მც8 10. ე5 ეე 11. დე დე 12. კე3 ე6 18. ლ:დ8 ე:დ8 14. მგ5 ედ1? 15. ეწ:დ1 ა5 16. ხ8 ა4 17. მ:ა4 მა5 18. ეე1 კა6 19. ა8 ც6 20. მე4 გ6 21. კა7 ხ4 22. გ4 ეწ6 23. მწ6 მფდ8 24. ეად1 მფც8 25. მწ6 მფც7 26. ედ7 X.



მზაშვილი
ლიმია



მზია შუბინაძე




ბას (სვეალის ქულზე მეთი დიამეტრით), პრობლემა აღარ წარმოიშობა.

● თუ ფანჯრის ან აივნის წინაფრაზე მოკაყუნე წვიმის წვეთების ხმა გაღიზიანებს, წინაფრის გაყოლებით ბგერის მშთანთქავი მასალა, მაგალითად, მუყაოს ზოლი დაამაგრე. ამ დროს შეგიძლია სუკანცელარიო სამაგრების გამოყენება.


● ვიდრე ბურბუშელღოვანი ფილის ტორსში სვეალს ჩახრახნიდე, გაბურღე სვეალის დიამეტრის ნახევარზე ოდნავ მეთი სიგანის ხვრელი. ხვრელი „სუპერციმენტის“ ან „მომენტის“ ტიპის წებოთი (არა ეპოქსიდურით) ამოავსე და ერთი დღე-ღამის შემდეგ შიგ ჩახრახნე სვეალი. კიდევ ერთი დღე-ღამე აცადე და მერა შეგიძლია ფილის გამოყენება დანიშნულებისამებრ.





● მტვერსასრუტი, აღბათ, თქვენცა გაქვთ ოჯახში. თუ მას ჭაგრისი გაუცვლა, მისი შეცვლა ჩვეულებრივი ტანსაცმლის ან ფეხსაცმლის ჭაგრისით (ოღონდ მაგარჭაგრიანით) შეგიძლია. ხვრელი ციბრუტით გაბურღე. ზედმეტი ჭაგარი კი შეაკრიჭე. შემეერთებელი მიღებული ძველ ჭაგრისს მოხსენი.



● ჩამოსხმული ლითონჩარჩოიანი ტაბურეტის ბუდეს, რომელშიაც ფეხი იხრახნება, ზოგჯერ ხრახნყუთხვილი უფუტდება. თუ შენს ტაბურეტსაც ასე დაემართა, აიდე ისეთივე კუთხვილიანი ქანჩი, ტორსი ისე გაუქლიბე, რომ შევრილები დაუტოვო (როგორც ნახაზზეა). ტაბურეტის ჩარჩოს ბუდეს წმინდა ქლიბით ქანჩის შევრილების შესაბამისი ორი განახერხი გაუკეთე და საჯლოში სიბრტყის ქვემო მხარეს შესაფერი ჩაღრმავება შეარჩიე. ამის შემდეგ ქანჩი ჩახვი, ფეხი ჩახრახნე და სკამიც მუჯდ იქნება.



● ფოტოსურათების მისაქენი ლიღვაკის სვეალს სწრაფად სტყდება ზოლზე ქულე და სვეალის ღეროს ამოძრობა ლიღვაკიდან მთელ პრობლემად იქცევა. თუ ლიღვაკს თავიდანვე გაუკეთებ ჩაღრმავე-



საპრობლემა

გაბედულად გადაწყვიტეთ თქვენი პრობლემები (წერილი) გარეკ. 2

ნ. ფაღვლიანი — ერთი მიზანი და საზრუნავი გვაქვს (ნარკვევი) 2

კ. ასალი — ლექსები 4

კ. კობერიძე — გალავანი (მოთხრობა) 5

მარატ კაზეი (წერილი) 11

კომკავშირი ახალ ცხოვრებას აშენებს (წერილი) 12

ნ. აფხაზავა — იზრდებიან მომავლის კონსტრუქტორები (ნარკვევი) 14

თ. გოგოლაძე — მეგობარი მეგობრისთვის (წერილი) 17

ვლ. ასლამაზიშვილი — გაკვეთილი გრძელდება (ნარკვევი) 19

აისი 21

ნ. ქადაგიძე — ნებიერა (მოთხრობა) 22

პ. მოჩალოვი — სამხილი (მოთხრობა) 24

თუ ფოტოსაქმე გაინტერესებთ (წერილი) 27

ო. ნოზაძე — დიდი ყინულის დღეები (ნარკვევი) 28

ე. ბაბლიაშვილი — თუ ქარი არ ჰქრის (ლექსი) 29

მხედრიონი 30

გამოგადგები 32

თამაშობები (წერილი) გარეკ. 3

კროსვორდი გარეკ. 3

თ. ქალაღანი — კლოდ მონე (წერილი) გარეკ. 4

ზარემანის 1-ელ გვირგვინზე „საქსაჩოები“ — ზ. დათუნაშვილის სლანიდი

მთავარი რედაქტორი ბაბულია შელია

სარედაქციო კოლეგია: ანა ალავერდიაშვილი, ნუბუარ აფხაზაძე (პ/მგ. მდივანი), ზურაბ გომცხავა, მანანა ბელაშვილი, ანთანდილ ბურბანიძე, დოდო ვადაჭორია, იოსებ სამსონაძე, ბაიოზ ფომცხვილი (მხატვარი-რედაქტორი), ნოდარ შამანაძე, სიმონ შამფრინი, ლინანა შეფირაული, ზურაბ ბუმბუარია.

რედაქციის მისამართი: 880096, თბილისი, ლენინის ქ. № 14, ტეფოფონები: მთავარი რედაქტორის — 98-97-05, 98-81-81, პ. მგ. მდივნის — 98-97-08, 98-58-05, განყოფილებების — 98-97-02, 98-97-01. გადგეცა ასაწყობად 26.05.88 წ. ხელმოწერილია დასაბეჭდად 20.07.88 წ. ქალაღლის ფორმატი 60x90/8. ფიზიკური ნაბეჭდი ფურცელი, 4,9. სააღრიცხვო-საგამომცემლო თაბახი 4,4; შეკვ. 1428. ტირაჟი 154000. ეგზ., უე 09895.

საქართველოს კვ ცკ-ის გამომცემლობის სტამბა. 880096, თბილისი, ლენინის ქ. № 14.

თბილისში მცხოვრებ ავტორებს პასუხი წერილობით არ ეცნობებათ.

«Пионери», журнал ЦК ЛКСМ Грузии и Грузинского Республиканского Совета Всесоюзной пионерской организации имени В. И. Ленина для школьников. Выходит один раз в месяц на грузинском языке.

Главный редактор
ШЕЛИЯ БАБУЛЯ АКАКИЕВНА

Адрес редакции: 380096, г. Тбилиси, ул. Ленина, 14. Отпечатано в типографии издательства ЦК КП Грузии, 380096, г. Тбилиси, ул. Ленина, 14. Издательство ЦК КП Грузии, 380096, г. Тбилиси, ул. Ленина, 14. Формат 60x90/8, учетно-изд. л. 4,4; усл. печ. л. 4,9. Тираж 154000 экз. Цена 20 коп.

სწრაფად გადაეხი

თამაშისთვის საჭიროა რაიმე საგანი: ბურთი, კუბიკი, კეგლი. მოთამაშეები ერთ რიგად დგებიან. თავში მდგომს ხელში უკირავს, ვთქვათ, ბურთი. თამაშის წამყვანი მოთამაშეებისაკენ ზურგით გაჩერდება და თამაშის დაწყების ნიშანს იძლევა. რიგში მდგომნი ერთმანეთს ხელიდან ხელში გადასცემენ ბურთს ჭერ ერთი, შემდეგ მეორე მიმართულებით.

წამყვანი ერთბაშად შემობრუნდება — ვისაც ამ მომენტში ბურთი ხელში აქვს, ის თამაშიდან ვარდება. იგებს ის, ვინც ბოლოს დარჩება.

შესაძლოა ისეც მოხდეს, რომ როცა წამყვანი შემობრუნდება, ბურთი ერთდროულად ორ მოთამაშეს ეკიროს. მაშინ ორივე მოთამაშე გამოდის მწყრივიდან, ბურთს მიწაზე დადებენ, ერთმანეთისაკენ ზურგით დგებიან და წამყვანის ნიშანზე შემოუბრუნდნენ მწყრივს, ამასთან თითოეული მათგანი ცდილობს მოასწროს და ბურთი აიტაცოს. რომელიც მოასწრებს, თამაშს ის განაგრძობს, დაგვიანებული კი გადის.



ფოსტა

მოთამაშეები წრეში დგებიან ერთმანეთისაგან გაშლილი ხელის სიშორეზე. წრის შუაგულში დგას წამყვანი — ფოსტალიონი. თითოეული მოთამაშე რომელიმე ქალაქს ასახელებს, თამაშის წამყვანმა კი უნდა დაიმახსოვროს დასახელებული ქალაქები.

თამაში იწყება წამყვანი აცხადებს, მაგალითად: „ფოსტა მიდის მოსკოვიდან ლენინგრადში“. იმ მოთამაშეებმა, რომელთა ქალაქებიც დასახელებს, სასწრაფოდ უნდა შეუცვალონ ერთმანეთს ადგილები. ამ დროს ფოსტალიონი ცდილობს, დაიკავოს ერთ-ერთი გათავისუფლებული ადგილი. თუ მოასწრებს, ფოსტალიონობა უადგილოდ დარჩენილ მოთამაშეს ეკისრება.

ბელურები და ყვავილები

მოთამაშეები ორ გუნდად იყოფიან. დაახლოებით 10-15 მეტრის დაშორებით ავლებენ ორ ხაზს. თამაშის წამყვანი ამ ორ ხაზს შუა დგება. გუნდები წამყვანის წინ, ერთმანეთისაგან ზუგრუქცევით მოეწყობიან. ერთი გუნდი „ბელურები“, მეორე — „ყვავილები“. წამყვანი ასახელებს ერთ-ერთ გუნდს: „ყვავილები!“ ამ გუნდის მოთამაშეები თავიანთი ხაზისაკენ გარბიან. „ბელურების“ გუნდის მოთამაშეები დაედევნებიან მათ და ცდილობენ ჩაჭრან, ვიდრე ისინი თავიანთ ხაზს — „ბელუს“ მიაღწევდნენ. ჩაჭრილ მოთამაშეებს ითვისებენ. გამარჯვებული გუნდი რამდენიმე ტურში ვლინდება.

თამაში რომ უფრო საინტერესო და ცოცხალი გამოვიდეს, წამყვანმა ჭერ რიგრიგობით უნდა გამოიძახოს გუნდები, შემდეგ კი ზედიზედ, რომ მოთამაშეები წინასწარ არ მიხვდნენ, რისი გაკეთება მოუხდებათ — გაქცევა თუ დაწევა.




ხალაბი!

მოთამაშეები წრეში დგებიან. თამაშის წამყვანი წრეში დადის. უცებ რომელიმე მოთამაშის წინ ჩერდება და შესძახებს: „ხელეები!“ მოთამაშე, რომელსაც ეს უთხრა, მშვიდად უნდა იდგეს, ხელეები კი მის მარცხნივ და მარჯვნივ მდგომმა მოთამაშეებმა უნდა ასწიონ, ამასთან მარჯვენა — იმან, რომელიც მის მარცხნივ დგას, მარცხენა — იმან, რომელიც მარჯვნივ დგას; უთუოდ რომელიმე შეცდება, ან შუაში მდგომი (მოულოდნელობისაგან), ანდა ხელეებს აურევინ მის გვერდით მდგომები. ვინც შეცდება, თამაშს ის წაიყვანს.



კ რ ი ს კ ო რ ი



თარაზულად: 1. დროის დიდი მონაკვეთი, რომელიც ხასიათდება მნიშვნელოვანი მოვლენებით; 3. საქართველოს რაიონული ცენტრი; 6. საფოსტო გზავნილი; 8. გარკვეული კლასის იდეათა, შეხედულებათა სისტემა; 18. რისაზე აზრის ახსნა, განმარტება; 17. ცალკეული პიროვნების, სახელმწიფოს და ა. შ. უფლებების შეზღუდვა; 19. მკვეთრად გამოხატული სხვაობა, დაპირისპირებულობა; 21. სხვაობა ბარომეტრის ან თერმომეტრის ორ სიმაღლეს შორის; 22. კურკოვანი მცენარე; 23. ცხვრის ნაშიერი ექვს თვემდე ასაკისა.

შემუშლად: 1. ომისდროინდელი მსუბუქი ავტომანქანა; 2. მაღალ მთებში მცხოვრები დიდი მტაცებელი ფრინველი; 4. დიდი თევზი, ზუთხისებრთა ოჯახისა; 5. აზიის ქვეყანა; 7. ცხვრის გამოსაზამთრებელი საძოვარი ჩრდ. კავკასიაში; 9. ყვითელყვავილებიანი ბუჩქი, შხამიანი მათრობელა მცენარე; 10. პირი, რომელიც ნადირობს აკრძალულ ადგილებში, აკრძალულ დროს, აკრძალული ნერხებით; 11. ეფექტური საცირკო ნომერი; 12. ადამიანის ან ცხოველის ყელსწვევითა ნაწილი; 14. დიდი ზომის თიხის ჭურჭელი; 15. გაღვივებული, გამხმარი დაღერდილი მარცვლეული; 16. თანამოსაქმე ამხანაგი; 17. მსხვილი საქარისო შენაერთი; 18. ზაფხულობით საცხოვრებელი, დასასვენებელი ადგილი; 19. რბილი, ქედადი, მოვერცხლისფრო თეთრი ლითონი; 20. ინდონეზიის ერთ-ერთი უდიდესი კუნძული. შეადგინა ალ. გორბიშვილმა

პანსუნი № 6-ში მოთავსებული „სხრაქივალა“
 ღორი, მზე, ქუდი, ცოდნა, ნემსი და ძაფი.

რენე სამამოზანო დარბაზი



კლოდ მონე

ჩვენს დროში ძალზე პოპულარულია მე-19 საუკუნის 70-იანი წლების მხატვარ-იმპრესიონისტების — მონეს, რენუარის, პისაროს და სხვათა შემოქმედება. მათი ნათელი, ლამაზი, პოეტური სურათები იმდენად მომხიზლავია, რომ ჩვენთვის ძნელი წარმოსადგენია, რატომ უარყო და დაგმო ისინი იმდროინდელმა საზოგადოებამ. მზრალ და მაღალფარდოვან ოფიციალურ ხელოვნებას შეჩვეული კრიტიკოსები გამანადგურებელ შეფასებებს აძლევდნენ იმპრესიონისტებს, მათ ნაშუაგვრებს არ ღებულაობდა პარიზის ხალხი — ყოველწლიური ოფიციალური სამხატვრო გამოფენა. მხოლოდ მრავალი წლის შეუპოვარი ბრძოლის შემდეგ მოიპოვეს იმპრესიონისტებმა დამსახურებული აღიარება, ზოგი-

ერთი მათგანი კი ვერც მოეწყრო ამახ. 1874 წელს იმპრესიონისტებმა მოაწყვეს საკუთარი, „დამოუკიდებელი გამოფენა“. სწორედ აქ წარმოდგენილი ერთ-ერთი სურათის სათაური გახდა მთელი ამ ჯგუფის, მთელი მხატვრული მიმდინარეობის სახელწოდების საფუძველი. ეს სურათი იყო „შთაბეჭდილება, ანუ მზის ამოსვლა“ (ფრანგულად — „იმპრესიონ“). მისი ავტორია კლოდ მონე. კლოდ მონე ყველაზე თანამიმდევრული, ყველაზე ჭეშმარიტი იმპრესიონისტია. ცივ და უსიცოცხლო ოფიციალურ ფერწერას მან დაუპირისპირა ბუნების უშუალო, ხალხის გამოსახვა. მონეს პეიზაჟები ყოველთვის სრულდებოდა ღია ცის ქვეშ, და ამიტომ ისინი აღსავსეა ჰაერითა და სინათ-

„ტარას ზღვის პირას“

ლით, მჟღერი და სუფთა ფერების ელვარებით, ხალისიანი და ლაღი გრძნობებით. მონე ცდილობდა, ზუსტად გადმოეცა თავის პეიზაჟებში საკუთარი, განუმეორებელი შთაბეჭდილება, დაეჭირა ბუნების ცვალებადობა, მისი მოუხელთებელი მოძრაობა. სწორედ მონემ შენიშნა, რა ძლიერი იცვლება ერთი და იგივე პეიზაჟი სხვადასხვაგვარი განათების დროს — ღრუბლიან ან მზიან ღლეს, დილას ან საღამოს. ასეთია მისი სერიები: „რუანის ტაძარი“ და „თივის ზვინები“. ფუნჯის თავისუფალი, სწრაფი, მოძრავი მონასმებით გადმოსცემს მონე გამჭვირვალე ჰაერის ციმციმს, მზის სხივების ელვარებას, ტალღების ლივლივს. მისი სურათები ყოველთვის გამსჭვალულია თბი-

ლი, ნათელი გრძნობით, პოეტურობით. სამაგიეროდ, მისთვის სრულიად უცხოა დრამატული, მძაფრი ემოციები, ღრმა ფსიქოლოგიზმი. მხატვარი ქმნის საკუთარ მშვენიერ სამყაროს, სადაც უმთავრესია მდიდარ და ხასხასა ფერთა ელვარება. ტყუილად ხომ არ ამბობდა მის შესახებ ამ პერიოდის მეორე დიდი მხატვარი, პოლ სეზანი: „მონე — ეს მხოლოდ თვალთა, მაგრამ, ღმერთო ჩემო, — როგორი თვალთა!“

სწორედ ასეთია მონეს ეს სურათი — „ტარას ზღვის პირას. სენტ-ადრესი“. როგორც სახელწოდებიდან ჩანს, იგი შესრულებულია ზღვისპირა ქალაქ სენტ-ადრესში, მონეს დედის სახლის ზედა სართულიდან. სურათზე გამოსახული არიან მხატვრის მშობლები და ნათესავები, მაგრამ აშკარად იგრძნობა, რომ ავტორს აინტერესებს არა ამ ადამიანთა ხასიათების გადმოცემა ან მათ შესახებ რაიმე აზრის მოთხრობა, არამედ ის, თუ როგორ ეთანხმებიან ეს ფიგურები გარემოს, ნათელი, მზიანი დღის ცოცხალ შთაბეჭდილებას. მათი სახეები თითქმის არ ჩანს. ვაცილებით უფრო მეტ ყურადღებას აქცევს მხატვარი თეთრ კაბებზე ფერადი სხივებისა და ჩრდილების თამაშს, ჭრელ ყვავილებს, ღრუბლების სრიალს, ტალღების ლივლივს. თავისი ინტერესებით, თავისი ნიჭის ხასიათით კლოდ მონე აშკარად პეიზაჟისტი მხატვარი იყო. მის შემოქმედებაში ადამიანის ფიგურას თანდათან სულ უფრო ნაკლები ყურადღება ექცეოდა. ბოლოს მონეს სურათებში განუყოფლად გაბატონდა ბუნება, ოცნებასავით მშვენიერი და ფერად ზმანებასავით მიმზიდველი.

თეიმ ჯალალანიძე, ხელოვნებათმცოდნე